



# RHEL 7 Arabic Notes

تلخيص الطالب : أحمد عبدالمنعم

فيديوهات المهندس : مصطفى حموده

رابط ال Play List

[https://www.youtube.com/playlist?list=PLy1Fx2HfcmWBpD\\_Pi4AQpjeDK5-5q6TG7](https://www.youtube.com/playlist?list=PLy1Fx2HfcmWBpD_Pi4AQpjeDK5-5q6TG7)

# شوية ملاحظات

1- هذه الملخصات هى عبارة عن مجرد تجميع للمعلومات وتمت ازالة كل الكلام الذى ليس له علاقة بالكورس ، من الاخر كده اللى هنا بس هو المختصر المفيد والكلام مكتوب باللهجة المصرية مع مراعاة التوضيح لاقصى درجة

2- التلخيص ده خاص بفيديوهات البشمةهندس مصطفى حموده بس ، يعنى حضرتك هتتفرج على الفيديوهات وتقرأ من التلخيص

3- كمان هتلاقى ملاحظات انا جبتها من النت علشان تساعدك انك تفهم اكثر وبالمناسبة كمان انا حطيت لينكات لمواضيع كتيرة متعلقة بالتراك ده ممكن انت تقرأها على النت هتفيدك جدا

4- ملحوظة اخيرة وهى ان التراك ده بدايته من الفيديو رقم 66 اليوم ال 35 وده عنوان الفيديو

**66-Day-35 DHCP\_Server**

لحد الفيديو رقم 85 اليوم ال 49 وده عنوان الفيديو

**85-Day-49 BIND Cont-4**

تنبيه بسيط وهو ان التراك التالت ده لسه ناقص فيه مواضيع كتيرة زى ال

**1-Samba**

**2-GPG**

**3-SSH**

**4-Firewall**

**5-PXE Boot**

**6-SeLinux**

**7-NTP**

**8-SNMP**

**9-Mail Server**

طيب انت لو عايز تذاكر المواضيع دى ، هتضطر انك تراجعها من المنهج القديم  
الخاص ب **RHEL 6** وده لينك ال **Playlist** اللى فيها باقى المواضيع القديمة

[https://www.youtube.com/playlist?list=PLCIJtzQPZJ\\_10\\_h-jzD299qkg\\_luoT-5](https://www.youtube.com/playlist?list=PLCIJtzQPZJ_10_h-jzD299qkg_luoT-5)

وده لينك موقع **Certdepot** هتلاقى عليه اغلب المواضيع اللى ممكن  
تحتاجها

<https://www.certdepot.net/>

ملحوظة اخيرة خاصة بال **Play List** اللى مشروح فيها باقى مواضيع **Admin 3** اللى موجودة على قناة **FreeForArabs** , عنوانين الفيديوها هناك مش واضحة بمعنى ان كل فيديو هناك العنوان بتاعه مش بيوضح هو بيتكلم عن اى بالظبط , فانا بما انى اتفرجت عليها هكتب لكم المواضيع اللى هناك بالترتيب من الفيديو رقم 1 لحد الفيديو رقم 28

اولا متنساش ده اللينك بتاعتها

[https://www.youtube.com/playlist?list=PLCIJtzQPZJ\\_10\\_h-jzD299qkg\\_luoT-5](https://www.youtube.com/playlist?list=PLCIJtzQPZJ_10_h-jzD299qkg_luoT-5)

ودى بقى المواضيع بالترتيب

**1-Network intro**

**2-Network basic**

**3-NTP + DHCP**

**4-NFS + FTP**

**5-FTP Cont + Special Permissions**

**6-DNS 1**

**7-DNS 2**

**8-DNS 3**

**9-DNS 4**

**10-Samba**

**11-GPG 1**

**12-GPG 2**

**13-SSH**

**14-Web Server**

**15-Virtual Host**

**16-Apache SSL + Xinetd + CUPS**

**17-Squid [Proxy Server]**

**18-New Starting Point**

**19-mysql + Firewall Introduction**

**20-Iptables-1**

**21-Iptables-2**

**22-Iptables-3**

**23-PXE Boot Intro**

**24-PXE& kickstart**

**25-Selinux**

**26-SNMP-1**

**27-SNMP-2**

**28-SNMP-3**

**التراك الثالث**

**Admin 3**

# **Table Of Contents**

<b><u>1-DHCP.....</u></b>	<b><u>10</u></b>
<b><u>2-iSCSI .....</u></b>	<b><u>34</u></b>
<b><u>3-FTP.....</u></b>	<b><u>75</u></b>
<b><u>4-NFS.....</u></b>	<b><u>99</u></b>
<b><u>5-ApacheBasics.....</u></b>	<b><u>126</u></b>
<b><u>6-Virtual Host.....</u></b>	<b><u>147</u></b>
<b><u>7-SSL.....</u></b>	<b><u>173</u></b>
<b><u>8-MariaDB.....</u></b>	<b><u>193</u></b>
<b><u>9-Access Restrictions.....</u></b>	<b><u>217</u></b>
<b><u>10-DNS Intro.....</u></b>	<b><u>232</u></b>
<b><u>11-BIND DNS Installation.....</u></b>	<b><u>251</u></b>



**12-Cashing Name Server.....277**

**13-BIND Logging.....300**

**14-BIND Cont 1 + 2.....311**

**15-BIND Cont 3.....329**

**16-BIND Cont 4.....347**

**17-BIND Cont 5.....374**

# 1-DHCP

## بداية التراك التالت

فى الغالب جزء ال **Authentication** وال **Policy** زى ال **IPA** وغيرها ، بىكون خاص بجزء ال Security ، مش مجرد انه جزء خاص بال Services وخلص ، على الرغم من انه بيشتمل على انك هتشغل service ، لكن فى فرق بين انك ت **run service** وبين انك ت **configure secure service**

بداية من التراك ده لازم تتأكد ان ال **Package** بتاعت ال **service** اللى انت هتشغل عليها ، لازم تكون متسطة ولازم تكون **Up and running**

اول حاجة هنعملها وهى اننا هنسطب ال DHCP Service ، عن طريق الامر **yum install dhcp**  
تعالى بقى نشوف ال **status** بتاعت ال service دى

**systemctl status dhcpcd**

ولو ملقتهاش active ولا enable ، يبقى تروح تعملها enable وكمان تخليها active

**systemctl enable dhcpd**

**systemctl start dhcpd**

ملحوظة وانت بتعمل start لل dhcpd ممكن تطلعك رسالة ال error دى

● **dhcpd.service - DHCPv4 Server Daemon**

**Loaded: loaded (/usr/lib/systemd/system/dhcpd.service; enabled; vendor preset: disabled)**

**Active: failed (Result: exit-code) since Tue 2018-07-03 05:46:20 EDT; 1min 13s ago**

**Docs: man:dhcpd(8)**

**man:dhcpd.conf(5)**

**Process: 2113 ExecStart=/usr/sbin/dhcpd -f -cf /etc/dhcp/dhcpd.conf -user dhcpd -group dhcpd --no-pid (code=exited, status=1/FAILURE)**

**Main PID: 2113 (code=exited, status=1/FAILURE)**

**Jul 03 05:46:20 server.yum.com dhcpcd[2113]: Internet Systems Consortium DHCP Server 4.2.5**

**Jul 03 05:46:20 server.yum.com dhcpcd[2113]: Copyright 2004-2013 Internet Systems Consortium.**

**Jul 03 05:46:20 server.yum.com dhcpcd[2113]: All rights reserved.**

**Jul 03 05:46:20 server.yum.com dhcpcd[2113]: For info, please visit <https://www.isc.org/software/dhcp/>**

**Jul 03 05:46:20 server.yum.com dhcpcd[2113]: Not searching LDAP since ldap-server, ldap-port and ldap-base...file**

**Jul 03 05:46:20 server.yum.com dhcpcd[2113]: Wrote 0 leases to leases file.**

**Jul 03 05:46:20 server.yum.com systemd[1]: dhcpcd.service: main process exited, code=exited, status=1/FAILURE**

**Jul 03 05:46:20 server.yum.com systemd[1]: Failed to start DHCPv4 Server Daemon.**

**Jul 03 05:46:20 server.yum.com systemd[1]: Unit dhcpcd.service entered failed state.**

**Jul 03 05:46:20 server.yum.com systemd[1]: dhcpcd.service failed.**

**Hint: Some lines were ellipsized, use -l to show in full.**

فكك من الرسالة دي دلوقتى ، وتعالى بقى نتكلم عن ال DHCP

مبدئيا كده ال dhcp هو اختصار ل

## Dynamic Host Configuration Protocol

يعنى اى بقى ؟ بص بكل بساطة كلمة configuration protocol معناها انه

بروتوكول مسؤول عن انه يعمل autoconfiguration لل network بتاعت

الاجهزة اللي موجودة ، وكلمة dynamic معناها انى مش لازم احط

ال ip static بايدي على كل جهاز عندي لواحد

يبقى اذا ال DHCP هو عبارة عن بروتوكول كل وظيفته انه يدبك setting خاصة

بكل جهاز موجود عندك على الشبكة

طيب ال DHCP هيشغل ازاي؟؟ قالك خلى عندك سيرفر كده وخليه هو ال

dhcp server وتعالى على جهاز ال client واعمله configure انه يستخدم ال

dhcp protocol علشان يحاول ياخد ايبى من الشبكة اللي هى هنا

ال dhcp server ، طيب الموضوع ده هيتم ازاي؟؟ قالك ان عملية ال client

ياخد ip من ال dhcp بتم على 4 خطوات اسمها **DORA** ودى اختصار ل

## Discover Offer Request ACK

نمسكها كلمة كلمة ، اولا **discover** ، هنا انت عندك ان جهاز ال Client  
هيكون Configured انه يدور على ip من ال network ، فا هيعمل اي بقى ؟  
هو هيبعت **Broadcast Packet** وال Broadcast Packet دى هتكون  
مبعوتة على Special Mac Address ، هو FF:FF:FF:FF:FF:FF ، اى الماك  
ادرس ده ؟ بكل بساطة انت لو ترجمته ل decimal هتلاقيه  
**255.255.255.255** كده

يبقى ال **Mac Address** ده عو عبارة عن ال broadcast ، وده بيعته لاي  
جهاز فى الدنيا ، بمعنى ان انت لو عندك FTP Server ، برضو هيستقبل من  
جهاز ال Client ال Packet دى برضو وكذلك الامر برضو لو فيه اجهزة  
clients ، كلهم هيستقبلوا نفس ال Packet اللى جهاز ال client بعته ويطلب  
فيها انه عايز ياخذ ip ، كده المفروض مين اللى يرد عليه ؟؟

المفروض اللى يرد عليه بس هو ال DHCP Server ؟ هيرد ويقول له خد ال ip ده  
وخد كمان ال netmask وخد كمان ال Gateway وممكن كمان يقول له خد  
ال DNS

يبقى جهاز ال Client بعث discover وجهاز ال dhcp server راح رد  
عليه ب offer ، طيب دلوقتى بقى لما ال DHCP Server يرد على جهاز ال  
Client اللى هو ممكن تسميه برضو dhcp client ، لما يرد عليه فى ال offer

هل هيرد عليه BroadCast ثانية؟؟ قالك لا طبعا ، لما ال DHCP Server يرد

هيرد بحاجة اسمها **Unicast Packet**

طيب هيبعتها لمين بالظبط ؟ قالك هيبعتها لل Mac Address اللى بعث

ال Request او اللى بعث discover

يبقى نفهم من اللى فات ان جهاز ال client بعث discover وراح

ال dhcp server رد عليه ب offer يعنى بيعرض عليه هل يوافق على العرض

اللى بعته وهو انه ياخذ ال ip الفلانى ده وياخذ ال netmask دى وياخذ ال

gateway دى ، يروح هنا بقى جهاز ال client يرد عليه ب request يعنى بطلب

انه موافق على ال offer اللى عرضه ال dhcp وخلي بالك انه فى الخطوة

التالته دى جهاز ال client هيبعت برضو ال request على ال BroadCast

واخيرا تيجى الخطوة رقم 4 من ال dhcp server وهو بيرد على جهاز ال client

بحاجة اسمها **ACK** اللى هى اختصار ل **Acknowledge** يعنى

ال dhcp server بياكد انه خلاص بعث ال ip وال gw الفلانى ده لل dhcp client

اللى طلبهم

يبقى خليك فاكرا ان ال Client بيعت كل رسايه سواء discover او حتى request بيعتهم ك Broadcast ، لكن ال Server بيرد ديما ب unicast Packet

## ملحوظة مهمة وهى

```
[root@client ~]# route -n
```

Kernel IP routing table

Destination	Gateway	Genmask	Flags	Metric	Ref	Use	Iface
0.0.0.0	192.168.1.1	0.0.0.0	UG	100	0	0	enp0s3
192.168.1.0	0.0.0.0	255.255.255.0	U	100	0	0	enp0s3

ال destination اللى هى **0.0.0.0** معناها انك لو عايز تطلع على مكان فى الدنيا ، يعنى لو عايز تروح لاي موقع مثلا ، يبقى انت هتطلع عن طريق ال Gateway دى **192.168.1.1**

طبعا لو عايز تعرف اذا كان الجهاز بتاعك واخد ip static ولا من ال dhcp ، عن طريق الامر

```
nmcli connection show enp0s3
```

وممكن تجيب تفاصيل Profile معينة عارف عن طريق الامر

```
ifconfig enp0s3
```



طیب افرض بقى ان ال Network Manager مش موجود اصلا ، ممكن تروح  
تشوف الملف ده

**less /etc/sysconfig/network-scripts/ifcfg-enp0s3**

**TYPE="Ethernet"**

**PROXY\_METHOD="none"**

**BROWSER\_ONLY="no"**

**BOOTPROTO="dhcp"**

**DEFROUTE="yes"**

**IPV4\_FAILURE\_FATAL="no"**

**IPV6INIT="yes"**

**IPV6\_AUTOCONF="yes"**

**IPV6\_DEFROUTE="yes"**

**IPV6\_FAILURE\_FATAL="no"**

**IPV6\_ADDR\_GEN\_MODE="stable-privacy"**

**NAME="enp0s3"**

**UUID="59afa824-d966-424a-bb92-83ae974c6e5d"**

**DEVICE="enp0s3"**

**ONBOOT="yes"**

ملحوظة مش معنى ان الملف ده فى

**BOOTPROTO="dhcp"**

يبقى انت كده واخد من ال dhcp ، وبالمناسبة كمان انت ممكن تغير ال ip  
عن طريق ال ifconfig

**ifconfig enp0s3 192.168.1.7/24**

كده انت عندك 4 طريق علشان تغير ال ip

بص بقى لو انت عندك جهاز ومش شغال بال network manager وعمايز تعرف  
اذا كان واخد ip من ال dhcp ولا لأ ، هتلاقى ملف كده اسمه

**less /var/lib/dhclient/dhcp.lease**

طب انت هتقول ان RHEL 7 اصلا شغالة بال Networkmanager ب Default  
يبقى برضو هتلاقى فى المسار ده

**less /var/lib/NetworkManager/dhclient-59afa824-d966-  
424a-bb92-83ae974c6e5d-enp0s3.lease**

ملف امتداده

**.lease**

واللى جمبه ده هو ال UUID بتاع ال **enp0s3 Profile**

والملف ده بيكون فيه كذا lease ، يعنى كذا section وكل lease فيهم فيه كل المعلومات اللى انت خدتها

الملف ده بقى فيه كل المعلومات اللى ال Network Manager طلبها من ال DHCP لما قام ، ويبقى كده طلعتنا بقاعدة وهى انك طالما لقيت ملف ال **lease** ده يبقى تعرف ان ال Interface ده معمول ليه configured او هو اوتوماتيك بياخد ip من ال dhcp

تعالى بقى نفتح الملف ده ، اول حاجة عندك السطر ده

**option dhcp-lease-time 86400;**

خلى بالك بقى ان ال client مش هياخد ال ip مدى الحياة ، ده هياخده لمدة محددة ، يبقى هنا ال lease time ، يعنى المدة اللى ال ip اللى انت خدته هيبقى معاك فيها هتكون 86400 ثانية يعنى 1440 دقيقة يعنى 24 ساعة وبيقولك كمان انك لازم تعمل اعادة تجديد فى الوقت المحدد

**renew 2 2018/07/03 20:21:40;**

وبالمناسبة انت لازم تبص على التاريخ بتاع كل lease ، ليه ؟ لان انت ممكن تكون اخر lease انت خدته من اسبوع مثلا وبالتالي انت كده هتلاقى الملف موجود

يبقى انت لازم تشوف الوقت بتاعتك كام بالظبط؟؟ وتشوف ال 3 اسطر دول

**renew 2 2018/07/03 22:52:29;**

**rebind 3 2018/07/04 08:10:20;**

**expire 3 2018/07/04 11:10:20;**

يعنى تشوف انت لازم تجدد ال ip امتى بالظبط ، ولو لقيت الوقت منتهى  
اصلا ، يبقى تعرف انك كده واخذ من ال dhcp

يبقى هنا اى اللى هيحصل لو انت سبت الجهاز لحد ما ال

**expire 3 2018/07/04 11:10:20**

ياجى ؟ هيحصل حاجتين ، يا اما انك هتعمل renew من ال dhcp ، او يا اما انك  
مش هتلاقى ال dhcp وبالتالي مش هتعرف تعمل renew وبالتالي انت مش  
هتستخدم ال ip اللى انت خدته المرة اللى فاتت  
يعنى اصلا ال DHCP Server هيدىك ip وهيحددلك وقت لل expiration بتاعته

**كده انا عندى مشكلتين** ، المشكلة الاولى وهى افرض ان جهاز ال client وهو  
بيعمل renew لل ip راح لقى ال dhcp server كان بيعمل restart مثلا او مش  
موجود ، اى بقى اللى هيحصل وقتها؟

ببساطة الاجابة موجودة فى ال 3 سطور دول

**renew 2 2018/07/03 22:52:29;**

**rebind 3 2018/07/04 08:10:20;**

**expire 3 2018/07/04 11:10:20;**

اصلا ال dhcp بيقول لل client انت المفروض تسألنى على ip جديد ، وهل هتكمل مع ال ip اللى انت خدته ده ولا لا ، مش كده وبس ، ده كمان هيديله حاجة اسمها expire

طيب افرض ان انت جيت تعمل renew وملقتش السيرفر ؟ المفروض اصلا وانت بتعمل configure لل dhcp server تديله حاجة اسمها ال grace period اللى هى فترة السماح ، بمعنى ان جهاز ال DHCP Server وهو بيدى ال ip لجهاز ال Client هيقوله لو انت مقدرتش تعمل communicate معايا وتأخذ ip جديد فانت عندك فترة سماح هديها لك قد تكون مثلا 4 ساعات او 6 ساعات تحاول خلال الفترة دى انك تخلص معاك ال ip اللى انا عطتهولك ، طبعا خلال الفترة دى هو هيكون بيحاول انه يتصل بال dhcp server علشان يجدد ال ip بتاعته ، طيب افرض انك برضو معرفتش تعمل communicate مع ال dhcp server خلال الفترة دى ، يبقى كده خلاص ال ip بتاعتك هيحصله expiration

يبقى الشرح من ثانى ، اولا السطر ده

**renew 2 2018/07/03 22:52:29;**

معناها ان فى الوقت ده هبدأ يعمل renew ، طيب وبعدين  
ندخل على السطر ده

**rebind 3 2018/07/04 08:10:20;**

كده الفترة بين السطرين دول ، يعنى حوالى من الساعة 10 بالليل لحد  
الساعة 8 الصبح دى فترة السماح اللى انت هتحاول تتصل بيها  
بال dhcp server علشان تأكد على ال ip بتاعك ، او علشان تاخذ  
منه ip جديد ، طيب افرض ملقتوش ، يبقى نخش على السطر التالت

**expire 3 2018/07/04 11:10:20;**

كده الفترة بين السطر الثانى والتالت اللى هى ساعتين ، اللى هما خلال  
الوقت ده بس ممكن تستخدم ال ip القديم اللى انت خدته من ال DHCP  
Server وبعدها هينتهى وبالمناسبة ال value بتاعت الوقت دى Configured

طيب عندنا بقى سؤال هنا ، وهو لو انت system admin وشغال فى شركة كبيرة وليكن عندك مثلا 500 جهاز موصلهم على DHCP Server ، وفرضا بقى ان مواعيد شغلك من 8 الصبح ل 6 المغرب

**يبقى المفروض تعمل configure ل value زى دى تخليها اى بالظبط ؟؟**

السؤال بشكل اصعب ، هل المفروض ال values بتاعت ال dhcp تكون كبيرة ولا صغيرة ولا اى بالظبط ؟ يعنى لما ادى ip لل Client اديله ip لمدة اسبوع ولا شهر ولا اى بالظبط ؟

بص انت عندك مشكلة لو انت مثلا عطيت لكل جهاز عندك static ip لمدة اسبوع مثلا ، لان على افتراض ان انت عندك ال users بيروحوا وباجاوا يعنى اجهزتهم مش ثابتة فى مكانها فى الشركة وبكده ال ip address اللى عندك هتخلص ، وانت اصلا لما بتيجى تعمل configure لل DHCP بتقوله ان لما حد ياخذ منك ip يبقى ياخذ من ال subnet المعينة دى ، يعنى مثلا بتكون 24/ يعنى بتدى عدد 255 ايبى ، شيل منهم ال gateway ip يبقى انت عندك 253 ايبى ك Maximum عدد من الايبهات

طيب برضو لو انت خليت ال value بتاعت ال renew ip قليلة جدا مثلا ساعتين ، يبقى انت عندك ال BroadCast هيزيد جدا ، يبقى لو انت مثلا عندك 200 جهاز وال 200 جهاز دول بيعموا كل ساعتين BroadCast يبقى انت كده هيكون عندك ما يسمى بال **BroadCast Storm** شبه ال **DDOS Attack** ، معنى كده ان انت لازم تحط values محترمة وال value دى تكون على حسب عدد الاجهزة اللى عندك وشغلهم هيكون ازاي برضو

والسيناريو المفضل نوعا ما ، انك لو الاجهزة اللى عندك متصلة عن طريق ال wired ، يبقى ال renew value تكون مش اقل من **8 ساعات** وتخلي ال expire time بتاعته **16 ساعة** او خليه مثلا 12 ساعة ، طيب لو الاجهزة بقى متصلة عن طريق ال wireless ، يبقى تحاول تخلي ال lease time اللى هى فترة السماح بتاعت الاجهزة كل ساعتين ، والسبب ان طبيعة ال wireless مختلفة تماما عن طبيعة ال wired خالص ، طبيعتها ان كل شوية واحد عمال يتصل وواحد يفصل ، واحد يفصل وواحد يتصل وهكذا وخلي ال renew time بتاع الاجهزة يكون كل 2.5 او 3 ساعات



تعالى بقى نرجع نحل المشكلة بتاعت ال dhcp

## ● **dhcpcd.service - DHCPv4 Server Daemon**

**Loaded: loaded**

**(/usr/lib/systemd/system/dhcpcd.service; enabled;  
vendor preset: disabled)**

**Active: failed (Result: exit-code) since Tue 2018-07-  
03 05:46:20 EDT; 1min 13s ago**

**Docs: man:dhcpcd(8)**

**man:dhcpcd.conf(5)**

**Process: 2113 ExecStart=/usr/sbin/dhcpcd -f -cf  
/etc/dhcp/dhcpcd.conf -user dhcpcd -group dhcpcd --no-  
pid (code=exited, status=1/FAILURE)**

**Main PID: 2113 (code=exited, status=1/FAILURE)**

اولا ملف ال configuration بتاع ال dhcp موجود فى المسار

**cd /etc/dhcp/dhcpcd.conf**

وتفاجىء انه ملف ال configuration فاضى اصلا ، يعنى مفيش اصلا ملف

configuration ، فاكر بقى ايام ال man pages ؟

فانت خلى بالك بقى من المسار ده اللى فيه كل ملفات ال docs بتاعت معظم ال services اللى موجودة

```
cd /usr/share/doc/
```

انت هنا لما سطبت ال dhcp راح عمل example file فى المسار ده

```
/usr/share/doc/dhcp/dhcp-4.2.5/dhcpd.conf.example
```

طيب تعالى كده ناخد نسخة من الملف ده ونوديتها لمكان ال configuration بتاعت ال dhcp ، نفذ الامر ده

```
cp /usr/share/doc/dhcp/dhcp-4.2.5/dhcpd.conf.example /etc/dhcp/dhcpd.conf
```

**ملحوظة : متنساش حرف ال d وانت بتكتب اسم ال service اختصارا**

**Daemon ل**

تعالى بقى نفتح الملف ده ونغير فيه ال settings بتاعته

واول حاجة انا عملتها انى غيرت ال domain name

```
option domain-name "ahmed.org";
```

وبعدین هغیر ال domain name server ، ممکن اروح اجیب من جوجل  
ال Open DNS Server

**option domain-name-servers 208.67.222.222, 208.67.220.220;**

وبعد کده ممکن اغیر ال default lease time ، مثلا اخلیه

**default-lease-time 3600;**

یعنی کل ساعة ، یعنی کده ال default lease time معناه انی لما ادى ip  
لل Client یبقى ال Client لازم یرجع یعمل renew منی کل 3600 ثانیة یعنی  
کل ساعة اما بقى بالنسبة لل

**max-lease-time 7200;**

فده معناه ان بعد ساعتین لو جهاز ال client ملاقنیش ، یبقى خلی ال ip ده  
معاه مثلا 7200 ثانیة یعنی 120 دقیقه

وفی کمان option عندک فی الملف ده برضو معمول علیه comment وهو

**#authoritative**

یعنی لو لغیت ال comment فانت کده بتقوله ان ده هو  
ال Official DHCP بتاعک ، وده هیفیدک جدا فی حالة ان انت عندک اتنین  
dhcp servers ، وبالمنااسبة ده مش شىء طبیعی لما یکون شبکه واحدة وفيها  
اتنین dhcp servers وکمان الاتنین مش شغالین مع بعض

كده انت بتعذب نفسك ؟ ليه بقى لان انت عندك مثلا ممكن ال DHCP الاولانى يدى ip وال DHCP التانى يدى نفس ال ip وفى الحالة دى هيجصل ip conflict وهيبقى عندك مشكلة فى الشبكة ، يبقى انت تخلص واحد فيهم هو ال **authoritative** ويستحب انك تعملها يعنى يكون هو الرسمى بعد كده بقى ممكن تيجى من اول السطر ده

## # DHCP server to understand the network topology.

وتمسح بقية الملف للآخر ن يعنى هستخدم ال vim ، واول حاجة تعمل set number يعنى ترقيم الملف بتاعتك، يبقى تروح لل execution mode وبعدين تنفذ

::\$d

كده هيمسح من اول ما ال cursor واقف لحد الآخر

طيب فى ملحوظة مهمة بخصوص ملف ال configuration بتاع ال DHCP ، بيقولك بقى ان اى حاجة هتعرفها فوق فى ملف ال Configuration ده وتكون Globally ، فالحاجة دى هتطبق على اى subnet انت هتعملها تحت فى الملف ، لكن اللى هيتعرف جوه ال subnet يعنى هيكون جوه القوسين بتوع ال subnet هيكون خاص بال subnet دى بس

```

subnet 10.5.5.0 netmask 255.255.255.224 {
    range 10.5.5.26 10.5.5.30;
    option domain-name-servers
ns1.internal.example.org;
    option domain-name "internal.example.org";
    option routers 10.5.5.1;
    option broadcast-address 10.5.5.31;
    default-lease-time 600;
    max-lease-time 7200;

}

```

يعنى مثلا لو عرفت NTP Server جوه ال subnet دى هيفضل ال ntp موجود  
 بشكل Locally لل Subnet دى ، يعنى مثلا لو عندك ال domain name ده

```

option domain-name "internal.example.org";

```

فده هي reflect ال Subnet دى بس

تعالى بقى نعدل فى ال subnet دى ، اول حاجة هغير ال ip واخليه مثلا

**192.168.21.0**

بعد كده ال rang اللى هيحكمنى ، يعنى هبدأ يوزع ايبهات من اول كام

ممکن اخلیه کده

**range 192.168.1.5 192.168.1.250**

طیب سؤال احنا لیه بدأنا نوزع ایبهات بداية من 192.168.121.5 وانتهینا عند

192.168.21.250 ، لان خلی بالك ان الجماعة بتوع

ال Network Administrator دیما بیحجزوا ال Gateway یا اما انه یكون فی

بداية ال subnet او یكون فی نهايته عادى متستغریش ان ال GW ممکن یكون

فی اخر ال subnet ، یبقى انت تخلیک ذکی شویتین وتبدأ توزع ایبهاتك بعد ما

تسیب اول 3 او 4 ایبهات فی اول واخر ال subnet

بالنسبة بقى للسطرين دول

**option domain-name-servers ns1.internal.example.org;**

**option domain-name "internal.example.org";**

اللى هما ال Domain Name وال Domain Name Server ، فانت اصلا مش

محتاجهم یعنى ممکن تمسحهم ، لان انت عرفتهم Globally فوق فی بداية

الملف

وبعدها بقى ال

## **option routers**

وبعدها ال Broadcast Address اللى هو نهاية عدد الايبيات فى الشبكة بعد كده هتقولى فين ال DNS ، هقولك ما انا عرفتته فوق اصلا Globally

تعالى بقى نعمل reboot لجهاز ال client

وبعدها ممكن تنفذ الامر ده علشان تشوف جهاز ال client وهو بياخد ip من  
ال dhcp server

## **tail -f /var/log/messages**

هتلاقى هنا الجهاز بتاعك وهو بيدى ip لجهاز ال client

```
Jul 3 11:29:00 server dhcpcd: DHCPDISCOVER from 08:00:27:22:7f:98 via enp0s3
```

```
Jul 3 11:29:00 server dhcpcd: DHCPOFFER on 192.168.1.9 to 08:00:27:22:7f:98 (client) via enp0s3
```

```
Jul 3 11:29:00 server dhcpcd: DHCPREQUEST for 192.168.1.9 (192.168.1.3) from 08:00:27:22:7f:98 (client) via enp0s3
```

```
Jul 3 11:29:00 server dhcpcd: DHCPACK on 192.168.1.9 to 08:00:27:22:7f:98 (client) via enp0s3
```

فى الاربع سطور دول هتلاقى ال **DORA** ، بداية من ال Discover ثم ال Offer  
ثم ال Request ثم ال ACK

تعالى بقى على جهاز ال client علشان تتأكد ان ال lease جى من انهى dhcp  
server بالظبط ؟

**less /var/lib/NetworkManager/dhclient-59afa824-d966-  
424a-bb92-83ae974c6e5d-enp0s3.lease**

بص بقى على اخر lease فى الملف ده

```
lease {  
    interface "enp0s3";  
    fixed-address 192.168.1.9;  
    option subnet-mask 255.255.255.0;  
    option routers 192.168.1.1;  
    option dhcp-lease-time 600;  
    option dhcp-message-type 5;  
    option domain-name-servers  
208.67.222.222,208.67.220.220;  
    option dhcp-server-identifier 192.168.1.3;  
    option broadcast-address 192.168.1.55;
```



```
option domain-name "ahmed.com";
renew 2 2018/07/03 15:37:46;
rebind 2 2018/07/03 15:42:18;
expire 2 2018/07/03 15:43:33;
}
```

بص كده على ال

```
option domain-name "ahmed.com";
```

شوف كده هو بياخد مينين بالظبط وبالنسبة للملف بتاع ال

```
less /var/lib/NetworkManager/dhclient-59afa824-d966-424a-bb92-83ae974c6e5d-enp0s3.lease
```

هتلاقى برضو اسم الجهاز اللى طلب منك ال ip ، عندى انا مثلا مسميه client

```
Jul 3 11:33:33 server dhcpd: DHCPREQUEST for 192.168.1.9 from
08:00:27:22:7f:98 (client) via enp0s3
```

وديما اتأكد انك لما تعمل configure لل DHCP اتأكد ان انت معندكش  
dhcp 2 ، الحاجة الثانية وهى اختار lease time يكون مناسب للشبكة بتاعتك

حاجة اخيرة فى ال DHCP وهو انه بيشتغل على UDP Connection وبيشتغل كمان

على بورت 67

## 2-iSCSI Server

بدأنا فى ال iSCSI ، بداية كده تخيل ان انت عندك سيرفر معين ، تفتكر اكبر عدد من الهاردات ممكن تضيفها للسيرفر ده اي ؟ هتقولى على حسب ال slots اللى موجودة فى ال MB

حلو خالص فانت فى البداية كده عندك مشكلة وهى ان عدد الديسكات اللى هتركب فى السيرفر ده هتكون Limited جدا ، العدد نفسه limited ، ومش كده وبس لازم تسأل ال Performance بتاع الديسكات دى هيكون اى بالظبط ، طب افرض بقى ان انت عايز سيرفر واحد يكون عليه بتاع 50 تيرابايت او 100 تيرابايت مثلا هتعمل اى ؟

فالناس فكرت وقالت طب ما انا اصلا عندى ال Storage Solutions الكبيرة موجودة اصلا ، ودى عبارة عن انك بتجيب راك كبير كده ويكون مليون Slots وراكب فيه ديסקات كتيرة

مش كده وبس دا احنا ممكن نضرب الديسكات الكتيرة دى كلها مع بعض فى الخلاط ونطلع Storage Pool كبيرة ونبدأ اننا نشير لكل Server لوحده ال Storage الكبيرة دى

ودى اسمها بقى **Shared Storage** ، يعنى بكل بساطة بيكون عندك Storage كبيرة فشخ ويكون في اكثر من سيرفر بي Access ال Storage

والناس فكرت فى الحوار ده لعدة اسباب ، منها وهى ان ال Storage بتكون موجودة كلها فى مكان واحد بس بتتأكسس من كذا سيرفر ، الحاجة الثانية وهى انى خلاص مش لازم اشترى high in server يعنى ممكن اجيب Low in Servers يعنى سيرفرات صغيرة جدا فيها مثلا 4 slots بس مش هحط عليها غير 2 ديسكين بس وفى نفس الوقت هخليها تشوف ال Storage من ال Shared Storage اللى انا عملتها

وطبعا ال Shared Storage سعرها عالى ومفيش مشاكل على كده بس طبعا هزود ال Performance بتاعها بشكل كبير جدا وطبعا هزود الحجم بتاعها بشكل كبير جدا وبكده بدل ما يكون عندى سيرفر واحد او 500 سيرفر وكل واحد فيهم ليه ال Storage الخاصة بيه ، لا انا هخليهم كلهم ي Access ال Shared Storage دى

وده هيفدك فى سيناريوهات كتيرة جدا وعندك اشهر سيناريو موجود وهو ان انت يكون عندك Virtual Machines تكون running ، ولو عندك Virtual Machines وعازب تعمل ل Enable Feature معينة زى ال High Availability ففى الحالة دى يبقى لازم كل السيرفرات تعمل Access لنفس ال Shared Storage فى نفس اللحظة

وبالتالى لو ال Storage بتاعتك Local بس على قد السيرفر يبقى انت كده  
عمرك ما هيكون عندك High Availability بالنسبة لل VMs دى مثلا وده طبعا  
فى حد ذاته مشكلة

انت بقى علشان تعمل حاجة زى دى ، يقولك ان فى Implementations كتيرة  
اتعملت ، او اتعملت مجموعة Protocols اشهرها هو ال

**FC ==> Fiber Channel**

**وال**

**FCOE ==> Fiber Channel Over Ethernet**

**وال**

**iSCSI ==> Internet Small Computer System Interface**

طيب من سنين كتيرة كده لحد 2008 وكان ال FC هو اللى مسيطر على  
السوق وفى حوالى 2011 بدأ يظهر ال FCOE وبداية من 2013 بدأ ال iSCSI  
يظهر تانى فى السوق

وبالمناسبة ال iSCSI كان موجود طول الفترة اللى فاتت دى بس طبعا مكنش  
ليه شهرة كبيرة فى عالم الداتا سنتر لمجموعة اسباب كده ممكن نتكلم عنها

يعنى مثلا ال Fiber Channel وقتها كان عبارة عن كروت نت بتجيلك وكانت الكروت دى بتديك 2G او 4G ولما وصل 8G كان اختراع كبير فى الوقت ده ، طبعا حاليا ال FC ممكن يوصل معاك ل 16 جيجا ، بمعنى ان اللينك اللى واصل بين السيرفر وبين ال switch اللى واصل فى النصف علشان يروح لل Storage كان سرعته بتبقى 16 جيجا وده طبعا كان اختراع

اما بقى بالنسبة لل Fiber Channel Over Ethernet ، فده كان عبارة عن Cable عادى جدا بيستخدم ال Ethernet Technology مع ال Fiber Channel ، بمعنى انك مش لازم تروح تشتري Dedicated Switches علشان تعمل Enable لل Fiber Channel Over Ethernet وبالتالي هو كان مهم جدا

اما بقى ال Fiber Channel فكان لازم تروح تشتري حاجة كده اسمها SAN Switches علشان تقدر تشغله

عندنا بقى ال iSCSI ، وده بقى بيستخدم ال IP Transport او بمعنى اصح بيستخدم ال IP Network العادية خالص ، يعنى بيستخدم ال switches العادية خالص وال Interfaces العادية خالص برضو ويستخدمهم كبروتوكول علشان يقدر يتكلم مع ال **Shared Storage Server**

وده معناه ان انت لو عندك Infrastructure موجودة ، يعنى يكون عندك مثلا  
سويتشات عادية خالص فانت ممكن تستخدمها علشان تشغل ال iSCSI

طيب ال iSCSI من اسمه قبل ما نتكلم عن اى حاجة ، كلمة SCSI اصلا هى  
اختصار ل

## Small Computer System Interface

اى بقى معناها ؟؟ بكل بساطة هى اللغة او ال Language Of Love زى ما  
بتوع ال Network بيقلوا اللى كانت بتستخدم علشان لو عندك سيرفر  
والسيرفر ده فى disk جواه

دلوقتى بقى علشان السيرفر يكلم الديسك اللى جواه ده بشكل Locally ،  
اللغة دى بقى اسمها **SCSI** ، اه يبقى نفهم من كده ان دى هى اللغة اللى اى  
سيرفر بيقدر انه يكلم اى هارد ديستك جواه ، **طيب اى بقى ال iSCSI ؟؟**  
قالك بس ان هخلى اللغة دى بقى اللى هى ال iSCSI هعملها  
Transport over The Internet او Over IP ومن هنا بقى جه مصطلح ال iSCSI  
اللى هو اختصار ل Internet Small Computer System Interface ، وشهرته جات  
من انه بيستخدم ال IP Network العادية علشان يبدأ ينقل  
ال SCSI Commands العادية

واصلا ال SCSI Language دى عبارة عن لغة كده علشان تكتب الداتا على  
الديسك وطبعا خليك فاكرا انها كانت بتستخدم بشكل Locally بس

يعنى بكل بساطة هيكون عندى مثلا سيرفر عليه هارد ديسك وهوصله بسيرفر  
تانى ، والديسك اللى موجود على السيرفر الاولانى هيطهر كأنه Attached  
بالسيرفر التانى ، بس طبعا هو فعليا موجود على السيرفر الاولانى ، هنعمل  
ده ازاي بقى ؟ هنعمله عن طريق ال iSCSI Protocol

طبعا ال iSCSI Protocol بيتكون من جزئين ، الاول وهو ال i او ال Internet او  
ال IP وطبعا الجزء التانى وهو ال SCSI اللى هى الاوامر اللى هتستخدمها  
علشان يكتب الداتا على الديسك

**يبقى ال iSCSI هيقفل حاجة وهى ان يكون عندك ديسك Locally**  
**Attached على مكته ويظهر كأنه Attached على جهاز تانى**

طلب ليه ال iSCSI مشهور كده ؟ هو مشهور بسبب انه قدر يحقق حاجات  
خرافية ، زى مثلا السرعات العالية بتاعت الكابلات اللى بين السيرفرات  
وبعضها ، وطبعا زى ما انت عارف ان intel عملت كارت ethernet سرعته 80  
جيجا

والميزة الثانية من مميزات ال iSCSI وهى انه مش محتاج  
اي Special Infrastructure ، يعنى بيشتغل على السويتشات العادية وطبعاً ده  
ممکن يعمل reduce لل cost ودى حاجة كويسة جداً فى حد ذاتها ان المصاريف  
تقل

**ومتناساش ان ال iSCSI بيستخدم ال TCP Connection وال default port**  
**بتاعه هو 3260**

وعندنا فى ال لينكس بقى كان فى Implementation قديمة خاصة بال iSCSI ،  
دلوقتى بقى ال Implementation اللى هنتغل عليها اسمها LIO ودى اختصار  
ل Linux Input Output

تعالى بقى ن implement ال iSCSI عندنا ، اولاً هنعمل iSCSI Server هيكون  
عليه ال Storage وهنعمل ال iSCSI Client اللى هياخد من السيرفر ،  
وبالمناسبة برضو ال iSCSI Server اسمه ال **Target** وال iSCSI Client اسمه  
ال **Initiator** ، يبقى خليك فاكّر ديما ان السيرفر هو ال target ديما وال  
client هو ال initiator



ممکن تجرب کده

## **yum search iscsi**

بس طبعا ال Package مش اسمها iscsi طيب ال Package بقى اسمها

**targetcli** ، يبقى انت هتسطبها على جهاز ال iSCSI Server

## **yum install targetcli**

بعدها بقى هتلاقى فى Command Line اسمه

## **targetcli**

اه وبالمناسبة ابقى اتأكد ان ال target.service معمول ليه loaded و active

## **systemctl status target.service**

قبل ما تعمل اى حاجة اتأكد اصلا ان ال Backed End Storage بتاعتك شغالة ،

يعنى تشوف الهاردات اللى عندك ظاهرة ولا لأ عن طريق الامر lsblk طبعا

ال Backed End بتاعتك هناهى ال sdb اللى انت صفتة وهكذا يعنى

طبعا انا ممكن استخدم الهارد ده بشكل مباشر ، بمعنى انى ممكن اعمله

export بشكل مباشر وممكن استخدمه ك LVM وبعدين اعمله export ، **طيب**

**انهى الافضل انك تستخدمه مباشر ولا تستخدمه ك LVM وبعدين**

**تعمله export ؟**

اكيد طبعا الافضل انك تستخدمه ك LVM وده لسبب مهم جدا وهو افرض ان

اليوزر طلب منك انك تزود المساحة بتاعته مثلا وزى ما انت عارف ان

ال LVM فى عملية ال extend وال shrink بيكون Flexible جدا جدا ، يبقى الافضل انك تحوله ل LVM وبعدين تستخدمه او بمعنى اخر تعمله export

دلوقتى هنبداً نحوله ل lvm عن طريق الاوامر دى

```
pvcreate /dev/sdb
```

```
vgcreate data /dev/sdb
```

```
lvcreate --size 10G --name oracle data
```

طيب افرض وانت بتعمل ال Logical Volume ظهرتلك رسالة ال error دى

```
Volume group "data" has insufficient free space  
(2559 extents): 2560 required.
```

اى العمل بقى هنا ؟؟ اولاً انت عندك عدد ال extents ناقص لسبب ما زى مثلاً  
انت عملت format للهارد بطريقة مش صحيحة او مثلاً المساحة مش كافية

وبالتالى انت لازم تنفذ الامر ده علشان تعرف عدد ال extents اللى موجودين  
ضمن ال Volume Group دى عن طريق الامر

**vgs -o +vg\_free\_count,vg\_extent\_count**

```
[root@server ~]# vgs -o +vg_free_count,vg_extent_count
```

VG	#PV	#LV	#SN	Attr	VSize	VFree	Free	#Ext
centos	1	2	0	wz--n-	<29.00g	4.00m	1	7423
data	1	0	0	wz--n-	<10.00g	<10.00g	2559	2559

کده انت لازم وانت بتعمل ال Logical Volume تحددله عدد ال extents اللى  
هستخدمها عن طريق الامر

**lvcreate -l1255 -n oracle data**

کده انت قولتله انه هيحجز نصف عدد ال extents اللى موجودين فى  
ال Volume Group اللى اسمها data ، زى كأنك برضو قولتله انك هتستخدم  
10 جيجا بس ، اللى هى النصف على اعتبار ان مساحة الهارد اللى ركبناه فى  
ال Virtual Box هو 20 جيجا بس

تعالى بقى نعمل export لل Logical Volume اللى احنا عملناه ، اول حاجة هتكتب الامر ده بس فى الترمينال targetcli ، واول ما تفتحه هتلاقى ليه shell خاصة بيه هو

```
[root@server ~]# targetcli
Warning: Could not load preferences file /root/.targetcli/prefs.bin.
targetcli shell version 2.1.fb46
Copyright 2011-2013 by Datera, Inc and others.
For help on commands, type 'help'.
```

/>

وبالمناسبة هو ليه commands زى اللى انت بتستخدمها بشكل يومى ، زى ال

**ls**

طيب بداية بقى ، هتلاقى ال targetcli منظم كده من جواه لشوية حاجات اول ما تكتب الامر ls مثلا

```
/> ls
o- / ..... [...]
  o- backstores ..... [...]
    | o- block ..... [Storage Objects: 0]
    | o- fileio ..... [Storage Objects: 0]
    | o- pscsi ..... [Storage Objects: 0]
    | o- ramdisk ..... [Storage Objects: 0]
  o- iscsi ..... [Targets: 0]
  o- loopback ..... [Targets: 0]
/>
```

زى ال **backstores** ، ودى عبارة عن الحاجات اللى انت عملتها export  
عندك ، وبالمناسبة انت ممكن تعمل export على block device او على fileio  
وطبعا على pscsi او ramdisk

تعالى بقى نتكلم عن الاتنين دول اللى هما ال block device وال fileio ومعظم  
شغلك يكون معاهم ، طيب قولنا الاولانى علشان ت export ل block device  
والثانى هو ال fileio ، اى بقى ال fileio دى ؟؟ بص انا ممكن اعمل file  
واعمل export كانه block device لل Storage ، ازاي بقى ؟؟  
استنى على رزقك دلوقتي

تعالى دلوقتي اعمل كده

## cd backstores

وبعدين وانت جوه ال backstores هتلاقى الناتج كده

```
/> cd backstores/  
/backstores> ls  
o- backstores ..... [...]  
o- block ..... [Storage Objects: 0]  
o- fileio ..... [Storage Objects: 0]  
o- pscsi ..... [Storage Objects: 0]  
o- ramdisk ..... [Storage Objects: 0]  
/backstores>
```

وتعالى برضو ادخل جوه ال block اللي موجود جوه ال backstores

```
/backstores> cd block
/backstores/block> ls
o- block ..... [Storage Objects: 0]
/backstores/block>
```

طبعا هتلاقى ان مفيش عندنا اى block devices معمول ليها exported لحد دلوقتى ، وبالمناسبة وانت مثلا فى اى مسار هنا لو ضغطت 2 **tab** هيديك كل الاوامر اللي انت ممكن تستخدمها

تعالى بقى نفذ الامر ده علشان تعمل backstore

**create sql /dev/data/oracle**

الامر ده معناه انى بقوله انى عايز اعمل **backstore** اسمها **sql** مثلا او بمعنى اخر انا هعمل export ل block device اسمها

**/dev/data/oracle**

وطبعا هعملها export بالاسم **sql** مثلا

بس طبعا متنساش ان ال path ده لازم يكون موجود ، يعنى لازم يكون عندك  
block device كده

```
/backstores/block> create sql /dev/data/oracle
Created block storage object sql using /dev/data/oracle.
/backstores/block>
```

ممکن طبعا تنفذ الامر ls تانى

```
/backstores/block> ls
o- block ..... [Storage Objects: 1]
  o- sql ..... [/dev/data/oracle (5.0GiB) write-thru deactivated]
    o- alua ..... [ALUA Groups: 1]
      o- default_tg_pt_gp ..... [ALUA state: Active/optimized]
/backstores/block>
```

كده الخطوة الاولى تمت وهى اننا عملنا export لل device ده بالاسم **sql**

الخطوة اللى بعد كده تعالى كده نرجع خالص عن طريق الامر cd واضغط  
على المؤشر وبعدين حرك المؤشر واختار اول واحده واضغط عليها علشان  
ترجع لل root بتاع ال targetcli

وتعالى نفذ ls مرة تانية

```

/> ls
o- / ..... [...]
  o- backstores ..... [...]
    | o- block ..... [Storage Objects: 1]
    | | o- sql ..... [/dev/data/oracle (5.0GiB) write-thru deactivated]
    | | o- alua ..... [ALUA Groups: 1]
    | |   o- default_tg_pt_gp ..... [ALUA state: Active/optimized]
    | o- fileio ..... [Storage Objects: 0]
    | o- pscsi ..... [Storage Objects: 0]
    | o- ramdisk ..... [Storage Objects: 0]
  o- iscsi ..... [Targets: 0]
  o- loopback ..... [Targets: 0]
/>

```

طبعا زى ما هو ظاهر قدامك انه بيقولك ان انت عندك فى ال **backstores** عندك فى ال **block device** اللى جواها ، انت عندك ال **device** دى معمول ليها **export**

تعالى بقى نفذ الامر ده وادخل جوه ال iscsi

**cd iscsi**

ولو جيت تنفذ الامر

**create**

وضغطت 2 tab هتلاقيه ظهرلك كلمة wwn =

**/iscsi> create wwn=**



ای بقى ال **wwn**؟؟ طيب بداية كده ال iSCSI Server لما يحب يتكلم مع ال client هل هيتكلموا مع بعض عن طريق ال hostname ولا عن طريق اى بالظبط؟؟ طبعاً مش هiestخدموا ال hostnames ده كده غلط ، وطبعاً متخلطش بين ال IP اللى هو عبارة عن بروتوكول الداتا بتنتقل عن طريقه ، بمعنى انه Transport Protocol ، لكن طبعاً لما ياجوا يتكلموا لازم كل واحد فيهم يكون ليه اسم ، طبعاً هما مش هيقدرنا يستخدموا ال hostname العادى اللى احنا بنستخدمه فى معظم ال services الثانية ، اوما هiestخدموا اى؟؟

قالك هiestخدموا حاجة اسمها **IQN** ودى اختصار ل iSCSI Qualified Name ؟

ای بقى ال IQN ، قالك ده بقى اعتبره كأنه هو ال hostname اللى هiestخدموه علشان يتكلموا مع بعض

**بيقولك بقى ان ال IQN ، هو عبارة عن name بيكون Unique للجهاز بتاعك**

**ده ، طيب حلو ، ال syntax بتاعه بيكون كده**

**iqn.date.reverse domainname.servername**

تعالى بقى نترجم الكلام ده ، اولاً تخيل ان انت عندك سيرفر اسمه

**storage.mostafa.com**

يبقى اذا ال iqn بتاع ال hostname هيكون اى؟؟

هیکون کده

## **iqn.date**

طب استنى اى ال **date** ده؟؟ عادة ال date ده بيكون هو العنوان اللى الشركة بتاعتك بدأت فيه ، يعنى مثلا لو شغال فى شركة والشركة دى اسمها test والشركة دى بدأت شهر 5 عام 2013 ، يبقى اذا الاسم بتاعك هيكون كده

## **iqn.2013-05**

طيب وبعد كده اى بقى ال **reverse domain name** ؟ بص كده على اسم ال **server** عندك هتلاقيه **storage** ، طب وال domain name هو اى؟ طبعا هو mostafa.com يبقى اذا الاسم هيكون كده

## **iqn.2013-05.com.mostafa.storage**

كده نستنتج ان ال syntax هو كده

**iqn.date.reverse domain name.server name**

**iqn =====> iqn**

**date =====> 2013-05**

يعنى الدومين بتاعك .com.mostafa >===== reverse domain name  
بس طريقة معكوسة

اللى هو اسم الجهاز بقى storage >===== server name

طبعا فى ال syntax كلمة **iqn** دى ثابتة يعنى standard ، مش هينفع تغيرها

نرجع بقى لموضوعنا ، دلوقتى انا كنت داخل جوه ال iSCSI

**/iscsi>**

دلوقتى بقى انا عايز اعمل **iqn** للجهاز + انى عايز اعمل **export** لل **device**  
اللى هى **oracle** ، عن طريق الامر التالى

**/iscsi> create iqn.2018-06.com.iscsi.server**

**Created target iqn.2018-06.com.iscsi.server.**

**Created TPG 1.**

**Global pref auto\_add\_default\_portal=true**

**Created default portal listening on all IPs (0.0.0.0),  
port 3260.**

**/iscsi>**

طبعا بالنسبة لل date ، انا هنا عملت اى تاريخ و خلاص ، علشان انت مش فى

Production Environment

تعالى نفذ ls

```
/iscsi> ls
o- iscsi ..... [Targets: 1]
o- iqn.2018-06.com.iscsi.server ..... [TPGs: 1]
o- tpg1 ..... [no-gen-acls, no-auth]
o- acls ..... [ACLs: 0]
o- luns ..... [LUNs: 0]
o- portals ..... [Portals: 1]
o- 0.0.0.0:3260 ..... [OK]
/iscsi>
```

اى بقى اللى حصل هنا ، دلوقتى انا بعد ما عملت create لل iqn ، اوتوماتيك  
فى portal تمت اضافته

```
o- portals ..... [Portals: 1]
o- 0.0.0.0:3260 ..... [OK]
```

**اى بقى ال portal ده ؟؟** بكل بساطة ، بيقولك ان ال iSCSI وهما بيعملوه ،  
هل تفكر ان فيه interface وحيد هو اللى ال iSCSI بيكون connected بيه ، او  
عن طريقه

طيب هو اصلا عادة اى Storage Servers بيكون ليها اكثر من interface وده الطبيعى اصلا ، وكمان كل interface بيكون connected على switch مختلف وده العادى اصلا برضو

وطبعا انت ممكن تقول اننا ممكن نعمل **teaming** هنا ، هقولك لا غلط ، مش هينفع خالص ، لان هنا كل switch بيكون **standalone** كده لوحده ، فا هنا مستحيل تعمل teaming

برضو ممكن تفكر وتقول انك ممكن تعمل teaming على نفس ال switch ، هقولك طب افرض ان ال switch ده وقع ، يبقى انت كده روجت فى داهية

بالاضافة لكده ، هل انت محتاج انك تخلص ال iSCSI ي run على كل ال interfaces اللى عندك ، اكيد طبعا لا ، لان انت هيكون عندك بعض ال interfaces بس هي اللى واصله وبعض ال interfaces هي اللى بت listen لل iSCSI

هنا بقى قالك بس انا هخلص ال interface اللى تقدر تعمل listen او بمعنى اخر انها تقدر ت serve ال iSCSI Traffic هسميها بقى Portals ، ودى عبارة عن البوابة او البوابات اللى ال iSCSI Traffic هيعدى منها ، يبقى اذا ال Portals هو عبارة عن ال IP بتاع ال Interface اللى هي Listen على iSCSI وهيستنى منه ترافيك رايحله او ترافيك جي منه

طيب لو انت ضفت على ال portal ده ال port بتاعه ، يبقى كده اسمه ال Portal Group ، نفهم من كده ان ال IP زائد ال Port الاتنين اسمهم ال Portal Group

دلوقتى بقى انت لما قولتله انك عايز تعمل export لل iscsi لل iqn اللى اسمه كذا ده ، راح هو اوتوماتيك قالك انه عمل default portal وكمان بي Listen على كل ال interfaces باى ديفولت by default ، وطبعا الرسالة اهى

**Created default portal listening on all IPs (0.0.0.0), port 3260.**

وقالك كمان انه عمل

**Created TPG 1.**

يعنى

**Target Portal Group 1**

النقطة اللى بعد كده وهى ال **acls**

**o- acls ..... [ACLs: 0]**

هو انت تفتكر ان السيرفر هيعمل accept لاي connection جى من ناحية ال Client ، لا طبعا ، والا لو كان اى حد يقدر انه ي Access السيرفر يبقى هياخد برضو access على ال Storage اللى موجودة دى ، طب قالك بس علشان نحل المشكلة دى ، احنا هنعمل حاجة اسمها Access Control List ، يعنى مثلا اقوله ان ال Client الفلانى ده هو الوحيد اللى يقدر يعمل connect على السيرفر ده ، طيب احنا دلوقتى هنعهد ال Client ده ازاي ؟ هل عن طريق الاسم ولا عن طريق ال IP ولا عن طريق اى بالضبط ؟ قالك **هتحددده مستخدما ال IQN**

تعالى بقى نخش جوه ال acls دى ، عن طريق الامر

```
/> cd iscsi/iqn.2018-07.com.iscsi.server/tpg1/acls
```

```
/iscsi/iqn.20...ver/tpg1/acls> ls
```

```
o- acls ..... [ACLs: 0]
```

```
/iscsi/iqn.20...ver/tpg1/acls>
```

دلوقتى هنعمل acl عن طريق الامر iqn وهو نفس الامر اللى عملنا بيه  
iqn لل Storage Server ، الامر كالتالى

```
/iscsi/iqn.20...ver/tpg1/acls> create iqn.2018-07.com.iscsi.client  
Created Node ACL for iqn.2018-07.com.iscsi.client  
/iscsi/iqn.20...ver/tpg1/acls>
```

خليك فاكتر الاسم بتاع ال iqn اللى انت عملته هنا فى ال acl بتاع ال client ،  
علشان هتحت نفس الاسم برضو عند جهاز ال Client

تعالى كده اعمل

```
/iscsi/iqn.20...ver/tpg1/acls> ls /  
o- / ..... [...]  
o- backstores ..... [...]  
| o- block ..... [Storage Objects: 1]  
| | o- sql ..... [/dev/data/oracle (5.0GiB) write-thru deactivated]  
| | o- alua ..... [ALUA Groups: 1]  
| | o- default_tg_pt_gp ..... [ALUA state: Active/optimized]  
| o- fileio ..... [Storage Objects: 0]  
| o- pscsi ..... [Storage Objects: 0]  
| o- ramdisk ..... [Storage Objects: 0]  
o- iscsi ..... [Targets: 1]  
| o- iqn.2018-07.com.iscsi.server ..... [TPGs: 1]  
| o- tpg1 ..... [no-gen-acls, no-auth]
```



```

| o- acls ..... [ACLs: 1]
| | o- iqn.2018-07.com.iscsi.client ..... [Mapped LUNs: 0]
| o- luns ..... [LUNs: 0]
| o- portals ..... [Portals: 1]
| o- 0.0.0.0:3260 ..... [OK]
o- loopback ..... [Targets: 0]
/iscsi/iqn.20...ver/tpg1/acls>

```

كده الحكاية بقت واضحة ، انت بقى عندك block device اسمها sql بتشاور  
على **lv** اسمه

**/dev/data/oracle**

او بمعنى اصح انت عندك block device اسمها

**/dev/data/oracle**

ومعمول ليها export بالاسم **sql** ، وطبعا هيتعملها export عن طريق اى  
interface ، اللى هو ده

**0.0.0.0:3260 ..... [OK]**

وبعدين انا هستخدم ال iqn ده

**iqn.2018-07.com.iscsi.server**

كسيفر

وبعدها انا هعمل export لل iqn ده

iqn.2018-07.com.iscsi.client ..... [Mapped LUNs: 0]

لل Client اللى اسمه client.server.com

دلوقتي بقى انت عندك مشكلة حقيقية موجودة ، دلوقتي انا عارف اى هى ال device اللى هيتعملها export ، بس هل انا فعليا عملتها export بشكل فعلى ؟  
طبعا لأ

وبالتالى انت لازم تعملها export تحت حاجة اسمها luns

o- luns ..... [LUNs: 0]

**طيب اى بقى ال luns دى ؟** بكل بساطة السيرفر اللى عندك ده لما ياجى

يعمل export لل block device عنده ، السيرفر ده او بمعنى اصح

ال shared block device دى اللى هتتشاف عند جهاز ال client ، دى بقى

اسمها **luns** ، ودى اختصار ل **Logical Unit Number** ، وبالتالى نستنتج

من كده ان كل block device هتحتاج تعملها export ك lun

كده انا ضفت ال device ، وبالتالي معناه كأنى قولت لل block device ان انت عندك block device اهى ، بس لسه مقولتش لل iSCSI انه يعملها export ، يبقى دى كده الخطوة الاخيرة اللى ناقصاك

تعالى بقى ندخل جوه ال luns دى

```
/iscsi/iqn.20...ver/tpg1/luns> cd /iscsi/iqn.2018-07.com.iscsi.server/tpg1/luns
```

وبعدها بقى نعمل create لل lun عن طريق الامر ده

```
/iscsi/iqn.20...ver/tpg1/luns> create /backstores/block/sql
```

Created LUN 0.

Created LUN 0->0 mapping in node ACL iqn.2018-07.com.iscsi.client

```
/iscsi/iqn.20...ver/tpg1/luns>
```

شوف بقى قالك هنا انه عمل map لل node دى ، جوه ال acl ، بمعنى اخر كده انت عملت export لل block device عند ال iscsi

الشرح من تانى ، دلوقتى انت عندك ال block device دى

```
o- sql ..... [/dev/data/oracle (5.0GiB) write-thru  
deactivated]
```

كل ال iscsi يعرفه عنها انها عبارة عن back store ، طيب هل هى كان اتعملها export لحد الخطوة دى ، لحد ال lun يعنى ؟ اكيد طبعا لا

```

o- iscsi ..... [Targets: 1]
| o- iqn.2018-07.com.iscsi.server ..... [TPGs: 1]
| o- tpg1 ..... [no-gen-acls, no-auth]
| o- acls ..... [ACLs: 1]
| | o- iqn.2018-07.com.iscsi.client ..... [Mapped LUNs: 0]
| o- luns ..... [LUNs: 0]

```

طبيب علشان بقى تعملها export ، قالك ان عملية ال export لل block device بالنسبة لل iscsi اسمها lun ، خليك فاكر النقطة دي كويس ، يبقى ال device اللى بيتعملها export بيكون اسمها lun ، او logical Unit Number ، **يعنى بمجرد ما بيتعملها export بيكون اسمها lun**

طبعا لو عايزين الموضوع يكون more secure ، بمعنى ان ال client لما ياجى ياخذ ال lun دي يدخل username و password

طبيب تعالى نعمل ال username وال password لل iqn بتاعت ال client ، هنروح الاول للمسار ده

```
> cd iscsi/iqn.2018-07.com.iscsi.server/tpg1/acls/iqn.2018-07.com.iscsi.client/
```

ومتنساش ايدك ديما على ال tab علشان تعرف اى الاوامر اللى متاحة ليك

هتلاقی عندك كده امر اسمه set لو ضغطت 2 tab طيب دلوقتى هنعمل user id وهنسميه ahmed مثلا

```
/iscsi/iqn.20....iscsi.client> set auth userid=ahmed  
Parameter userid is now 'ahmed'.
```

وبعدها نفس الامر بس لل password

```
/iscsi/iqn.20....iscsi.client> set auth password=redhateng  
Parameter password is now 'redhateng'.  
/iscsi/iqn.20....iscsi.client>
```

كده انت ضفت ال username وال password

حلو اوى كده ، تعالى بقى نطلع من ال targetcli ، اكتب بس exit

```
/iscsi/iqn.20....iscsi.client> exit  
Global pref auto_save_on_exit=true  
Last 10 configs saved in /etc/target/backup/.  
Configuration saved to /etc/target/saveconfig.json
```

بص كده اول ما تطلع من ال targetcli ، هو automatic بيعمل save لل config بتاعك ده فى المسار ده فى شكل ملف json

## **less /etc/target/saveconfig.json**

حلو كده ، دلوقتي بقى قبل ما نروح لجهاز ال Client ، فى حاجة ناقصاك وهى ، فى البداية تعالى كده نفذ

## **systemctl status target.service**

هتلاقي ال service مش active برضو ، طيب نفذ الامر ده برضو علشان تعرف اذا كنت بت Listen على Port رقم 3260

## **netstat -ntlp | grep -i 3260**

```
tcp      0      0 0.0.0.0:3260          0.0.0.0:*          LISTEN    -
```

تمام اوى ، كده انت بت Listen على البورت ده

الحاجة التي بعد كده ، تعالى نشوف ال status بتاعت ال Firewalld

## **systemctl status firewalld**

هتلاقيه طبعا انه active وشغال تمام ، كده انت لازم تخلى ال Firewall ،  
يسمح للبورت ده 3260

## **firewall-cmd --add-port=3260/tcp --permanent**

كده احنا شبه خلصنا عند السيرفر ، تعالى بقى نروح عند ال Client

اولا قبل ما ال Client يقدر انه يعمل اى حاجة ، لازم يعمل install  
لل iscsi client package ، عن طريق الامر

## **yum install iscsi-initiator-utils**

كده يبقى احنا عملنا install لل target عند السيرفر ، وعملنا install لل  
initiator عند ال client

حلو خالص ، دلوقتي احنا عدينا خلاص الجزء الثقيل ، دلوقتي بقى قبل ما  
تعمل اى initiate لاي connecton او اى حاجة خالص ، خليك فاكرا ديما انك  
محتاج تعدل ال initiator name ، فى المسار ده

**vim /etc/iscsi/initiatorname.iscsi**

طبعا زى ما انت فاكرا ان ال **initiator name** هو ده

**iqn.2018-07.com.iscsi.client**

دلوقتي بقى تعالى نحاول نبعت Packet للسيرفر ونحاول نعمل communicate  
معاه ، عن طريق الامر **iscsiadm** ، ولو انت نسيت الامر ده فا عندك  
ال man page بتاعته ، وهتلاقى تحت خالص فى examples

```
[root@client ~]# iscsiadm --mode discoverydb --type sendtargets --portal  
192.168.43.19 --discover  
192.168.43.19:3260,1 iqn.2018-07.com.iscsi.server
```

الاول تعالى اعمل enable لل service بتاعت ال iscsi عند ال client

**systemctl enable iscsi.service**



## **systemctl start iscsi**

خلى بالك انك لما تيجى تعمل status لل iscsi.service هتلاقيها كده

```
[root@client ~]# systemctl status iscsi
```

● **iscsi.service - Login and scanning of iSCSI devices**

**Loaded: loaded (/usr/lib/systemd/system/iscsi.service; enabled;  
vendor preset: disabled)**

**Active: inactive (dead)**

**Condition: start condition failed at Fri 2018-07-06 15:25:45 EDT; 4s  
ago**

**none of the trigger conditions were met**

**Docs: man:iscsid(8)**

**man:iscsiadm(8)**

**Jul 06 13:24:45 client.iscsi.com systemd[1]: Unit iscsi.service  
cannot be reloaded because it is inactive.**

**Jul 06 13:24:45 client.iscsi.com systemd[1]: Unit iscsi.service  
cannot be reloaded because it is inactive.**

هتلاقيها انها مش active برضو

## **systemctl --system daemon-reload**

عادی کمل ، وفکک منها ، المهم بقى بعد ما تنفذ الامر ده

```
[root@client ~]# iscsiadm --mode discoverydb --type sendtargets --portal 192.168.43.19 --discover  
192.168.43.19:3260,1 iqn.2018-07.com.iscsi.server
```

وتشوف الناتج ، كده هو بيقولك انه لقي على ال ip الفلانى ده على البورت  
ده ، سيرفر بالاسم الفلانى ال iqn ده

وكده انت لازم تعمل **start** لل **iscsi service** الاول ، وبكده انا قادر اشوف  
اى اللى عند السيرفر

الخطوة اللى بعد كده ، لو جيت تعمل اى حاجة هيبقى عندك مشكلة ،  
والسبب انى كنت عامل authentication عند ال server ، بيقى انت كده هتعمل  
authenticate وتقوله انت هتستخدم انهى username و password

يعنى انت هتروح تعدل فى ملف ال configuration بتاع ال iscsi

**vim /etc/iscsi/iscsid.conf**

وبعدها تدور على كلمة **CHAP** ، وتعمل uncomment للسطر ده

**node.session.auth.authmethod = CHAP**

وكمان للسطرين دول

```
node.session.auth.username = username
```

```
node.session.auth.password = password
```

وبعدها تعمل restart لل iscsi service

```
service iscsi restart
```

وبعدين تجرب تعمل discover مرة ثانية

```
iscsiadm --mode discoverydb --type sendtargets --portal 192.168.43.19 --discover
```

هتلاقه برضوانه قدر يشوف السيرفر

طيب ملحوظة صغيرة كده ، بمجرد ما انت عملت scan لل target او حاولت انك تعمل communicate معاه ، هتلاقى عندك على جهاز ال Client اتعمل ملف اوتوماتيك معناه انك حاولت تعمل scan لل target ده قبل كده ، فى المسار ده

```
less /var/lib/iscsi/send_targets/192.168.43.19,3260/st_config
```

يبقى اوتوماتيك هتت create ال directory الخاصة بال target ده وهيكون فيها

ال config بتاعك

طيب دلوقتى بقى ال mode بتاعى مش هيكون ال discovery ، لا لا هيكون  
بقى ال node ، يعنى معناها انى عايز أ attach ل node معينة ، يعنى برضوانى  
عايز امسك storage من node معينة

```
iscsiadm --mode node -T iqn.2018-07.com.iscsi.server -p 192.168.43.19 --login
```

دلوقتى بقى اكتب الامر l-fdisk وانت هتلاقى اضاف عندك storage جديدة  
اصلا او حتى lsblk

```
[root@client ~]# lsblk
```

NAME	MAJ:MIN	RM	SIZE	RO	TYPE	MOUNTPOINT
sda	8:0	0	30G	0	disk	
└─sda1	8:1	0	1G	0	part	/boot
└─sda2	8:2	0	29G	0	part	
└─centos-root	253:0	0	27G	0	lvm	/
└─centos-swap	253:1	0	2G	0	lvm	[SWAP]
sdb	8:16	0	10G	0	disk	
└─sdb1	8:17	0	5G	0	part	
sdcc	8:32	0	5G	0	disk	
sr0	11:0	1	1024M	0	rom	

يبقى ال storage اللى تمت اضافتها هى ال sdc

كده انت لازم تعمل login علشان تمسك ال storage دى ، وعملية ال login معناها بكل بساطة انك كده بتمسك ال storage اللى عند السيرفر ده

لحد كده تمام اوى ، تعالى بقى نعمل reboot لجهاز ال Client بتاعتنا ونشوف اى اللى هيحصل

اولا لو جيت نفذت ال lsblk من تانى ، هتلاقى ان ال device اتعملها attach بشكل automatic اصلا

تعالى بقى عن ال Client هتلاقى فى nodes مش sendtargets المره دى ، وهيكون جواه ال node دى ال node اللى فيها السيرفر بتاعك

```
less /var/lib/iscsi/nodes/iqn.2018-07.com.iscsi.server/192.168.43.19,3260,1/default
```

هتلاقى فى عندك ملف اسمه default وفى الملف ده بقى هتلاقى عندك option مهم جدا ، وهو

**node.startup = automatic**

وكلمة automatic معناها هنا انه طول ما ال iscsi service شغالة وحتى لو عملت reboot للجهاز هتحاول هى تعمل attach لل storage اللى موجودة فى ال Shared Storage Server ، طبعا الملف ده فيه كل معلومات السيرفر وهو بي listen على port كام

وطبعاً أنت ممكن تيجى على ال storage الجديدة اللي اتضافت وتعملها format وتبدأ مثلاً تعمل منها بارتيشن وتعيش حياتك بقى ، وتعملها mount برضو ، الامر اللى جى ده optionally ال tail -n 1 علشان تشوف آخر سطر بس

**cat /etc/mtab | tail -n 1 >> /etc/fstab**

كده بالحد الاقصى عملية ال configuration بتاعت ال iSCSI على السيرفر وال client سواء عملية التسطيب وما الى غير ذلك ، المفروض انها متخطاش 5 دقائق

يبقى أنت كده هتروح على السيرفر هتعمل اربع حاجات بالظبط ،  
الحاجة الاولانية بعد ما تكتب **targetcli** ، هتقوله فين  
ال **block device** والحاجة الثانية هتخط **iqn** للسيرفر والحاجة الثالثة  
اعملها **map** لل **lun** والحاجة الرابعة اعمل **Access Control List** ،  
وكده شكراً عليك ، الا بقى لو عايز تزود **username** و **password**

كده كلها اربع اوامر اللي هتعملها عند السيرفر ، والاربعة لحسن الحظ فيهم  
**auto complete** وكمان الاربعة بيبدأو بكلمة **create**

يبقى كده للمرة المليون خليك فاكرا ان ال **block device** لما بيتعملها  
**shared** بيبقى اسمها **luns** ولا تقولى بقى **lvm** ولا **raid** ولا غيره ، وبرضو  
ال **ip** بيبقى اسمه **portal**

ولما بتقوله انك هتجى عن طريق ال **ip** الفلانى والبورت الفلانى ده بيبقى  
اسمه **portal**

دلوقتى بقى لما بتضيف ال **acl** مع ال **portal** نفسه اللى هو ال **ip** والبورت مع  
ال **mapped luns** اللى عندك دول بيبقى اسمهم ال **target portal group**

من الاخر كده ، اكتب **targetcli** واكتب **ls** ، وشوف ال **tpg** بيتكون من اى  
بالظبط ، زى ما كأنك بتعمل **lsblk** وتتشوف كل **partition** هو جزء من انهى  
هارد بالظبط

بالمناسبة طبعا انت ممكن تعمل **shared fileio** ، اولاً نفذ الامر ده

**dd if=/dev/zero of=/root/bigfile bs=1M count=100**

كده انا عايز اعمل **share** ل **block device** وال **backend** بتاعها عبارة عن **File**

تعالی بقى اكتب targetcli وادخل جوه المسار بتاع fileio

**targetcli**

**/> cd backstores/fileio**

**/backstores/fileio>**

وبعدین هنعمل ال block device بتاعتنا

**/backstores/fileio> create myfile /root/bigfile**

**Created fileio myfile with size 104857600**

تعالی بقى نعمل map لل block device دى ، يعنى نخلى ال client اللى اسمه

**client.iscsi.com**

يشوف ال block device الجديدة دى

يبقى هندخل للمسار ده

**/> cd /iscsi/iqn.2018-07.com.iscsi.server/tpg1/luns**

**/iscsi/iqn.20...ver/tpg1/luns>**

وبعدین هنفذ الامر ده



```
/iscsi/iqn.20...ver/tpg1/luns> create /backstores/fileio/myfile  
Created LUN 1.  
Created LUN 1->1 mapping in node ACL iqn.2018-  
07.com.iscsi.client
```

كده انت هتروح على جهاز ال Client وتشوف اذا كان ال device الجديدة  
اتضافت ولا لا ، ولو ملقتهاش يبقى لازم تعمل logout

```
iscsiadm --mode node -T iqn.2018-07.com.iscsi.server -p 192.168.43.19 --logout
```

وبعدها تعمل login ، وتكتب بقى الامر lsblk ، هتلاقى ان الديسك الجديد  
ظهر ، واللى هو اصلا عبارة عن file موجود عن ال shared storage  
وليس block device وطبعا بقى ممكن تتعامل معاها وتعملها mount وكمان  
تعملها file system وغيره

وبكده كل اللي انت هتعمله عند ال Client هما 3 حاجات ، اولاً هتخط اسم  
ال **iscsi initiator name** فى الملف بتاعه ، والحاجة الثانية  
لو هتستخدم **password** و **username** يبقى تحطهم فى ملف  
ال **iscsi.conf** ، والحاجة الاخيرة هتعمل **iscsi discovery** وبعدها تعمل  
**login** على ال **iscsi server**

خلى بالك انك لما عملت logout ، وجيت عملت reboot ، هتلاقى انه عمل login automatic ، عارف ليه ؟

لان ال node اللى عند ال client اللى هو جواه ملف ال default اللى هو بتاع ال settings ، هو ده اللى بيعمل login automatic اصلا

انما بقى لو عايز ال client ينسى كل حاجة عن السيرفر ، يبقى تستخدم ال option اللى هو delete

```
iscsiadm --mode node -T iqn.2018-07.com.iscsi.server -p 192.168.43.19 -o delete
```

# 3-FTP

يبقى زى ما اتعودنا ، قبل ما نتكلم عن اى **service** ، لازم نتأكد الاول من 3 حاجات ، اول حاجة وهى انك تتأكد ان ال **service** دى **installed** ، وتانى حاجة وهى ان ال **service** دى تكون **up and running** ، واخيرا تتأكد من انها هتعدى من ال **firewall** وتكون كمان **accessible** عن طريق النت

طيب تعالى بقى نروح لجهاز ال server ، وهنسطب عليه ال **vsftpd** ، ودى اسم ال Package بتاعت ال ftp service ، وهى اختصار ل **very secure ftp daemon**

**yum install vsftpd**

وبالنسبة لاجهزة ال client ، فانت هتعمل ال install ل package اسمها ftp

**yum install ftp**

الحاجة اللى بعد كده ، لازم تتأكد ان ال service اللى هى vsftpd دى شغالة

**systemctl status vsftpd**

ولو ملقتهاش شغالة ، يبقى اكيد لازم تشغلها

**systemctl enable vsftpd**

**systemctl start vsftpd**

الحاجة الثالثة وهى انك تتأكد ان ال service دى accessible ، يعنى ال firewall مش عاملها block بمعنى ادق ، طيب علشان تتأكد من موضوع ال firewall ده يبقى تنفذ الامر ده علشان تعرف اى هى ال allowed ports وال allowed services ، وطبعاً لو عايز تعرف كل ال arguments اللى مع ال firewall-cmd يبقى تضغط على ال tab مرتين

**firewall-cmd --list-all**

**services: ssh dhcpv6-client**

**ports:**

وبعدها بقى تضيف ال ftp service ، عن طريق الامر

**firewall-cmd --add-service=ftp --permanent**

وبعدها تعمل reload لل firewall-cmd ، عن طريق الامر

**firewall-cmd --reload**

ومتنساش ديما بعد ما تكتب firewall-cmd تضغط tab 2 ، خلى بالك

**services: ssh dhcpv6-client ftp**

**ports:**

تعالى بقى نتكلم نظرى شوية ، بص بقى ال ftp عبارة عن سيرفر بيسمحلك انك ت host الملفات بتاعتك على السيرفر ، وبعد كده ال user هيعمل connect على السيرفر ده علشان يعمل download للملفات دى

طيب ال ftp بيشتغل على 2 بورتات ، هما 20 و 21 ، البورت رقم 20 ممكن تسميه كده ال control traffic ، والبورت التانى بيكون لل data transfer ، وبالمناسبة ال ftp بيشتغل على tcp connection ، يبقى خليك فاكرا ان ال ftp بيشتغل ديما ببورتين ، بورت لل control والتانى لل data transfer وطبعا اسم ال Package هى **vsftpd**

طيب امتى هحتاج ال ftp ، انت هتحتاج ال ftp لما تحب ت share ملفات للمستخدمين اللى عندك فى الشركة ، هتقولى ما انا ممكن اعمل share للملفات عن طريق ال http ؟ هقولك صح طبعا

بس ال ftp هيديك options مش موجودة عند ال http ، زى مثلا ان ال ftp  
بيسمحلك انك تعمل upload ل files من جهاز ال client وطبعا الحكاية دي بتم  
بسهولة جدا ، **بالاضافة لكده وهو ان كل user ممكن يعمل access لل**  
**home directory بتاعته عن طريق ال ftp بشكل remotely**

طيب دلوقتي بمجرد ما اتأكدت ان ال service دي up على جهاز السيرفر ،  
تعالى بقى على جهاز ال client واعملها test ، عن طريق الامر

**ftp 192.168.43.125**

وبمجرد بقى ما تشوف كلمة connected دي ، اعرف ان ال connection بينك  
وبين السيرفر تمام

**[root@client ~]# ftp 192.168.43.125**

**Connected to 192.168.43.125 (192.168.43.125).**

**220 (vsFTPd 3.0.2)**

**Name (192.168.43.125:root):**

مش كده وبس ، ده كمان قدر انه ي detect ال version بتاعت ال ftp وهى  
vsFTPd 3.0.2 ، وده طبعا البورت 220

اما بقى بالنسبة لل

**Name (192.168.43.125:root):**

للسطر ده ، فمعناه انه بيحاول يقولك اعمل بقى login على سيرفر ال ftp ده وطبعاً بما انك اصلاً وانت بتتصل بال ftp server كنت بتستخدم ال root user فا هو راح حاططهولك اذا ربما ممكن تستخدمه فى عملية ال authentication قصدى يعنى وانت بتعمل login على السيرفر

وبما انى لسه معملتش اى authentication لحد دلوقتى ، فانت ممكن تعمل login عن طريق ال anonymous user وطبعاً ده ملوش اى password ، وطبعاً اول ما تعمل login هيقولك انه login successful

**Name (192.168.43.125:root): anonymous**

**331 Please specify the password.**

**Password:**

**230 Login successful.**

**Remote system type is UNIX.**

**Using binary mode to transfer files.**

**ftp>**

وبعدها ممكن تنفيذ الامر ls

**ftp> ls**

**227 Entering Passive Mode (192,168,43,125,87,12).**

**150 Here comes the directory listing.**

**drwxr-xr-x 2 0 0 6 Aug 03 2017 pub**

**226 Directory send OK.**

**ftp>**

طيب سؤال بقى هو ال ftp لما بيشتغل بي serve الملفات لل users مين بالظبط ؟؟ بص هو بي serve ال files من المسار ده

**cd /var/ftp/**

وطبعاً هتلاقى هناك directory اسمها pub ، اللى انت شوفتها لما عملت ls وبالمناسبة بقى ، لو انت حطيت اى ملف فى المسار ده ، هتلاقى كل ال users بيشفوه

طيب لو عندك ملف وعازي تعمله download بشكل locally عندك على الجهاز ، ممكن تقوله كده

**ftp> get bigfile**



وانت ك system admin ، فى بعض الحاجات اللى محتاج تعملها مع ال service دى ، اول حاجة ملف ال configuration بتاع ال service دى موجود هنا

## **vim /etc/vsftpd/vsftpd.conf**

فى الملف ده ، هتلاقى بعض ال Parameters اللى ممكن تعدلها زى مثلا ال anonymous login ممكن تخلص السطر بتاعه ك comment وبالتالي تقفل ال anonymous login او ممكن تخلص ال value بتاعته بتساوى كلمة NO وبكده انت قفلت ال anonymous login

بالمناسبة كل ال configuration اللى موجودة فى الملف ده بتكون على الشكل التالى ، بيكون عبارة عن **variable** بيساوى **value** ، وديما ديما ال value بتكون عبارة عن small letters ، وال value بتكون عبارة عن Capital Letters

وخلص بالك انك لما بتيجى تعمل comment للسطر ده مش معناه انك كده عملت disable لل anonymous login ، لان هى اصلا enabled ب by default ، كده انت لازم تغير ال value بتاعتها وتخليها NO ، حتى بص كمان على السطر ده اللى فوق كلمة anonymous

## # Allow anonymous FTP? (Beware - allowed by default if you comment this out)

بيقولك انها **allowed by default if you comment this**

تانى حاجة فى ملف ال configuration وهو السطر ده

**local\_enable=YES**

ومعناه انه بيقولك هل انت عايز تخلي ال users اللى عندك يقدرُوا انهم ي access السيرفر ده ، اكيد طبعا ايوه ، طيب خلى بالك بقى علشان فى ملحوظة مهمة فشخ هنا وهى ان كلمة local users ، او local\_enable=YES ، معناها ان ال users العاديين هما اللى يأكسسوا سيرفر ال ftp وكمان ال high users ، زى ال users اللى موجودين فى جروب زى ال wheel

**Name (192.168.43.125:root): ahmed**

**331 Please specify the password.**

**Password:**

**230 Login successful.**

**Remote system type is UNIX.**

**Using binary mode to transfer files.**

**ftp>**

ملحوظة ثانية مهمة ، وهى انك طالما عملت login وانت local user على ال ftp سيرفر ، دلوقتى بقى بدل ما كان بيوديكَ فى المسار

**/var/ftp/**

لا دلوقتى بقى هيوديكَ فى مكان ال home directory بتاعك

**ftp> ls**

**227 Entering Passive Mode (192,168,43,125,21,145).**

**150 Here comes the directory listing.**

<b>drwxr-xr-x</b>	<b>2</b>	<b>1001</b>	<b>1001</b>	<b>6 Jun 23 14:46 Desktop</b>
<b>drwxr-xr-x</b>	<b>2</b>	<b>1001</b>	<b>1001</b>	<b>6 Jun 23 14:46 Documents</b>
<b>drwxr-xr-x</b>	<b>2</b>	<b>1001</b>	<b>1001</b>	<b>6 Jun 23 14:46 Downloads</b>
<b>drwxr-xr-x</b>	<b>2</b>	<b>1001</b>	<b>1001</b>	<b>6 Jun 23 14:46 Pictures</b>
<b>drwxr-xr-x</b>	<b>2</b>	<b>1001</b>	<b>1001</b>	<b>6 Jun 23 14:46 Public</b>
<b>drwxr-xr-x</b>	<b>2</b>	<b>1001</b>	<b>1001</b>	<b>6 Jun 23 14:46 Templates</b>
<b>drwxr-xr-x</b>	<b>2</b>	<b>1001</b>	<b>1001</b>	<b>6 Jun 23 14:46 Videos</b>

**226 Directory send OK.**

**ftp> pwd**

**257 "/home/ahmed"**

**ftp>**

دلوقتى بقى من حقك انك ترفع ملفات لل home directory بتاعك ، قصدى  
يعنى ان كل user بيعمل login على السيرفر بيكون ليه home directory ، طيب  
دلوقتى انت ممكن ترفع ملفات عن طريق الامر

## **put bigfile**

```
ftp> put bigfile
```

```
local: bigfile remote: bigfile
```

```
227 Entering Passive Mode (192,168,43,125,34,42).
```

```
150 Ok to send data.
```

```
226 Transfer complete.
```

```
10485760 bytes sent in 0.0711 secs (147510.16
```

```
Kbytes/sec)
```

```
ftp>
```

**طبعا المكان اللى انت كنت واقف فيه هو ال home directory بتاع ال root**  
**وكان فيه الملف اللى اسمه bigfile ده**

تعالى بقى روح لجهاز السيرفر

```
[root@server ~]# cd /var/ftp/  
[root@server ftp]# ls  
bigfile pub  
[root@server ftp]# ls /home/ahmed/  
bigfile Desktop Documents Downloads Music  
Pictures Public Templates Videos  
[root@server ftp]#
```

وخلى بالك ان ال home directory بتاع ال users اللى بيعملوا login على ال ftp server بيت create عادى على السيرفر فى المسار الطبيعى بتاع  
ال home directory

**ls /home/ahmed**

طيب نرجع بقى لملف ال configuration ، وعارف ليه انت بتقدر ترفع ملفات ،  
طبعا بسبب ال option ده

**write\_enable=YES**

بالنسبة بقى للسطر ده

**local\_umask=022**

معناه اي بقى ؟ بص هو انت لما بتيجى تعرف ملف ، الملف ده هيكون ليه  
انهى permissions بالظبط ؟ اللي هيحدد الكلام ده هو ال local\_umask ده

وده لينك شرح ال umask

[https://www.youtube.com/watch?v=JYT7y\\_Pe9wE&list=PLq1noKggzASu92gX\\_ARJrk-W9aX\\_4OL7d&index=7&t=0s](https://www.youtube.com/watch?v=JYT7y_Pe9wE&list=PLq1noKggzASu92gX_ARJrk-W9aX_4OL7d&index=7&t=0s)

وفى عندك برضو ال option ده لو عايز تخلى ال anonymous users يعملوا  
upload لملفات

**#anon\_upload\_enable=YES**

كمان عندك برضو

**#anon\_mkdir\_write\_enable=YES**

ده لو حابب ان ال anonymous users يقدرولانهم يعملوا directories على  
السيرفر

وبصراحة بقى الملف اصلا هو self documented ، يعنى سهل فشخ انك تقرأه  
وتفهم اللي جواه  
وفى عندك برضو ال option ده

**#chown\_uploads=YES**

**#chown\_username=whoever**

ومعناه انك لو عايز اى ملف يتم رفعه على السيرفر يكون مملوك لانهى يوزر  
بالظبط ، يعنى مين اليوزر اللي من حقه انه يشوف اى ملف على السيرفر ،  
بغض النظر مين بقى اللي رفع الملف ده ، يعنى اى حاجة يتعمل ليها upload  
تكون ملك ل mostafa مثلا

**chown\_uploads=YES**

**chown\_username=mostafa**

طيب انت عادة بتعمل dummy user ، يعنى user ملوش اى صلاحيات على  
السيرفر ، يعنى انه بيكون ليه كل الصلاحيات الخاصة بالملفات اللي بتترفع  
على السيرفر وبالتالي اى ملف بيترفع ، بيكون ملك لليوزر ده

بالنسبة للسطر ده

**xferlog\_enable=YES**

معناه انك بتعمل enable لل logs بتاعت ال ftp ، طيب هى ال Logs دى هتتخزن فين بقى ، قالك هتتخزن فى المسار ده

**#xferlog\_file=/var/log/xferlog**

وكمان ال format بتاعه ، دا لو عايز تحددله format معين

**xferlog\_std\_format=YES**

طيب هو اصلا بيستخدم ال standard format

بعد كده عندك ال option ده

**#idle\_session\_timeout=600**

وده معناه الوقت اللى لو ال User معمولش اى action على السيرفر ، اوتوماتيك ال connection هيفصل ، طبعا ممكن تغير الوقت ده زى ما انت عايز



طلب ليه ال idle timeout مهمة جدا بالنسبالك ، لسبب وهو انك تخيل ان انت عندك ftp server وال resources بتاعته محدودة ، طبعا انت مش هينفع تخلي ال timeout ده لملانهاية ، لان انت افرض ان يوزر عمل connect على ال ftp server ، هل هيفضل اليوزر ده فاتح session وعمال بيستهلك من ال resources بتاعت ال server

**اكيد طبعا لا ، وبالتالي انت ممكن تغير الرقم 600 ده بدل ما هو 10 دقائق ، لا ممكن تخليه بس 3 دقائق او زى ما تحب يعنى**

**idle\_session\_timeout=300**

وفى عندك برضو ال option ده

**data\_connection\_timeout=120**

ودى انت لازم تفعلها ، علشان اصلا معظم الناس بيعملوها ، علشان يعملوا limit لل transfer على ال ftp ، بمعنى ان انت بدل ما يكون عندك user معين ، وعمال يعمل download لملفات من ال ftp بتاعك ، لا انت تعمله data connection timeout ، بمعنى ان انت تفصله ال connection بتاعه كل 120 ثانية مثلا

واشهر موقع لكده ، هو موقع hp ، يعنى مثلا لو جيت تنزل تعريفات من الموقع ده ، وسرعة ال download عندك بطيئة مثلا 120 KB فى الثانية ، فانت هتلاقى مثلا ال download بتاعك بيوقف كل شوية ، وبتحتاج انك تعمله resume كل شوية وبالتالي هو تقريبا كده بيحاول يقلل من استهلاك ال Bandwith بدل ما اليوزر يعمل download لملفات كتيرة فشخ مرة واحدة

طبعا عندك option تانى وهو

### **#nopriv\_user=ftpsecure**

معناه انك ممكن ترن ال ftp بصلاحيات none privilege user ، بمعنى انه لو حصل attack على السيرفر ده ، فكده الهكر ده ملوش انه يعدل فى حاجة غير ملفات ال ftp بس

مع الاخذ فى الاعتبار ان الموضوع لسه فى كلام كتير خاص بجزء ال security

وفى برضو عندك option تانى وهو ان ال ftp يوقف ال abnormal connection

### **#async\_abor\_enable=YES**

ممكن كمان تعمل ال enable لل ftp banner

### **#ftpd\_banner=Welcome to blah FTP service.**

فى عندك كمان انك ممكن تعمل deny لبعض ال users ، ولو عايز تشوف ال users اللى معمول ليهم deny ، هتلاقيهم موجودين فى المسار ده

## **vim /etc/vsftpd/ftpusers**

طبعا ال root مش مسموح ليه انه يعمل login ، طب ليه الكلام ده ، ببساطة شديدة لان ال root ليه صلاحيات كبيرة فشخ ، وال ftp هو عبارة عن plain text protocol ، يعنى بيعت كل حاجة non encrypted ، علشان كده من الخطر انك تخلصى ال root يعمل login ، عارف حتى لو جيت تعمل login ك root هيقولك permission denied ومش هيسألك اصلا على باسورد

طيب خلى بالك وهو ان ال anonymous user محجوب بالمكان اللى هو

## **/var/ftp**

بس ، يعنى ليه انه يتصرف فى المكان ده بس ، على عكس ال local users اللى ممكن يروحوا لاي مكان على السيرفر

ftp> ls

227 Entering Passive Mode (192,168,43,125,92,169).

150 Here comes the directory listing.

```
lrwxrwxrwx  1 0  0      7 Jun 22 20:33 bin -> usr/bin
dr-xr-xr-x  5 0  0    4096 Jun 23 16:12 boot
drwxr-xr-x 20 0  0    3280 Jul 10 15:09 dev
drwxr-xr-x 138 0  0    8192 Jul 10 15:26 etc
drwxr-xr-x  7 0  0     73 Jun 23 14:51 home
lrwxrwxrwx  1 0  0      7 Jun 22 20:33 lib -> usr/lib
lrwxrwxrwx  1 0  0      9 Jun 22 20:33 lib64 -> usr/lib64
drwxr-xr-x  3 0  0     23 Jun 22 22:55 media
drwxr-xr-x  2 0  0      6 Apr 11 04:59 mnt
drwxr-xr-x  5 0  0     63 Jun 23 01:14 opt
dr-xr-xr-x 131 0  0      0 Jul 10 15:08 proc
dr-xr-x---  6 0  0    214 Jul 10 18:33 root
drwxr-xr-x 36 0  0    1200 Jul 10 15:26 run
lrwxrwxrwx  1 0  0      8 Jun 22 20:33 sbin -> usr/sbin
drwxr-xr-x  2 0  0      6 Apr 11 04:59 srv
dr-xr-xr-x 13 0  0      0 Jul 10 15:08 sys
drwxrwxrwt  9 0  0     248 Jul 10 17:34 tmp
drwxr-xr-x 13 0  0     155 Jun 22 20:33 usr
```

```
drwxr-xr-x  21 0    0      4096 Jul 10 15:26 var
drwxrwx---  2 0    0      19 Jun 23 18:19 work
226 Directory send OK.
ftp>
```

طب كده بما ان ال local users هما كمان ، ليهم صلاحيات انهم يشوفوا اى  
حاجة موجودة على الجهاز ، وبالتالي انت لازم تحبس ال local users هما كمان  
يبقى تعمل uncomment للسطر ده

### **#chroot\_local\_user=YES**

وبالتالى هو هيحجزهم ، بس ده مش كفاية لازم كمان تعمل uncomment  
للسطر ده

### **#chroot\_list\_enable=YES**

علشان تقوله ان يحجم ال users اللى موجودين فى الملف ده ، وطبعاً لازم  
تعمل uncomment للسطر ده هو كمان

### **#chroot\_list\_file=/etc/vsftpd/chroot\_list**

تعالى بقى نعمل list لل users اللي هيتعملهم تقييد بالمكان بتاعهم

## **vim /etc/vsftpd/chroot\_list**

طبعا الملف ده اللي هو chroot\_list مش موجود اصلا ، فانت اللي هتعمله  
بال vim

وجوه الملف ده حط اليوزرز اللي عايز تحجمهم ، وكل يوزر هيكون فى سطر  
لوحده ، وبعدها طبعا تعمل restart لل service

طيب حتى انت بعد ما عملت الملف ده ، تفاجىء ان اليوزرز ليهم برضو  
صلاحيات انهم يشوفوا بقية ال directories اللي على السيرفر ، عارف ليه ؟؟

لان بكل بساطة ال SELinux معمول ليه enabled اصلا ، وبما اننا لسه  
مدرسناش ال SELinux ، كان المفروض اصلا ان الكلام ده يتعملوا allow عن  
طريق ال selinux اصلا

طيب خطوات حل المشكلة دي بكل بساطة كالاتى

اولا انت هتقول لل selinux انها تعمل allow للكلام ده عن طريق السطرين  
دول

**setsebool -P tftp\_home\_dir 1**

**setsebool -P ftpd\_full\_access on**

وبعدین هتضیف السطر ده

**allow\_writeable\_chroot=YES**

هتضیفه هنا کده بین السطرين دول

**chroot\_local\_user=NO**

**chroot\_list\_enable=YES**

**# (default follows)**

**allow\_writeable\_chroot=YES**

**chroot\_list\_file=/etc/vsftpd/chroot\_list**

وطبعا هتخلی السطر ده

**chroot\_local\_user=NO**

ال value بتاعته ب **NO** ، وبس کده ، وبعدها بقى اعمل restart لل vsftpd

systemctl restart vsftpd

هتلاقى ان خلاص اليوزرز العاديين ، ملهمش انهم يتصفحوا باقى ملفات السيرفر ،وليهم بس انهم يتصفحوا ملفات ال home directory بتاعتهم بس

```
ftp> ls
```

```
227 Entering Passive Mode (192,168,43,125,233,206).
```

```
150 Here comes the directory listing.
```

```
drwxr-xr-x  2 1001  1001      6 Jun 23 14:46 Desktop
drwxr-xr-x  2 1001  1001      6 Jun 23 14:46 Documents
drwxr-xr-x  2 1001  1001      6 Jun 23 14:46 Downloads
drwxr-xr-x  2 1001  1001      6 Jun 23 14:46 Music
drwxr-xr-x  2 1001  1001      6 Jun 23 14:46 Pictures
drwxr-xr-x  2 1001  1001      6 Jun 23 14:46 Public
drwxr-xr-x  2 1001  1001      6 Jun 23 14:46 Templates
drwxr-xr-x  2 1001  1001      6 Jun 23 14:46 Videos
-rw-r--r--  1 1001  1001 10485760 Jul 10 17:10 bigfile
```

```
226 Directory send OK.
```

```
ftp> pwd
```

```
257 "/"
```

فى حل تانى ، لحد ما نوصل لل selinux ، لان المشكلة دى تعتبر خازوق من خوازيق ال selinux ، والحل هو انك تعمل disable لل selinux ، عن طريق الامر

```
setenforce 0
```



بالإضافة لكده متنساش تضيف السطر ده طبعا

**allow\_writeable\_chroot=YES**

بين السطرين اللي فاتوا ، وبعدها تعمل restart لل vsftpd

من الآخر كده ال selinux كانت بتمنع ال user انه يعمل login ، طبعا الكلام ده كله بخصوص المشكلة دي

**500 OOPS: could not read chroot() list file:/etc/vsftpd/chroot\_list**

**Login failed.**

**ftp> exit**

من الآخر برضو ال **vsftpd** ك service فيها شوية tricks بخصوص ال configuration بتاعها

اه بالمناسبة السطر ده **allow\_writeable\_chroot=YES** ممكن تضيفه بعد السطور كلها اصلا ، بالمنظر ده

**chroot\_local\_user=NO**

**chroot\_list\_enable=YES**

**# (default follows)**

**chroot\_list\_file=/etc/vsftpd/chroot\_list**

**allow\_writeable\_chroot=YES**

مش لازم فى النص يعنى

طيب بص بقى فى نقطة مهمة ، وهى ان حتى لو ال local users ليهم  
صلاحيات انهم يشوفوا باقى الملفات ، قصدى يعنى انهم يروحوا للمسار ده

**cd /**

فهما برضو ملهمش حق انهم يشوفوا اى اللى جوه المجلدات دى ، ودى  
بسبب ال selinux ، فانت كده هتضطر انك تنفذ الامر ده فى علشان تديهم  
full access على كل حاجة فى السيرفر

**setsebool -P ftpd\_full\_access 1**

وده موقع redhat اللى انا جيت منه الحل

**[https://bugzilla.redhat.com/show\\_bug.cgi?id=919794](https://bugzilla.redhat.com/show_bug.cgi?id=919794)**

# 4-NFS

ال NFS هو اختصار ل **Network File Server** وكمان ال NFS هو واحد من ال Services اللى بتستخدم علشان ت share ال files بين ال Linux وال Unix ، وبالمناسبة لسنين كتيرة جدا ال NFS مكنش supported على Microsoft Windows ، لكن بداية من windows server 2008 أو 2012 بدأو انهم ينزلوا ليه support ، لكن فى الغالب مش هتلاقى حد فى Production Environment مشغل NFS على ويندوز ، لكن عادة ال NFS هو اشهر Network File System موجود حاليا فى الداتا سنترز ، طبعا لو انت شغال **VMware** فانت هتلاقى ان ال **Deployment** بتاعت ال NFS كتيرة فشخ ، وكذلك الامر برضو بالنسبة لل **KVM** ، فانت غالبا هتلاقى ان ال VMs بتكون hosted على storage معينة ، وبالتالي هتلاقى ان ال sharing بتاع ال Files حاجة من الثلاثة ، يا اما **Fiber Channel** ، او يا اما **iSCSI** او يا اما بيكون NFS ، وعندك بقى واحدة من اهم المشاكل بتاعت ال NFS وهى ال High Availability ، لان ال High Availability بتاعته كانت قليلة جدا ، فانت مثلا بيكون عندك سيرفر وال client بي connect على السيرفر ده علشان يقرأ منه او يكتب data ، فا لو السيرفر نفسه وقع ، او اللينك فصل ، يبقى كده خلاص ال connection بتاعك فصل

وعلشان يحلوا المشكلة دى ، بدأوا انهم يفكروا فى حلول ليها ، وحرافيا هم بدأوا يعملوا implementation زى ال Parallel NFS وكمان PNFS

طيب تعالى نبدأ بقى ، اولا على جهاز السيرفر ، ال Package اسمها **nft-utils**

```
yum search nfs | grep -i utils
```

```
yum install nfs-utils
```

وبالمناسبة ال Package دى هتديك ال Support لل Client والسيرفر مع بعض ، طبعا زى ما ال man page بيقول ، فال NFS موجود ال support بتاعه فى الكرنال ود ه شىء منطقى جدا وبرضو نفس فكرة ال iSCSI وال LIO ، ال Implementations بتاعهم موجودة فى الكرنال

وعلى جهاز ال client هتسطب نفس ال Package دى

```
yum install nfs-utils
```

طيب نرجع بقى لموضوعنا ، زى ما قولنا ان ال NFS عبارة عن سيرفر وال Client بي connect عليه علشان يأكسسوا الداتا ، طيب ال clients دول بقى ممكن يكونوا سيرفرات تانية او اجهزة workstations تانية

ملحوظة ال NFS بي Listen على بورت كام ؟؟ الحقيقة ان ال NFS لما اتعمل من زمان مكنش فيه **dedicated port** شغال عليه ، بمعنى انك متقدرش تقولى النهارده انك هتشتغل على بورت رقم X او على بورت رقم Y ، ومش ال NFS بس ، لا دا كان فيه حاجة اسمها ال NIS اللى هى اختصار ل

## **Network Instrumentation Server**

وبالمناسبة ال NIS كان من اوائل

ال **Centralized Authentication Servers** اللى اتعملت ، ده بقى ومعاها ال **NFS** وشوية حاجات تانية كده ، كانوا بيعتمدوا على service اسمها **Port Map** ، اى بقى ال Port Map دى ؟؟ ال Port Map دى عبارة عن Service كانت موجودة ولما انت كنت بتشغل اى service زى ال NFS مثلا ، كانت بتروح تشوف انهى بورت فاضى وتحجزه لل service دى وبالتالي ت run ال service عليها ، كده انت ممكن تسأل ، اى العشوائية دى يعم ؟؟ طب كده ال Client لما ياجى يعمل connect ازاي هيعرف ان ال Service دى شغالة ع انهى بورت بالضبط ؟؟ هقولك لأ طبعا ، بص ال Client لما يياجى يعمل communicate ، اصلا جهاز ال Client وجهاز ال Server بيكون عليهم حاجة كده

اسمها **rpc bind** ، اى بقى ال rpc bind هى كمان ؟ هى اختصار ل Remote Procedure Call ، اى بقى اللى بيحصل هنا ، قالك بقى ان ال Client بيحاول بيعت rpc request للسيرفر فى الاول ، ويحاولوا يكلموا بعض كده وال Client يسأل السيرفر اى هو البورت اللى شغالة عليه ال NFS او يعرف ال NFS او ال NIS كان معمول ليهم map على انهى بورت بالضبط ، وبالتالي يحاول ي connect على البورت ده بس كده ،

بس خليك فاكرا ان المشكلة الحقيقية كانت ان البورتات اللى بتتجزر لل service دى كانت ديما يتكون عشوائية ، وبالتالي كان من الصعب جدا انك تحط Firewall Rule وتقوله اسمح لل Service دى ، وخليك فاكرا برضو ان ال Firewall rule ال بتاعته بتكون غالبا static rule فطبعاً الموضوع بيكون شاق ومتعب جدا ، فانت ممكن يكون دورك ك system admin انك تقول لل NFS وقف بقى الكلام الهبل ده كله واشتغل على static بورت علشان اقدر اضبط ال Firewall عندي

تعالى بقى نبص على ال Configuration بتاع ال NFS Server ، مبدئياً كده ال Configuration بتاع ال NFS واحد من اسهل ال Configurations اللى ممكن تشوفه بحياتك وهو عبارة عن ملف واحد موجود فى المسار ده واسمه

**vim /etc/exports**

يقولك بقى الملف ده لو فتحته هتلاقيه فاضى By Default ، والسبب ان السيرفر بتاعك ب By Default مش بي export حاجة

دلوقتى بقى انا عايز اعمل export لحاجة ، بمعنى اخر انى عايز اعمل share ل directory مثلا او Folder زى ما بتوع ويندوز بيقلوا ، وبالتالى ال Clients يقدرُوا انهم يأكسسوه ويقرأو منه داتا او ياخدوا منه داتا بسيطة خالص ، قالك مثلا انت هتعمل directory وليكن اسمها

**/data**

وانت هتعملها share عن طريق Permissions معينة ، زى ال **read only (ro)** ، او ال **(rw)** وهكذا

تعالى بقى نجرب الكلام ده ، واول حاجة تتأكد ان ال service لازم تكون enabled و active ، طبعا الكلام ده للسيرفر ولل Client

**systemctl status nfs.service**

**systemctl enable nfs.service**

**systemctl start nfs.service**

فى بعض الاحيان جهاز ال **Client** مش بيقدر يشوف ال **shared directory**  
او ال **exported directory** , فانت كده لازم تعمل **restart** لل **nfs**

**systemctl restart nfs**

ولو عايز تشوف ال Port اللى شغال عليها ال **nfs** , نفذ الامر ده

**netstat -ntlp**

**netstat ==> Print network connections, routing tables, interface statistics, masquerade connections, and multicast memberships**

**ntlp :**

**n ==> --numeric , -n**

**Show numerical addresses instead of trying to determine symbolic host, port or user names.**

**l ==> -l, --listening**

**Show only listening sockets. (These are omitted by default.)**

**p ==> -p, --program**

**Show the PID and name of the program to which each socket belongs.**



طبعاً هتلاقى شغال على بورت 2049

```
tcp      0      0 0.0.0.0:2049        0.0.0.0:*        LISTEN    -
```

وكمان هتلاقى عندك ال rpc شغالة هى كمان ومعاه شوية service كده

```
tcp      0      0 0.0.0.0:60616       0.0.0.0:*        LISTEN    2690/rpc.statd
```

```
tcp      0      0 0.0.0.0:111         0.0.0.0:*        LISTEN    2700/rpcbind
```

```
tcp      0      0 0.0.0.0:20048       0.0.0.0:*        LISTEN    2701/rpc.mountd
```

تعالى بقى اعمل ال directory ده كمثال هنستخدمه

**mkdir /data**

وبعدين بقى روح لملف ال configuration بتاع ال NFS

**vim /etc/exports**

جوه الملف بقى هتبدأ تحددله ال directory اللى انت عايز تعملها share ، لكن قبل ما تعمل الكلام ده كله ال NFS بيطلب منك الاول انت هتشير الحاجات دى لمين بالظبط

لان انت مش هتعمل share ب read و write لاي حد كده فى الدنيا ، وبالتالي انت لازم تقوله انت هتشير الكلام ده لمين

فمثلا لو انت عايز تشير الكلام ده لاي حد ، حط \* كده هنا وال asterisk دى معناها انك هشيرها لاي Network

**/data \*(rw)**

ولو انت عايز تعملها share لاي Network ، يبقى تحط ال subnet بتاعتها ، بمعنى ان ال Syntax بتاع ملف ال Configuration بيكون كالتالى

**A line for an exported file system has the following structure:**

**<export> <host1>(<options>) <hostN>(<options>)...**

طبعا مكان ال asterisk ممكن تحط ip جهاز واحد او ممكن تحط subnet زى ما قولنا ، او ممكن تحط اسم ال host اللى هو اسم الجهاز يعنى وكمان اسم ال domain معاه بالمنظر ده

**/data client.ahmed.com (rw)**

او ممكن طبعا تقوله لل domain كامل بالشكل ده

**/data ahmed.com (rw)**

طيب تعالى نعمل share لاي حد وهيكون الملف بالمنظر ده

**/data \*(rw)**

طبعا مفيش اى مسافة بين ال asterisk وبين ال permissions

كده انت عملت ال export ، المفروض بعدها تعمل اى بقى ؟ بص لو قولتلى انك هتعمل restart لل service ، فده يعتبر قرار سيئ جدا عارف ليه ؟؟ لان انت تخيل انك كنت بتشير directory اسمها / oracle ، وجيت ضفت directory جديدة ، عارف بقى لو جيت عملت restart لل service اى اللى هيحصل ؟؟

انت كل ال access اللى كان موجود قبل كده هيبقى مع السلامة ، فانت ممكن تعمل حركة اصبع وهى انك تنفذ ال command ده

## **exportfs -r**

الامر ده هيجلى ال nfs يعمل reload ويشوف اى اللى اتضاف لملف configuration ال

طيب بالنسبة لل Client ، من ناحية ال Client انت اولاه تعمل حاجة كده وتشوف هل فى حاجة فى السيرفر ده تقدر انك تعملها access ، يعنى هل فى directory معينة نقدر اننا نشوفها ونأكسسها ، فانت هتنفذ الامر ده

## **showmount -e 192.168.1.11**

بص كده هتلاقى رسالة ال error دى ظهرتلك

**clnt\_create: RPC: Port mapper failure - Unable to receive: errno 113 (No route to host)**

بيقولك **port mapper failure** ، يعنى مش قادر يتكلم مع السيرفر ، يعنى مفيش RPC Communication ، وده معناه بكل بساطة ان ال Firewall ده عامل block لل connection ده

يبقى تعالى ضيف ال nfs

**firewall-cmd --add-service=nfs --permanent**

برضو لو روجت على جهاز ال Client هتلاقى رسالة ال error زي ماهى ، كده  
معناه ان ال NFS مش كفاية ، يبقى انت هتضيف برضو ال rpc bind

**firewall-cmd --add-service=rpc-bind --permanent**

برضو مازالت رسالة الخطأ دي موجودة

**clnt\_create: RPC: Port mapper failure - Unable to receive: errno 113 (No route to host)**

طيب لو عايز تجرب انك تقفل ال firewall بتاع السيرفر وبعدين تروح تتأكد  
من على جهاز ال Client

**systemctl stop firewalld**

هتلاقى ان جهاز ال client قدر انه يشوف ال shared directory وتعالى بقى  
شغل ال firewall من تانى

**systemctl start firewalld**

وتعالى برضو ضيف لل firewall ال service اللى اسمها **mountd** ، من غير

حرف ال **e** علشان متلغبطش بس

**firewall-cmd --add-service=mountd --permanent**

وبعدها تعمل reload لل firewall ، واوعى تنسى انك تعمل reload لل firewall  
علشان حوار انك لازم تعمل reload ديما لل firewall لما تضيف service موجود  
من اول الاصدار رقم 7.3 فى centos و redhat ، فخد بالك ديما

**firewall-cmd --reload**

ولا زم تعمل restart لل nfs service ديما لو حصل اى تغيير

**systemctl restart nfs**

كده انت هتروح لجهاز ال Client هتلاقيه بيقولك ان فى exported directory ،  
وبالتالى هو قارد يشوف اللى معمول ليه shared هناك

طيب ليه بقى الحوار ده حصل لما ضفنا ال **mount daemon** ، او ال mountd ؟  
ليه جهاز ال Client قدر يشوف ال shared Directory ؟

بص خليك فاكر ان ال **rpc** مش service واحدة ، دى عبارة عن طريقة  
لل communication علشان يقدر يشوف البورتات اللى ال service شغالة  
عليها

وطبعا مع ال nfs هتحتاج تعمل enable لل **rpc bind** وده علشان ال client  
يقدر انه ي discover السيرفر ، مش كده وبس ، كمان علشان ال Client يقدر  
يشوف الحاجات اللى معمول ليها mount ، يبقى انت هتحتاج ال mountd او  
ال **rpc mountd** ايا كان اسمها تكون accessible بالاضافة لل nfs ذات  
نفسها انها تكون accessible

يبقى اذا خليك فاكر ديما ان ال NFS بي allocate dynamic port ويكون Based  
على ال Port Map ، وال NFS ذات نفسه محتاج اكثر من service علشان  
يشتغل ولو عايز تعرف ال NFS معاه كام service ، اكتب

## systemctl status nfs

وبعدين اضغط مرتين على ال tab

```
[root@server ~]# systemctl status nfs
```

```
nfs-blkmap.service      nfs-idmap.service      nfs-rquotad.service
nfs.service
nfs-client.target        nfs-lock.service        nfs-secure-server.service
nfs-utils.service
```

<b>nfs-config.service</b>	<b>nfslock.service</b>	<b>nfs-secure.service</b>
<b>nfs-idmapd.service</b>	<b>nfs-mountd.service</b>	<b>nfs-server.service</b>

لو بصيت على ال services دى ، هتلاقى ان ال NFS معاه ال

## **nfs-mountd.service**

ودى طبعا علشان ال Client يقدر يشوف ال mounted او يشوف  
ال exported storage بالاضافة لل File Share Service ذات نفسها اللى هى  
ال NFS ، دى **nfs.service**

بعدين بقى تعالى اعمل mount لل shared directory عن طريق الامر

**mount -t nfs 192.168.11:/data /opt**

وطبعا لو عايز تتأكد انها Mounted ، يبقى تجرب الامر df -h

**[root@client ~]# df -h**

<b>Filesystem</b>	<b>Size</b>	<b>Used</b>	<b>Avail</b>	<b>Use%</b>	<b>Mounted on</b>
<b>/dev/mapper/centos-root</b>	<b>50G</b>	<b>4.1G</b>	<b>46G</b>	<b>9%</b>	<b>/</b>
<b>devtmpfs</b>	<b>984M</b>	<b>0</b>	<b>984M</b>	<b>0%</b>	<b>/dev</b>
<b>tmpfs</b>	<b>1000M</b>	<b>0</b>	<b>1000M</b>	<b>0%</b>	<b>/dev/shm</b>
<b>tmpfs</b>	<b>1000M</b>	<b>8.9M</b>	<b>991M</b>	<b>1%</b>	<b>/run</b>
<b>tmpfs</b>	<b>1000M</b>	<b>0</b>	<b>1000M</b>	<b>0%</b>	<b>/sys/fs/cgroup</b>
<b>/dev/mapper/centos-home</b>	<b>47G</b>	<b>74M</b>	<b>47G</b>	<b>1%</b>	<b>/home</b>
<b>/dev/sda1</b>	<b>1014M</b>	<b>200M</b>	<b>815M</b>	<b>20%</b>	<b>/boot</b>



<b>Public</b>	<b>281G</b>	<b>182G</b>	<b>99G</b>	<b>65%</b>	<b>/media/sf_Public</b>
<b>tmpfs</b>	<b>200M</b>	<b>0</b>	<b>200M</b>	<b>0%</b>	<b>/run/user/0</b>
<b>192.168.1.11:/data</b>	<b>27G</b>	<b>4.8G</b>	<b>23G</b>	<b>18%</b>	<b>/opt</b>

تعالی بقى اعمله umount من تانى

**umount /opt**

هنرجع تانى للملف بتاعتنا ، وهنقوله اننا عايزين نعمل share ل IP معين

**vim /etc/exports**

**/data 192.168.1.9(rw)**

وبعدھا تعمل

**exportfs -r**

وتعالى بقى عند جهاز ال client ونفذ

```
[root@client ~]# showmount -e 192.168.1.11
```

```
Export list for 192.168.1.11:
```

```
/data 192.168.1.1
```

المرّة دة بيقولك ان ال directory دى معمول ليها shared للاسم ده او للجهاز

اللى ال ip بتاعه كذا

طب تعالى كده اعمل mount ، هتلاقيه طلعلك الرسالة دى

```
[root@client ~]# mount -t nfs 192.168.1.11:/data /opt
```

```
mount.nfs: access denied by server while mounting
```

```
192.168.1.11:/data
```

ليه بقى لان انت حددت فى ملف ال exports جهاز واحد بس اللى هو كان ال

ip بتاعه ده

```
/data 192.168.1.1(rw)
```

وبالتالى هو مش لاقى نفسه ، يبقى انت ترجع تعدل الملف وتحط ip الجهاز

المضبوط ، ولو عايز تشير الكلام ده ل subnet كاملة يبقى تكتب الكلام ده

**/data 192.168.0.0/16(rw)**

وبعدها بقى روح لجهاز ال Client وشوف اذا كنت هتقدر تشوف ولا لا

**showmount -e 192.168.1.11**

وبعدها بقى اعمله mount

**mount -t nfs 192.168.1.11:/data /opt**

تعالى خلاص بقى اعمله umount

**umount /opt**

دلوقتى فى سؤال بي طرح نفسه انا لما جيت عملت share للملفات ، قصدى  
يعنى ان انا عندى ال client اهو قدر انه يعمل mount لل directory دى بدون  
اى مشاكل ، دلوقتى بقى الملفات اللى هتكتب عن طريق ال Client هيبقى  
مين ال owner بتاعها ؟؟

الاول ارجع كده اعملها mount من تانى

```
mount -t nfs 192.168.1.11:/data /opt
```

وجرب تعمل ملف فى المسار /opt

```
touch file1 /opt
```

هتلاقه بيقولك Permission Denied

```
touch: cannot touch 'file1': Permission denied
```

طب ليه مش قادر تكتب مع انك عامل ليها share ك rw

```
[root@server ~]# cat /etc/exports
```

```
/data 192.168.0.0/16(rw)
```

عارف ليه؟؟ بكل بساطة بسبب ال SELinux ، تعالى كده برضو وقفها عن طريق الامر ده

```
setenforce 0
```

برضو مش هتقدر تكتب ، هيقولك برضو Permission Denied  
طب تعالى برضو جرب كده

```
mount | grep -i /opt
```

```
[root@client opt]# mount | grep -i opt
192.168.1.11:/data on /opt type nfs4
(rw,relatime,vers=4.1,rsiz=262144,wsiz=262144,namlen=255,hard,proto=tcp,port=0,timeo=600,retrans=2,sec=sys,clientaddr=192.168.1.9,local_lock=none,addr=192.168.1.11)
[root@client opt]#
```

هتلاقى انها فعليا معمول ليها mount ك read و write ، بالمناسبة ال firewall  
هنا ملوش علاقة ، احسن تقول طب ما نجرب نقفل ال firewall  
طب اومال ليه بقى مش عايز يكتب جوه ال exported directory دى ؟؟

طيب تعالى تانى كده اعملها umount

```
umount /opt
```

اوبلا امسك عندك ، عارف انت ليه مش قادر تكتب جوه ال **directory** دى ؟؟  
بكل بساطة علشان ال other مش معاهم غير ال read وال execute بس

```
[root@server ~]# ls -ldh /data/  
drwxr-xr-x. 2 root root 6 Jul 11 13:10 /data/
```

كده انت محتاج تغير ال permissions بتاعت ال others وتخليهم يقدرُوا يكتبُوا

```
chmod o+w /data
```

كده المشكلة اتحلّت ، ارجع بقى اعمل mount من تانى لل directory وجرب  
تكتب جواها هتلاقيك قدرت تكتب

وهنا انت محتاج تضبط ال permissions بتاعت ال directory قبل ما تعملها  
share او export الاتنين نفس المعنى

طيب تعالى بقى روح لجهاز ال Client ، واكتب ls -lh ، هتبص تلاقى الملف  
ات create بصلاحيات ال **nfsnobody**

```
[root@client opt]# ls -lh  
total 0  
-rw-r--r--. 1 nfsnobody nfsnobody 0 Jul 11 16:42 file1
```

ويا ترى بقى مين هو كمان ال **nfsnobody** ؟؟ بص يا سيدى ، دلوقتى احنا عندنا مشكلتين ، تعالى نتكلم عن المشكلة الاولى

دلوقتى الراجل اللى عمل export لل directory دى على السيرفر كان ال root ، وال user اللى عمل mount لل directory دى على جهاز ال Client كان ال root برضو

هل تفتكر بقى ان ال root اللى على جهاز ال Client هو نفس ال root اللى على جهاز السيرفر ولا الاتنين دول ممكن يكونوا شخصين مختلفين ؟ طيب هما اصلا فى الطبيعى هيكونوا شخصين مختلفين ☹

طيب السؤال من تانى ، تفتكر لما السيرفر يعمل export ل directory من عنده عن طريق ال root ، دلوقتى بقى لو انا تعاملت مع ال root اللى على جهاز ال Client على انه root برضو ، هيبقى من حقه انه يتصرف فى الملفات اللى جوه ال shared directory زى ما هو عايز

وعلشان نحل المشكلة دى ، قالك ان ال NFS ب By Default هي map ال root user عند ال client ل nfs user اسمه **nfsnobody** وده عبارة عن user ملوش اى صلاحيات تماما ، ليه ؟؟ قالك علشان يتجنب ان ممكن بالغلط ال root user اللى عند جهاز ال client هو اللى يعمل mount للداتا على جهاز ال client وبالتالي هيقدر ياكسس الداتا دى من غير ما حد يقدر انه يتحكم فيه

طلب افرض انا بقى شخص غلس وعائز اقول للسيرفر انه يعامل ال root الى  
موجود على جهاز ال client كأنه root مش كأنه **nfsnobody**

يبقى انت هتروح لجهاز السيرفر وتعدل ملف ال exports وتضيف الكلمة دي  
**no\_root\_squash**

بعد ال permissions

**vim /etc/exports**

وبعدها متنساش

**export -r**

روح بقى لجهاز ال client وانت root وجرب تعمل ملف ، هتبص تلاقى ان ال  
owner بتاع الملف ده هو ال root

**-rw-r--r--. 1 root root 0 Jul 11 17:06 file2**

يبقى نستنتج من كده ان ال NFS هيعمل map لل root الى موجود على جهاز  
ال Client ل user ملوش اى صلاحيات يعنى unprivileged user ، اسمه  
**nfsnobody** ، بص من تانى كلمة هي **map** او هيعمل **map** ، يعنى معناها  
انه هيفير ال **root** ، كلمة **map** يعنى تغيير



طب ليه هو بيجير ال root ، او ليه الحوار ده بيحصل ، لانه بكل بساطة ال NFS عايز يتجنب انه ال root اللي على جهاز ال Client ميكونش ليه نفس صلاحيات ال root اللي موجود على جهاز السيرفر ، ولو كان ليه كل ال Permissions يبقى هيتلاعب بال shared directory او ال shared storage دى زى ما هو عايز

تعالى ارجع بقى فعل ال selinux من تانى

## setenforce 1

دلوقتى بقى ممكن تعمله mount بصورة دائمة وبالتالى هتخطه فى ال fstab

```
#  
# /etc/fstab  
# Created by anaconda on Sun Jul 8 13:58:10 2018  
#  
# Accessible filesystems, by reference, are maintained under '/dev/disk'  
# See man pages fstab(5), findfs(8), mount(8) and/or blkid(8) for more  
info  
#  
/dev/mapper/centos-root / xfs defaults 0 0  
UUID=6d2d4b4b-b901-435c-959e-81d00f29d969 /boot xfs  
defaults 0 0  
/dev/mapper/centos-home /home xfs defaults 0 0  
/dev/mapper/centos-swap swap swap defaults 0 0  
192.168.1.11:/data /opt nfs defaults 0 0
```

دلوقتي بقى عندنا حاجة اخيرة وهى ، هل ال **File System** ده اللى هو ال **NFS** هل بقى ال **NFS** ده هو **Local File System** ولا هو **Network File System**؟؟

طيب هسألك سؤال تانى غلس شوية معلش ، دلوقتي انا لو كنت قايل لل Client روح اعمل mount من المكان ده

**192.168.1.11:/data**

واعمله mount هنا فى المكان ده

**/opt**

لل file system ده اللى هو nfs

وطبعا ال defaults هى كده

**defaults 0 0**

وجه بقى ال Client حاول يعمل mount ساعة ال boot فلقى السيرفر مش up  
اي بقى اللى هيحصل هنا بقى ؟ هيحصل خوازيق معاك 😄😄😄

هتلاقية جابلك الرسالة المشهورة جدا فى عالم اللينكس وهى

## A start job is running for ... (25s / 1min 38s)

طيب علشان نحل المشكلة دى ، ممكن نعمل حركة صايفة كده وهى اننا هنعدل ملف ال fstab تانى وهنضيف ال option ده جمب ال defaults

```
192.168.1.11:/data    /opt                nfs defaults,_netdev 0 0
```

طيب اى بقى ال **netdev** ؟ ده عبارة عن option ممكن تحطه وانت بتعمل mount لاي file system ، علشان تقول لجهاز ال client ان ال file system ده عبارة عن Network File System او بكل بساطة ده عبارة عن file system بيكون accessible عن طريق ال Network ، يعنى بكل بساطة لو انت مقدرتش انك تعمله mount عن طريق ال network ابقى خلاص اعمل لل mount point دى اعملها skip مش لازم تكمل يعنى

بالمناسبة المشكلة دى لو كانت مع RHEL 6 وما قبل فكان الجهاز بي fail ومكنش بي boot

طيب netdev دى هى اختصار ل network device ، يعنى device بيكون accessible عن طريق النت

وبالمناسبة برضو الكلام ده برضو مع ال iSCSI ، ابقى راجع ال notes بتاعك  
ودىما ضيف ال netdev فى حالة انك هتعمل mount ل shared storage وتخليها  
ديما فى ال fstab يعنى لازم تضيف ال option ده علشان الجهاز لو ملقاش  
السيرفر يعمل skip لعملية ال mount دى

يبقى اذا سواء مع ال **iSCSI** او مع ال **NFS** او مع ال **Samba** او مع  
اى **Shared File System** عن طريق ال **Network** لازم تضيف ال **option**  
ده ، ومن الاخر كده خليه قاعدة عندك وهى انك تحط ال **option** دىما ، بس  
طبعا متجيش فى الحاجات الاساسية وترزع ال **option** ده كده انت هتعمل

اخر حاجة خلى بالك من الملحوظة دى اللى مشروحة على موقع redhat

### **Warning**

**The format of the /etc/exports file is very precise, particularly in regards to use of the space character.**

**Remember to always separate exported file systems from hosts and hosts from one another with a space character.**

**However, there should be no other space characters in the file except on comment lines.**

**For example, the following two lines do not mean the same thing:**

**/home bob.example.com(rw)**

**/home bob.example.com (rw)**

**The first line** allows only users from bob.example.com read/write access to the /home directory.

**The second line** allows users from bob.example.com to mount the directory as read-only (the default), while the rest of the world can mount it read/write.

وده اللينك اهو

[https://access.redhat.com/documentation/en-us/red\\_hat\\_enterprise\\_linux/5/html/deployment\\_guide/s1-nfs-server-config-exports](https://access.redhat.com/documentation/en-us/red_hat_enterprise_linux/5/html/deployment_guide/s1-nfs-server-config-exports)

# 5-Apache Server

بداية كده الاباتشى يعتبر واحد من اكبر الاسباب اللى خلت اللينكس يسيطر على عالم السيرفرات فى العالم ، وبشكل عام معظم ال web servers بتشتغل على بورت 80 ولو انت شغال secure service فهتلاقيها بتشتغل على بورت 443 ، طبعا دى ال default بورتات اللى بتشتغل عليها ال web servers ، اه وبالمناسبة البورت رقم 8080 ده مش ال default port ولا هو كمان standard port

طيب ليه بقى الاباتشى عمل الشهرة دى كلها ؟؟؟ طبعا لو انت رجعت بصيت فى سنة 1998 هتلاقى ان اللى حصل ان الاباتشى فى الوقت ده هو اول واشهر ويب سيرفر هو اللى ابتكر فكرة ان يكون عندك جهاز سيرفر واحد والسيرفر ده بيقدر انه ي host مواقع كتيرة وفى الوقت ده بقى كانت ميكروسوفت والويب سيرفر بتاعها اللى هو IIS كان بقى كل مكنة بيكون عليها ويب سيرفر واحد بس ، فا دلوقتى بقى لما الاباتشى جه اشتغل على جهاز واحد بقى عندنا اكر من ويب سايت على السيرفر ، فا اى بقى اللى حصل فى سوق الداتا سنتر وقتها؟

اللى حصل ان الناس بتوع ال hosting providers اختاروا الاباتشى انه يكون ال default web server اللى موجود وطبعا ده علشان يوفروا ال resources بتاعتهم

طبعا ده لو هنتكلم على توفير عدد الاجهزة وال power cooling وليلة كبيرة سعادتك

علشان كده الاباتشى من الوقت ده لحد النهارده فضل مسيطر على سوق السيرفرات ، وطبعا لما الاباتشى سيطر بالشكل الكبير ده ، هوب ال community بتاعه كبر جدا وبالتالي اتعمله addons كثيرة فشخ ، او ممكن تعتبر كلمة addons ك modules ، يعنى اتعملت modules كثيرة للاباتشى ، زى انهم عملوا module ان الاباتشى يعمل authenticate من ال LDAP وهكذا بقى لحد ما الاباتشى كان

## The Most Supported Web Server In The World

وبالتالى الاباتشى لما المجتمع بتاعه كبر ، بقى بي support لغات كثيرة جدا زى ال **PHP** وال **Perl** وال **Ruby** وال **Python** ، يعنى تقريبا كده اى حاجة كانت بتعدى عليه كان بيقولك انه بيديك support ليه ؟ طبعا لان ال community بتاعه كبر جدا

طيب خيلنا نتكلم بشكل واقعى اكثر بقى ، الاباتشى لما كبر واتشهر بالمنظر ده بقى عامل زى الكائن الكبير اوى ، وبقي عامل بالظبط زى شخص كل ما يلاقى قدامه اى نوع اكل يروح يجرى ياكل فيه ، فا اى بقى اللى حصل؟؟

اللى حصل انه تخن اوى وكبر اوى ، فانت دلوقتى علشان تتيون الاباتشى ده ( tune ) تتيون يعنى تضبط الاباتشى ، طيب انت علشان تضبط الاباتشى ده حاول تعرف اى اللى انت محتاجه منه بالضبط ، لانه زى ما قولنا ان الاباتشى دلوقتى بي support اى حاجة ، وحتة انه يدعم اى حاجة فى نفس الوقت ده يعتبر ميزة وعيب فى نفس الوقت ، لان انت لو عملت install للاباتشى وعملت كمان install لكل ال support packages معاه كده انت لبست نفسك ووديت نفسك فى 60 داهية ، طب ليه بقى ؟؟

لان انت تخيل ان انت عندك ويب سايت web site مكتوب بالبايثون مثلا ، وجيت انت عملت install للاباتشى وعملت install كمان لل php modules معاه كده انت وديت نفسك فى مصيبة سودة

ليه برضو ؟؟ لان افرض انهم اكتشفوا اى Vulnerability لل php وحتى لو انت مش بتستخدم ال php فانت برضو عرضت نفسك للخطر ، وبالتالي انت لازم تعرف انت عايز اى بالضبط من الاباتشى

ودى تعتبرها قاعدة ثابتة معاك وانت شغال مع الاباتشى ، بمعنى اخر انك متحاولش انك تعمل install لحاجة انت مش محتاجها مع الاباتشى ، يعنى اختار ال Packages اللى انت عايزها بس



طيب تعالى بقى نعمل install للاباتشى على جهاز ال server عن طريق الامر

**yum install httpd**

وبعدها طبعا

**systemctl status httpd**

**systemctl enable httpd**

**systemctl start httpd**

**systemctl status httpd**

طيب فى معلومة هنا وهى ان الاباتشى على RedHat وى distro بقى based

على RedHat هتلاقى اسمه httpd ، انما بقى فى Ubuntu او debian

فال Package اسمها **apache2**

طبعا هو اسمه apache2 لانه اتعمله كتابة من ال scratch ، طيب بالمناسبة

كمان ، هتلاقى عندك group من ال Packages اسمها basic web server

## **yum groups list**

طيب الاباتشى لوحده كده بيقولوك انه بيديك support للملفات اللى مكتوبة HTML بس

لوجيت تنفذ الامر

## **yum search apache | less**

اتفرج بقى على كمية ال Modules اللى بتيجى مع الاباتشى لوحده وطبعا كل scripting Language بيكون معاها Modules كتيرة فشخ ، يعنى مثلا

## **yum search php | less**

هتلاقى ان ال php معاها modules كتيرة

طيب دلوقتى احنا عملنا install للاباتشى وبالتالي الاباتشى هي server الملفات بتاعته من المكان

## **ls /var/www/html**

وده المكان اللى الاباتشى بي server الملفات للمستخدمين من خلاله

دلوقتی علشان الیوزر یقدر انه یاکسس المكان ده ، یبقی لازم ال firewall  
یسمح بکده

**firewall-cmd --add-service=http --permanent**

وبعدها کالمعتاد لازم تعمل reload لل firewall

**firewall-cmd --reload**

ممکن تروح علی ال browser وتجرب ال apache عن طریق انک تکتب ال ip  
بتاع الجهاز

**201.201.0.6**

وهتلاقى صفحة Testing ظهرتلك كده ، طب الصفحة دى لازمتها اى ؟ لازمتها  
انها تخلیک تتأكد ان الاباتشى بتاعك موجود وکمان up and running ، والصفحة  
دى بتیجى لما میکونش فى ملفات معمول لیه host فى المسار

**ls /var/www/html**

بمعنى انت ممکن تروح للمسار ده

**cd /var/www/html**

وتأخذ الكود بتاعك اللي انت كاتبه وتحطه فى المكان ده ، انما لو مش حاطط  
اى حاجة هيديك صفحة ال Testing دى

تعالى بقى مثلاً اعمل صفحة index.html ، هتلاقى ان صفحة ال Testing  
اختفت وظهرت بدالها صفحة ال index.html ، طب ليه او اشمعنى الصفحات  
بالاسم **index** هتعرف كمان شوية

وملفات ال Configuration بتاعت الاباتشى بتكون فى المسار ده

**cd /etc/httpd**

وبالنسبة لملف ال configuration الرئيسى بتاع الاباتشى هتلاقيه موجود فى  
المسار ده

**vim /etc/httpd/conf/httpd.conf**

هنا بقى ملف ال **configuration** بتاع الاباتشى متقسم لاجزاء ، واول جزء  
هنتكلم عنه وهو **الجزء الخاص بال main server**

ای بقى ال **main server** ؟ بص خليك فاكر ان الاباتشى ممكن ي host اكثر من ويب سايت على نفس السيرفر ، فانت هيكون عندك جزء خاص بال main site يعنى بالموقع الرئيسى وهيكون عندك جزء تانى خاص باى ويب سايت تانى ، وال web sites التانية بنسميها ال **virtual hosts**

يبقى اذا جزء ال Configuration الاول هيكون خاص بال main site ، اللى هو الموقع الاساسى ، اللى هو بيتعمله host فى المسار

**var/www/html**

وعندنا اول حاجة بقى فى ملف ال configuration بتاع الاباتشى هو السطر ده

**ServerRoot "/etc/httpd"**

وده معناه ان بيقولك فين ملفات ال configuration بتاعت الاباتشى

فى بعد كده السطر ده

**Listen 80**

اللى هو بيقول للاباتشى انت هت listen على بورت كام بالضبط

الحاجة اللى بعد كده هتلاقىه الجزء الخاص بحاجة اسمها Dynamic Shared Object ، اى بقى ال dynamic shared object ده ؟؟

طيب الاول هتلاقى فى directive كده هتشد انتهابك اسمها include ، السطر بتاعها اهو

## **Include conf.modules.d/\*.conf**

اى بقى موضوع include ده ، بص بدل ما يخلى طول الملف بتاع الاباتشى 30 ولا 40 متر ، قصدى يعنى عدد السطور بتاعته كبيرة فشخ ، قالك لانا اى حاجة هحب اضيفها فى الملف ده هنادى عليها عن طريق الامر include والملفات اللى هتنادى عليها موجودة فى المسار

## **conf.modules.d/\*.conf**

طيب تعالى كده افتح اى ملف من اللى موجودين فى المسار ده

## **vim /etc/httpd/conf.modules.d/00-base.conf**

الملفات دى بقى هى عبارة عن الملفات اللى بتعمل load لل modules الخاصة بالاباتشى ، طبعا فى كل ملف هتلاقى كمية modules كتيرة فشخ بيتعملها load

وطبعا كل module او كل مجموعة modules بتعمل حاجة معينة

طيب نرجع بقى لملف ال configuration الرئيسى بتاعتنا ، ونخلينا فاكيرين ان  
الاباتشى لما يحب ينادى على configuration معين هيعمله include ويريح  
دماغه

بعد كده بقى فى ملف ال configuration بتاع ال apache هتلاقى عندك السطر  
ده

**User apache**

**Group apache**

وده ال user اللى هيرن الاباتشى وطبعا الجروب اسمها برضو اباتشى

**Main Server Configuration** تعالى بقى نتكلم عن ال

**# 'Main' server configuration**

بص الاباتشى عندك متقسم ل 3 اجزاء ، فى عندك حاجة اسمها ال

## Global Configuration

وبعدين فى حاجة اسمها ال

## Main Server Configuration

واخيرا عندك ال

## virtual hosts configuration

اول حاجة بالنسبة لل global configuration فال settings اللى هتلاقيها فى ال global configuration بسيطة جدا زى مين ال user اللى هيشغل الاباتشى ومين الجروب بتاعته واى البورت اللى هي listen عليه واى كمان ال modules اللى بيعملها load ، يبقى دى الحاجات اللى هتأثر بشكل عام على الاباتشى سواء بشكل Main Server او بشكل Virtual Hosts

تانى حاجة ال Main Server هيكون فيها ال Configuration الخاص بالملفات اللى هيعملها serve فى المسار

**var/www/html**



اما بقى ال virtual hosts فانت اللى هتعمل define لل virtual hosts بايدك  
كمان شوية ، يعنى من الاخر كده لسه لحد دلوقتى معندناش اى virtual  
hosts ، بمعنى اننا لسه هنعرف ال virtual host هتبقى فين بالظبط او هتعمل  
serve للملفات بتاعتها منين بالظبط ، اهدى على رزقك 😊

طبعا الجزء اللى احنا بصينا عليه كان الجزء الخاص بال Global Configuration  
تعالى بقى دلوقتى بنص على الجزء الخاص بال Main server  
واول سطر configuration فى ال Main Server هو السطر ده

## **ServerAdmin root@localhost**

اى بقى ال ServerAdmin ده ؟ ببساطة شديدة اكيد انت جربت تفتح  
اى web page بتاعت اى موقع مثلا وقالك مثلا انه مش قادر يعمل load للموقع  
ده وراح تحت كده وقالك

## **please contact ServerAdmin**

وراح حاطلك الايميل بتاعه فانت هنا بقى ممكن تغير ال ServerAdmin  
وتخليه مثلا بالشكل ده

## **ServerAdmin support@ahmed.com**

علشان تظهر فى حالة ان فى errors فى عملية ال Load بتاعت الصفحات

بعد كده هتلاقى ال directive دى وهى خاصة باسم السيرفر

## **#ServerName www.example.com:80**

طبعا انت هتعمل uncommment للسطر ده ، بس بص كده هو هنا محدد ان البورت رقمه هيكون 80 ، طب ما احنا اصلا عرفنا الكلام ده فى ال global configuration فوق ، وبالتالي انت ممكن تمسح رقم 80 ده ، وطبعا انا ممكن ادى للسيرفر بتاعى اسم بالمنظر ده

## **ServerName www.ahmed.com**

والاسم ده هو اسم الموقع بتاعك اللى اليوزر لما يكتبه فى المتصفح هيطلعه الموقع بتاعك

اه وبالمناسبة طبعا لازم ال domain ده اللى هو ahmed.com لازم يكون موجود على ip ، وبالمناسبة الحته دى بتعتمد على جزئين الجزء الاولانى عند السيرفر وهى ان انت تعرف ال hostname او بمعنى اخر ال Servername اللى هو ahmed.com

والجزء التانى عند ال Client وهو ان ال Client يقدر انه يعمل resolve لل hostname ده ، طيب هو فرضا ان ال Client بيحاول انه يعمل Access للويب سايت ده ، بس ال client ذات نفسه مش قادر يعمل resolve ، يبقى هيوصل ليه ازاي بقى اساسا وخليك فاكرا ان انت المفروض يكون عندك DNS Server وال dns server ده هو اللي هيعمل resolve للاسم ده

طيب نرجع بقى لموضوعنا ، فاكرا لما عملنا ال chroot environment مع ال FTP علشان الناس ميتفسحوش فى السيستم صح ؟

هنا برضو هتلاقى حاجة اسمها ال Deny access ؟ اى بقى ال Deny access دى ؟

هنا بقى مع الاباتشى برضو بيقولك انه هيعمل deny access لل directory اللي هي ال / اللي هي بمعنى اخر ال root file system وطبعا بيقولك كمان هنا انه مش هي override اى options خالص ، يعنى بكل بساطة انا بخلى الاباتشى يعمل deny لل file system كله ، بمعنى اخر انى بقول لل apache امنع اى file system access

```
# Deny access to the entirety of your server's filesystem. You must
# explicitly permit access to web content directories in other
# <Directory> blocks below.
#
```

```
<Directory />  
    AllowOverride none  
    Require all denied  
</Directory>
```

طبعاً بعد ما بتعمل deny لل file system كله ، بتيجي بقى تحت وتعمل allow  
للمكان ده بس اللى هو ده

**# Further relax access to the default document root:**

```
<Directory "/var/www/html">  
    #
```

طبعاً برضو عندك السطر ده

**DocumentRoot "/var/www/html"**

وده معناه المكان بتاع الملفات اللى انت هتعملها server منين بالظبط

بعد كده بقى قالك ان ال directory دى اللى هى var/www/html هعملها allow  
بالشكل ده

```
<Directory "/var/www">  
    AllowOverride None  
    # Allow open access:  
    Require all granted  
</Directory>
```

نرجع بقى تانى لموضوعنا ، وهى ان ال directory اللى اسمها

**/var/www/html**

هتلاقى معاها option كده اسمه Indexes

**# Further relax access to the default document root:**

```
<Directory "/var/www/html">
```

```
#
```

```
# Possible values for the Options directive are "None", "All",
```

```
# or any combination of:
```

```
# Indexes Includes FollowSymLinks SymLinksifOwnerMatch ExecCGI MultiViews
```

```
#
```

```
# Note that "MultiViews" must be named *explicitly* --- "Options All"
```

```
# doesn't give it to you.
```

```
#
```

```
# The Options directive is both complicated and important. Please see
```

```
# http://httpd.apache.org/docs/2.4/mod/core.html#options
```

```
# for more information.
```

```
#
```

```
Options Indexes FollowSymLinks
```

وال Indexes دى ، عبارة عن ان مثلا لو عندك صفحة index.html فالصفحة ال

index دى بتكون هى الصفحة الرئيسية للموقع بتاعك

ويكون معها option اسمه FollowSymLinks اللى هو اختصار ل Follow Symbolic Links ، يعنى اى بقى ؟ معناه ان انت لو عملت softlink لملف هيخلي الاباتشى يروح وراء الملف ده علشان يعملته serve هو كمان

بعد كده السطر ده

## **AllowOverride None**

يعنى هل فى اى option عايز تعملته override ؟ اكيد طبعا لا

وبعدها السطر ده

## **Require all granted**

وده معناه ان ال access لل directory دى granted يعنى مسموح بيه

بعد كده بقى فى حاجة اسمها ال directory Index ودى معناها انه هيبص بس على الملفات اللى اسمها index

**<IfModule dir\_module>**

**DirectoryIndex index.html**

**</IfModule>**

طبعا انت ممكن تضيف اكثر من DirectoryIndex بالشكل ده

```
<IfModule dir_module>  
    DirectoryIndex index.html index.php  
</IfModule>
```

طبعا بعد ما تعدل اى حاجة فى الملف ده لازم تعمل restart لل httpd

**systemctl restart httpd**

وحط فى اعتبارك ان ال php لازم تكون متسطبة وده فى حالة انك عايز  
تشغل ملفات ال php

وبالمناسبة كمان الترتيب ده مهم جدا ، يعنى انت هنا بتقوله روح دور الاول  
على الملفات اللى بالامتداد index.html ولو ملقتهاش روح شوف الملفات  
اللى بالامتداد index.php وهكذا بقى

تذكر

**cd -**

ده بيرجعك لآخر مجلد انت كنت فيه

فى بقى عندك حاجة اسمها **htaccess** و **htpassword** اللى هو معناها  
ان الاباتشى بيعمل deny لل htpassword files ودى لسه هنجيلها بعدين

```
# The following lines prevent .htaccess and .htpasswd files from being  
# viewed by Web clients.
```

```
#
```

```
<Files ".ht*">
```

```
    Require all denied
```

```
</Files>
```

ودى عبارة عن ملفات بتستخدمها علشان تعمل secure للاباتشى ، وزى مثلا  
انك لو عايز تعمل protect ل directory معينة زى مثلا انك تحطها username و  
password ، والجزء ده لوحده عليه lap خاص بيه

بعد كده ال errorlogs ، اللى هو المكان اللى فيه ال logs بتاعتك

**ErrorLog "logs/error\_log"**

وده المكان اللى فيه ال logs بتاعت ال httpd

**less /var/log/httpd/**



هنا بقى هتلاقى ملفين الاول هو

**less /var/log/access.log**

والملف ده هيكون جواه مين اللى عمل access على السيرفر بتاعك وعمله access من انهى ip بالضبط

وفى بقى عندك ملف ال log التانى وهو

**less /var/log/httpd/error\_log**

وده بقى خاص بال errors الخاصة بالاباتشى

بعد كده بقى فى ملف ال configuration بتاعت الاباتشى ، هتلاقى كمان شكل ملف ال log عامل ازاي

**LogFormat "%h %l %u %t \"%r\" %>s %b \"%{Referer}i\" \"%{User-Agent}i\" combined**

بيكون بالمنظر اللى انت شايف ده

يعنى مثلا ال **%h** دى معناها ان هيبدا يكتب فى الملف اول حاجة ال host بتاع الجهاز اللى عمل access على السيرفر بتاعك ، وده مثال على كده

201.201.0.2 - - [22/Jul/2018:13:09:58 -0400] "GET / HTTP/1.1" 403 4897  
"- "Mozilla/5.0 (X11; Fedora; Linux x86\_64; rv:61.0) Gecko/20100101  
Firefox/61.0"

بعد كده انت عندك module بالشكل ده اسمه mime

## IfModule mime\_module>

وهنا بقى الاباتشى بيحاول يعمل detect لل extension بتاعت الملفات اللي  
بيعملها serve ويعرض كل ملف بالايقونة بتاعته ، يعنى مثلا لو فى فيديو يبقى  
هيعرضلك ايقونة الفيديو ولو فى ملف pdf هتلاقيه automatic عرضلك الملف  
وجمبه كده ايقونة خاصة بيه ك pdf

# 6-Virtual Host

طبعا زى ما قولنا ان ال configuration بتاع الاباتشى بينقسم ل 3 اقسام ، اول حاجة وهى ال global configuration ودى كل وظيفتها انها بت define ال global settings اللى هى ال settings اللى بيتم تطبيقها على اى حاجة فى الاباتشى سواء كنت بتتكلم على ال main host او بتتكلم على ال virtual host او على اى حاجة تانية

والجزء التانى طبعا هو ال Main Server Configuration ، وطبعا الجزء التالت هو ال virtual host configuration

احنا المرة اللى فاتت كنا اتكلمنا عن ال Global Configuration وال Main Server Configuration ، النهارده بقى هنبداً نتكلم عن ال virtual hosts وازاى نعمل enable لل user directories ، تعالى بقى افتح ملف ال configuration من تانى

**vim /etc/httpd/conf/httpd.conf**

هتلاقى عندك كده فى اخر الملف خالص خالص السطر ده

**# Load config files in the "/etc/httpd/conf.d" directory, if any.**

**IncludeOptional conf.d/\*.conf**

طبعاً هنا يقولك انه عايز يعمل include لاي حاجة موجودة فى المسار ده  
conf.d/\*.conf ، زى ما انت عارف انه كده وفر عليك بدل ما تعمل ملف كبير  
ويكون فيه سطور كتيرة فشخ لا هنا هو يقولك ان اى ملف فى ال directory  
الى اسمها conf.d ويكون امتداده conf. ابقى اعمله include بقى فى ملف ال  
configuration بتاع الاباتشى

طيب فى حاجة عايز اقولك عليها وهى ان اى حاجة موجودة فى ال directory  
دى زى ما اتفقنا انها كأنها اتضافت للملف الرئيسى بتاع ال configuration  
**هنا بقى فى سؤال دلوقتى بقى الملفات دى لما يتعملها include الترتيب**  
**بتاعها هيكون اى بالظبط ؟** قالك ان الترتيب بتاعها هيكون ترتيب ابجدى  
يعنى لو عندك ملفين واحد بيبدأ بحرف ال a والثانى بحرف ال m فالملف اللى  
بيبدأ بحرف ال a هو اللى هيتعمله load الاول ، علشان كده يفضل انك لو  
بتعمل ملف configuration خاص ب virtual host او حتى خاص بيك ، يفضل  
انك ترتبها ترتيب ابجدى

وكمان يفضل جدا جدا ان ملفات ال configuration اللى انت هتعملها يكون  
الاسماء بتاعتها بالشكل ده

## 01-test.conf

بحيث ان عملية ال trouble shooting تكون سهلة عليك وترتيبها كمان ترتيب  
ابجدى

تعالی بقى ندخل ال directory دى ونشوف اى اللى موجود جواها

**cd /etc/httpd/conf.d**

هتلاقى جواها الملفات دى

**autoindex.conf README userdir.conf**

لوجيت مثلا بصيت على ال userdir.conf

**vim userdir.conf**

ال userdir.conf ده عبارة عن module بيسمح للاباتشى انه ي http serve ال requests اللى هى ال http content بمعنى اخر من ال home directories بتاعت ال users

دلوقتى بقى تعالى مثلا واحنا على جهاز السيرفر نختار user معين من ال users اللى عندنا ونجرب عليه وليكن مثلا اسمه ali واللى اسمه ali ده عايز ي host ال http content بتاعه طيب ال module ده اصلا ب by default هو disabled فانت بقى هتفتح الملف ده تانى

**vim userdir.conf**

وهتيجى على السطر ده وتغير كلمة disabled وتشيلها وتقوله انت هتعمل  
serve من انهى مكان بالضبط

## UserDir disabled

ولو انت بقى خليت اسم ال directory دى بالشكل ده public\_html

## UserDir public\_html

فاهتلاقيه هو اصلا تحت شوية فى الملف هتلاقيه عاملك directory statment  
وبيقولك ان اى حاجة موجودة فى المكان

```
<Directory "/home/*/public_html">
```

اى حاجة موجودة فى ال

## /home

وبعدين اسم ال user وبعدين اسم ال directory اللى هى public\_html راج  
بقى عاطيله options بالشكل ده

**AllowOverride FileInfo AuthConfig Limit Indexes**

**Options MultiViews Indexes SymLinkIfOwnerMatch**

**IncludesNoExec**

**Require method GET POST OPTIONS**

```
</Directory>
```

المهم انى بكل بساطة كده انا سمحت للاباتشى انه ي serve ال directory  
اللى اسمها public\_html ، طب هو انا اصلا كنت لازم اسمح للاباتشى انه ي  
serve من ال directory اللى اسمها public\_html دى اللى هى موجودة اصلا  
لكل user عندى ، وطبعا زى ما انت عارف ان ال \* معناها كل ال users ، هل  
بقى انا كنت لازم اسمح لل dir بكده ؟

ايوه طبعا ، ولو رجعت تانى لملف ال Main Configuration

**vim /etc/httpd/conf/httpd.conf**

كنت هتلاقى عندك directive بسيطة جدا وهى

**<Directory />**

**AllowOverride none**

**Require all denied**

**</Directory>**

شايف بقى ال directory دى اللى اسمها / ، كان بيقولك عليها Require all  
denied ، ودى بكل بساطة بتخلى الاباتشى انه يعمل deny لاي access على ال

File System

يعنى حتى لو انت كنت عملت enable لل module ده اللى هو **userdir.conf** من غير ما تقوله انا لما اعملك enable انت المفروض ت serve انهى directories بالظبط ، عمر الاباتشى ما كان هيقدر انه يقرأ اى file من على ال file system من غير ما تحددله المكان اللى هيقراً منه ده ، يبقى كده ب By Default الاباتشى بيعمل deny لاي حاجة على ال root file system ما عدا الاماكن اللى انت هتقوله انه يعملها serve وهنا بقى بالنسبة لل block directory دى

```
<Directory "/var/www">  
    AllowOverride None  
    # Allow open access:  
    Require all granted  
</Directory>
```

انا بقول للاباتشى Require all granted يعنى انا بسمحك يا اباتشى انك تقرأ من المكان ده اللى اسمه /var/www

وبالمناسبة انت علشان تعمل حاجة زى كده ، فا انت هترجع تانى للملف اللى هو userdir.conf وقولت للاباتشى ان المكان ده



<"Directory "/home/\*/public\_html>

ابقي اعمل منه serve ، طبعا لو انت كنت عايز ان الاباتشى يعمل serve  
للملفات ل user معين ، كنت اكيد هتشيل ال \* وتكتب اسم ال user

خلاص كده احنا عملنا enable لل module ده وقولنا للاباتشى على المكان اللي  
هيعمل منه serve للملفات ، كده احنا جاهزين ، دلوقتي بقى تعالى غير ال  
shell وروح لل user اللي اسمه ahmed ده

## **su - ahmed**

كده بقى المفروض ان ال user ده اللي اسمه ahmed يكون بيقدر انه يعمل  
directory ويسميتها بالاسم public\_html زي ما موجود فى ملف ال  
configuration

## **mkdir public\_html**

وتعالى برضو ندخل جوه ال directory دي

## **cd public\_html**

واعمل ملف

## **vim index.html**

اكتب بقى اى حاجة جوى الملف ده وبعدين ارجع تانى ، وابقى اتأكد ديما ان  
ال directory اللى هى ال public\_html ال **others** معاهم ال read  
وال execute permissions

**drwxrwxr-x. 2 ahmed ahmed 24 Jul 24 15:59 public\_html**

طب ليه ؟ لان بكل بساطة الاباتشى محتاج انه يقرأ ال **directory** دى  
وال **execute** معناها انه يدخل جوه ال **directory** دى

فى حاجة تانية كده زى الخازوق انت مش واخد بالك منها وهى ، تعالى كده  
اعمل

**ls -lh /home**

**drwx-----. 6 ahmed ahmed 142 Jul 24 15:59 ahmed**

بص كده هتلاقى ان ال others مش عندهم اى permissions خالص على ال  
directory اللى اسمها ahmed دى

تعالی بقى ادى لل others صلاحيات ال execute ، وطبعاً ال others هنا هما اى user تانى بما فيهم الاباتشى ذات نفسه

**chmod o+x /home/ahmed**

كده انا خلصت خلاص ، تعالی بقى اعمل restart للاباتشى

**systemctl restart httpd**

تعالی فى المتصفح واكتب فوق

**201.201.0.6/~ahmed**

وشايف انت علامة التلدا دى ~ معناها كلمة home directory

وهوب هتلاقي طلعلك رسالة ال error دى

**Forbidden**

**You don't have permission to access /~ahmed/ on this server**

والمشكلة دي ظهرتلى لان ببساطة عندى ال selinux معمول ليها enabled ،  
تعالى كده شوف ال status بتاعت ال selinux عن طريق الامر التالى

## **sestatus**

هتلاقيها انها enforcing وده معناها انها بتحمى السيستم عندك

<b>SELinux status:</b>	<b>enabled</b>
<b>SELinuxfs mount:</b>	<b>/sys/fs/selinux</b>
<b>SELinux root directory:</b>	<b>/etc/selinux</b>
<b>Loaded policy name:</b>	<b>targeted</b>
<b>Current mode:</b>	<b>enforcing</b>
<b>Mode from config file:</b>	<b>enforcing</b>
<b>Policy MLS status:</b>	<b>enabled</b>
<b>Policy deny_unknown status:</b>	<b>allowed</b>
<b>Max kernel policy version:</b>	<b>31</b>

دلوقتى بس مؤقتا هوقف ال selinux عن طريق الامر

## **setenforce 0**

وتعالى بقى جرب تانى فى المتصفح

**http://201.201.0.6/~ahmed/**

هتلاقيه فتح معاك

دلوقتى بقى نرجع لموضوعنا ونروح تانى للمسار ده

**cd /etc/httpd/conf.d/**

هتلاقى برضو هنا ملف او module اسمه manual.conf ، ود عبارة عن ال manual configuration اللى انت ممكن ترجعله او تخليه اصلا كمرجع ليك لو انت حابب تعمل configuration معين للاباتشى بس ناسى ازاي ، ممكن تروح للملف ده وتاخذ منه copy و paste ، وطبعاً ده اصلاً عبارة عن Package بتتسطب بالامر ده

**yum install httpd-manual**

وال Manual ده اتعمله install فى المكان ده

**/usr/share/httpd/manual**

تعالی کده روح للمسار ده

**vim /usr/share/httpd/manual/**

هتلاقى جوه ال directory دى الملفات دى كلها

bind.html	expr.html	license.html	sections.html
BUILDING	faq/	logs.html	server-wide.html
caching.html	filter.html	misc/	sitemap.html
configuring.html	glossary.html	mod/	socache.html
content-negotiation.html	handler.html	mpm.html	ssl/
convenience.map	howto/	new_features_2_0.html	stopping.html
custom-error.html	images/	new_features_2_2.html	style/
developer/	index.html	new_features_2_4.html	suexec.html
dns-caveats.html	install.html	platform/	upgrading.html
dso.html	invoking.html	programs/	urlmapping.html
env.html	LICENSE	rewrite/	vhosts/

ودى عبارة عن الملفات الخاصة بال manual بتاع الاباتشى كله

ولو عايز فى المتصفح تروح لل manual directory ده عن طريق

**http://201.201.0.6/manual/**

هتلاقى بقى فى ال manual ده كل ال configuration بالتفصيل اللى ممكن تحتاجه

## تعالى بقى نتكلم عن الجزء الخاص بال Virtual Hosts

ازاى بقى اقدر انى اخلى الاباتشى عندى ي serve اكر من web site ؟ بص الموضوع بسيط جدا ، اولاً دلوقتى احنا هنضيف ملف configuration فى ال directory اللى اسمها conf.d ، تعالى بقى اعمل ملف configuration وسميه مثلاً كده

### vim 01-vhost.conf

وده هيكون خاص طبعا بال virtual hosts

دلوقتى بقى الاباتشى ممكن يديك virtual hosts باكر من طريقة ، الطريقة الاولى اسمها ال name based virtual hosts والطريقة دى بسيطة جدا وكل فكرتها قائمة على ان الاباتشى بتاعك هيسمح انه يكون فى اكر من web site يتعملوا serve من نفس المكنة بس لما تيجى تعمل serve هيبص على الاسم بتاعهم المطلوب اى

يعنى مثلا لو انت طلبت من السيرفر الموقع اللى اسمه [www.ahmed.com](http://www.ahmed.com) ،  
السيرفر ده بقى هيخلى الاباتشى ي serve من directory معينة وكذلك الامر لو  
طلبت من نفس السيرفر الموقع [www.ali.com](http://www.ali.com) برضو هيخلى الاباتشى ي  
serve من directory تانية معينة ، وده معناه ان كل web site هيكون ليه  
directory خاصة بيه وهيكون فيها بقى ملفات ال HTML او ال PHP الخاصة  
بالموقع ده

يبقى كده الاباتشى هيستخدم نفس ال IP Address ونفس ال Interface اللى  
ال connections جاية من عليه ، بس طبعا هيفرق بين ال web sites دى عن  
طريق ال name بتاعهم  
يعنى هيشوف ال name اللى جايله اى بالظبط وهيقول لل user انه هيعمله  
serve من ال directory المعينة دى بناءا طبعا على ال Configuration بتاعت  
الاباتشى

والطريقة التانية هى ال ip based virtual host والطريقة دى بسيطة جدا جدا  
هى كمان ، والطريقة دى بتفترض ان لو ال user جاى ل ip address معين  
فالاباتشى هيعمل serve من directory معينة ، والحقيقة ان الطريقة دى  
ممتازة جدا وكمات التطبيق بتاعها بيكون سهل وابسط فى ال Local  
Environment ، وطبعا مش بتكون Flexible اوى فى ال Public Environments



وده لان ال Public IP Address عددها قليل جدا ، فتخيل مثلا ان انت عندك 10 virtual hosts ، فانت كده محتاجلهم 10 Public IP Addresses وطبعا الكلام ده مش Practical اوى فى ال real world ومش Practical اساسا ، فطبعا بيكون الافضل انك تستخدم ال name based virtual host

تعالى بقى نجرب الطريقتين ، علشان نجربهم دلوقتى احنا محتاجين اننا نحدد ال virtual hosts بتاعتنا ، اه وبالمناسبة فى حاجة كده عايزين نقولها وهى ال default virtual host

نبدأ الاول وبعدين نحكى اى موضوع ال default virtual host ده ، مبدئيا كده خليك فاكرا انك لما بتبدأ ال virtual hosts فانت على طول ديما بتكتب فى ملف ال configuration تبعك اللى هو 01-vhost.conf بتكتب ديما اول حرف من كل كلمة بالcapital بالشكل ده

## **vim 01-vhost.conf**

### **<VirtualHost>**

وطبعا زى ما بدأت بكلمة virtualhost برضو هتهنى ملف ال configuration بتاعك بكلمة virtual host ، زى ال Html tags بالضبط

### **</VirtualHost>**

وطبعاً فى النص بينهم ابدأ حط ال directives اللى انت عايزها ، بالمناسبة  
كمان فى عندك كده special directive اسمه

## **<VirtualHost \_default\_:80>**

وده عبارة عن very special directive ، وده بي serve ال default web site بتاع  
الاباتشى ، بمعنى ان انت لو عملت enable ليه جمب التاج الاولانى ده اللى هو

## **<VirtualHost>**

فده هيعمل overwrite لل main server configuration ، وخليك فاكر النقطة دى  
كويس اوى ، ومش كده وبس ، دا فى عندك برضو special directive  
اسمه \* asterisk وبالشكل ده هيبقى معناه اى ip

## **<VirtualHost \*:80>**

وده برضو هيعمل overwrite لل default server configuration ، فالتنين واحد  
سواء كنت هتخليها

**\_default\_:80**

او كنت هتخليها \*:80

بعد كده هتبدأ تحدد ال **DocumentRoot** اللى هو طبعا المكان اللى  
الاباتشى هي serve منه ملفات ال HTML بالشكل ده

**<VirtualHost>**

**DocumentRoot /opt/main/www**

**</VirtualHost>**

وطبعا متنساش برضو فى كلمة DocumentRoot ان اول حرف من كل كلمة  
بيكون Capital ، بعد كده هتحدد له ال logs بالشكل ده

**<VirtualHost>**

**DocumentRoot /opt/main/www**

**CustomLog "logs/default-vhost.log"**

**</VirtualHost>**

طبعا انت بالشكل ده انت كده كأنك لغيت المسار اللى اسمه

**/var/www/html**

اللى كان الاباتشى بي serve من ملفات ال main web site

وطبعاً انت هتضطر انك تعمل directory بالشكل ده زى ما انت حددته فى ملف ال configuration بتاعك

**mkdir -p /opt/main/www**

وطبعاً احنا استخدمنا ال option اللى هو

**-p**

لان احنا هنعمل 2 directory فى ال /opt/

**-p ==> parents**

تعالى بقى فى المسار ده واعمل ملف ال index.html الرئيسى الخاص بال main web site مثلاً بالشكل ده

**vim /opt/main/www/index.html**

وبعدها بقى اعمل restart لل httpd

**systemctl restart httpd**

بص خلى بالك انك لو جيت تعمل restart لل httpd بعد ما عملت ملف ال configuration الخاص بال virtual host ، لو الملف فيه اخطاء مش هيعمل restart لل httpd وهيقولك الرسالة دى

```
[root@server ~]# systemctl start httpd
```

**Job for httpd.service failed because the control process exited with error code. See "systemctl status httpd.service" and "journalctl -xe" for details**

طبعا انت لازم تتعود كل مرة تظهرلك فيها الرسالة دى ، تجرى بسرعة تنفذ الامر اللى هو قايلك عليه وهو

## journalctl -xe

علشان تشوف الاخطاء اللى منعت ال os من انه يعمل restart لل httpd وتتفاجأ انها اخطاء بسيطة بالشكل ده

```
Jul 25 11:21:39 server.apache.com httpd[1110]: AH00526: Syntax error on line 1 of /etc/httpd/conf.d/01-vh...onf
```

```
<VirtualHost> directive requires additional arguments
```

يعنى بيقولك ان ملف ال configuration بتاعك فيه syntax error فى السطر رقم 1 ، والسطر اللى بعده بيشرحلك فيه سبب المشكلة وبيقولك اى اللى انت لازم تعمله

المهم بعد كده تيجى تعمل restart لل httpd ، تتفاجأ برضو ان لسه فى مشكلة فى ملف ال configuration بتاعك وتيجى تنفذ الامر

## journalctl -xe

هيطلعلك الناتج ده

```
AH00526: Syntax error on line 3 of /etc/httpd/conf.d/01-vhost.conf
Jul 25 11:32:00 server.apache.com httpd[1584]: CustomLog takes two or
three arguments, a file name, a custom log
```

بيقولك برضو ان فى syntax error فى الملف فى السطر الثالث ، ويشرحلك ان ال CustomLog اللى هى ممكن تعتبرها function او مثلا command وبيقولك بقى ان ال CustomLog دى بتقبل 2 arguments او 3

يبقى انت كده هتزود كلمة combined فى سطر ال CustomLog ، علشان تقوله ضملى الكلام ده كله مع بعض

```
<VirtualHost _default_:80>
DocumentRoot /opt/main/www
CustomLog "logs/default-vhost.log" combined
</VirtualHost>
```

وبعدها تعمل restart لل httpd هتلاقيها اشتغلت معاك وتعالى بقى روح جرب  
فى المتصفح ، هتلاقيه بيقولك رسالة ال error دى

## **Forbidden**

**You don't have permission to access / on this server.**

ليه الرسالة دى ظهرتلك ، لان ببساطة ، تعالى ارجع كده لملف ال  
configuration الرئيسى بتاع الاباتشى هتلاقى عند ال block directory دى

**<Directory />**

**AllowOverride none**

**Require all denied**

**</Directory>**

هتلاقيه هنا ان الاباتشى مش مسموح ليه انه يعمل serve من اى مكان تانى  
غير المكان اللى هو

**/var/www/**

وبالتالى انت هتروح لملف ال configuration بتاعك وتضيف فى اخره  
ال block directory دى

```
<Directory /opt/main/www>
```

```
Require all granted
```

```
</Directory>
```

وهوب تعمل restart لل httpd تانى وهتلاقى المشكلة اتحلت معاك ان شاء الله

يبقى انت كده طالما عملت ال default server configuration

فهو كده هيعمل overwrite لل Main Server Configuration

دلوقتى بقى لو حبيت تعمل virtual host جديد ، هيبقى الموضوع برضو بسيط

جدا ان شاء الله ، كل اللى عليك هو انك تعمل ملف configuration جديد تانى

مثلا بقى خذ نسخة من الملف الاول واعمل واحد تانى جديد

```
cp 01-vhost.conf 02-vhost.conf
```

وتعالى بقى افتح الملف التانى ده

```
vim 02-vhost.conf
```

وهيكون بالشكل ده



```
<VirtualHost *:80>
DocumentRoot    /data/www.ahmed.com/www
CustomLog       "logs/ahmed-vhost.log" combined
</VirtualHost>
<Directory /opt/www.ahmed.com/www>
Require all granted
Allow from all
</Directory>
```

طبعا متستغريش عادى اسم المجلد ممكن يكون كده

**www.ahmed.com**

مفيهاش حاجة يعنى وبعدين تيجى تعمل ال dirctory بقى اللى هتحت فيها  
ملفات ال web site التانى بالامر ده

**mkdir -p /data/www.ahmed.com/www**

دلوقتى بقى بما انى بستخدم ال name based virtual hosting ، فكده ملف ال  
configuration التانى ده ناقصه شوية حاجات زى ال **ServerName** وممكن  
تضيف كمان ال **ServerAlias**

يعنى مثلا الاسم المرادف للموقع بتاعك ، بالشكل ده

```
<VirtualHost *:80>
```

```
ServerName      www.ahmed.com
```

```
ServerAlias     ahmed.com
```

```
DocumentRoot    /data/www.ahmed.com/www
```

```
CustomLog       "logs/ahmed-vhost.log" combined
```

```
</VirtualHost>
```

```
<Directory /data/www.ahmed.com/www>
```

```
Require all granted
```

```
</Directory>
```

وبعدها بقى تعمل restart لل httpd ، وتروح بقى على المتصفح وتيجى تجرب  
ال ip بتاع السيرفر ، هتلاقيه برضو بي serve ال main web site وليس ال web  
site التانى اللى هو

**www.ahmed.com**

والحقيقة ان انا هنا عندى مشكلة ، دلوقتى انا عامل للاباتشى انه يستخدم  
ال name based virtual host ، وعلشان تقدر انك تستخدم ال name based  
virtual host لازم ال client يحاول انه يعمل connect عن طريق الاسم ، يعنى  
يكتب فى المتصفح بتاعه www.ahmed.com  
بس هنا ال client مش هيقدر انه يعمل resolve للاسم بتاع ال web site ده

حتى لو اتنطط ، والسبب انى لسه معملتش DNS او معملتش Setup لل DNS حتى الان ، والحل هنا مؤقتا انى اهارد كود hard code اسم ال web site ده فى ملف ال hosts عند جهاز ال client

اوبانتي هنا بقى فى ملحوظة كبيرة فشخ ، وهى ان الاباتشى مش هينفع ي  
serve كل ال virtual hosts غير من directory واحدة بس ، يعنى بالسلامة كده  
العك اللى انت عملته فوق ده مينفعش وهو انك تحددله مكان تانى غير ال

**/opt**

انه يعمل serve منه زي ما انت عكيت وعملت directory تانية اسمها **data/**

کده انت هترجع تعدل تانی فی ملف ال configuration الی هو

## 02-vhost.conf

وتعدل ال DocumentRoot وال allowed directory بالشكل ده

**<VirtualHost \*:80>**

**ServerName**      **www.ahmed.com**

```
ServerAlias    ahmed.com
```

**DocumentRoot** /opt/www.ahmed.com/www

## CustomLog "logs/ahmed-vhost.log" combined

&lt;/VirtualHost&gt;

**<Directory /opt/www.ahmed.com/www>**

## Require all granted

## Allow from all

&lt;/Directory&gt;

روح بقى على المتصفح وجرب تكتب [www.ahmed.com](http://www.ahmed.com) وانت على جهاز ال  
client هتلاقيه فتح معاك وبكده بقى عندنا سيرفر واحد ومرفوع عليه اكثر من  
web site عن طريق ال virtual hosts

# 7-SSL

بص قبل ما نبدأ فى موضوع ال **SSL** لازم نتفرج على كام فيديو كده  
موجودين فى ال **Playlist** اللى قولنا عليها فوق وده لينك اول فيديو بيشرح  
ال **GPG**

[https://www.youtube.com/watch?v=uAYw84jYPGY&t=0s&list=PLCIJjtzQPZJ\\_10\\_h-jzD299qkg\\_luoT-5&index=12](https://www.youtube.com/watch?v=uAYw84jYPGY&t=0s&list=PLCIJjtzQPZJ_10_h-jzD299qkg_luoT-5&index=12)

وده لينك الفيديو التانى لازم برضو نتفرج عليه

[https://www.youtube.com/watch?v=UQWANU482qU&t=0s&list=PLCIJjtzQPZJ\\_10\\_h-jzD299qkg\\_luoT-5&index=13](https://www.youtube.com/watch?v=UQWANU482qU&t=0s&list=PLCIJjtzQPZJ_10_h-jzD299qkg_luoT-5&index=13)

وده لينك الفيديو التالت اللى بيشرح فيه البشمةهندس مصطفى حموده  
موضوع ال **SSH** لازم برضو نتفرج عليه

[https://www.youtube.com/watch?v=\\_mNZZjWHgPo&t=0s&list=PLCIJjtzQPZJ\\_10\\_h-jzD299qkg\\_luoT-5&index=14](https://www.youtube.com/watch?v=_mNZZjWHgPo&t=0s&list=PLCIJjtzQPZJ_10_h-jzD299qkg_luoT-5&index=14)

نبدأ بقى فى موضوع ال SSL ، بص يا سيدى سيبك دلوقتى من ال ssl وتعالى  
نشرح الفكرة بتاع ال Public Key Infrastructure ، او اى اصلا ال Public Key  
وال Private Key ده ؟

مبدئيا كده انا بيكون عندى يوزر موجود وال user ده بيكون عايز يعمل connect  
مع مكنة بشكل secure ، دلوقتى بقى الراجل ده هي connect ازاي ؟؟

بص يا سيدى الفكرة كلها قايمه ان المكنة دي هعمل عليها حاجتين بساط جدا  
هعمل عليها حاجة اسمها ال Public Key وحاجة تانية اسمها ال Private Key

دلوقتى بقى ال Private Key ده من اسمه هيكون عبارة عن secret Key ، انما  
ال Public Key اديه لاي حد او لاي مستخدم تانى ، لانه مش هيفرق معاك مين  
اللى هياخده

طيب اى برضو موضوع ال Public Key وال Private Key ده ؟ قالك بص يا  
سيدى كل Private Key هيكون ليه ال Public Key بتاعه

دلوقتى بقى لو انت عندك داتا ، والداتا دي انت عملتها encrypt ، يعنى  
اعتبرها بالضبط زى القفل ، بس القفل ده ليه مفتاحين ، بمعنى انك لو عملت  
encrypt بمفتاح لازم تعمل Decrypt بالمفتاح التانى

بمعنى اخر انك لو عملت encrypt بال Private Key فانت هتعمل Decrypt بال Public Key والعكس صحيح ، بمعنى اخر لو انت عملت encrypt بال Public Key ، فالشخص الوحيد اللي هيقدر يعمل Decrypt هو الشخص اللي معاه ال Private Key بس لذلك ممكن تعتبر ان ال Private Key وال Public Key هما عبارة عن قفل بمفتاحين اتنين ، وعمر القفل ده ما هيتفتح غير لما المفتاحين يكونوا موجودين ، لحد كده تمام

دلوقتي انا قولتك ان ال Public Key ده ممكن تديه لاي حد فى الدنيا او ممكن يكون مع اى حد ، انما ال Private Key ده هيكون موجود على السيرفر او المكنة بس

خلى بالك برضو ان السيرفر عنده الاتنين ال Private Key وال Public Key ، انما ال Client بيكون عنده ال Public Key بس ، دلوقتي بقى لما السيرفر يحب بيعت داتا لل client هستخدم طبعا ال Private Key ، واكيد طبعا ال Client لما ياجى يعمل Decrypt هستخدم ال Public Key

انما دلوقتي ال Client لما ياجى بيعت للسيرفر ، دلوقتي ال Client مش معاه غير ال Public Key فاكيد هستخدمه وبالتالي السيرفر هستخدم ال Private Key علشان يفك الداتا اللي ال Client باعتها

كده السيرفر عليه الاتنين Keys ، لما يحب بيعت لحد اى داتا ، فال Public Key بتاع السيرفر هيكون مع الناس كلها وبالتالي هو لما يحب يعمل encrypt هيستخدم ال Private Key بتاعه وبعد كده بقية الناس تفك التشفير ده بال Public Key

هنا بقى المشكلة الحقيقية ان ال Public Key بيكون مع اى حد ، معنى كده ان اى حد معاه ال Public Key هيقدر انه يفك الداتا اللى السيرفر بيبعتها ، وده طبعا سؤال ممكن ياچى فى ذهنك على طول ، بس هنا بقى استنى هقولك على حاجة وهى ان الموضوع اكبر من كده بكثير ، ليه بقى ؟؟؟ لان اصلا ال Client لما ياچى ي connect على السيرفر لازم ي initiate session يعنى لازم يفتح session معينة ، وال session دى بيكون ليها session key ، يعنى مش مجرد session عادية ، لا ، دى بتكون session encrypted كمان

وطبعا ال Session Encrypted دى بتكون encrypted عن طريق ال Public Key وال Private Key ، طيب اصلا اصلا ال Session Keys دى ذات نفسها بتيجى منين بقى ؟؟ قالك ان ال session keys دى بتكون عبارة عن random keys وال Client والسيرفر بيتفقوا عليها مع بعض عن طريق algorithm اسمه الديفى هلمن اختصاره **DH**



اي بقى ال DH ده هو كمان ؟ بص الديفى هلمن ده عبارة عن الجورزم بسيط كل وظيفته فى الحياة انه يخلى طرفين ميعرفوش بعض خالص انهم يتكلموا لاول مرة وكل واحد فيهم عنده session key مختلفة وطبعاً ال session key دى بيتعملها generate بشكل random ، يعنى كل واحد بيحاول انه يعمل keys خاصة بيه ، وبعد ما كل واحد فيهم سواء من السيرفر او ال client يعملوا ال keys الخاصة بيهم ، كده الاثنين يقدروا يتفقوا بعد كده على session key معينة ومش كده وبس ، بعد كده ال DH ده او الالجورزم ده هيسمح لهم فى المستقبل انه يعمل renew لل Session Key دى زى ما هو محتاج او حسب الحاجة اليه ، معنى كده ان الموضوع مش متساب مفتوح ع البحرى يعنى مش اى حد معاه ال public key يقدر انه يفك خلاص كده

لا طبعاً ، لان ال session اللى بين ال client وبين السيرفر هتكون ديما encrypted وكمان الاثنين هيتفقوا مع بعض على session key معينة وال session key دى هiestخدم الجورزم اسمه ال DH علشان الاثنين برضو يتفقوا على session keys معينة ، تحس ان الموضوع فيه لعبة

طيب دلوقتى علشان تفهم ال DH ده فى فيديو على اليوتيوب بيوريك ازاي الاتنين اللي هما السيرفر وال client بيتفقوا مع بعض ، اكتب Diffie Hellman وفى الفيديو ده بيشرح ازاي طرفين ، سواء سيرفر وسيرفر ، او حتى client و client ازاي انهم يكلموا بعض بشكل secure من غير ما ال key اللي بينهم يتعرف

لازم تتفرج على الفيديو لانه جميل ده ، وطبعاً تتفرج على فيديو البشمةهندس مصطفى حمودة من اول الدقيقة 10 فى الفيديو رقم 72

طيب هنا الموضوع هيكون حسابى اكر او رياضى اكر

المهم نرجع بقى لموضوعنا ، وهو ازاي انا ا create ال Private key وال Public Key بتوع السيرفر ، وانا طبعاً هكون بطبق الكلام ده على جهاز السيرفر مش عند ال client اوعى تتلغبط ؟

طيب علشان تعمل الكلام ده عند السيرفر ، فى عندك utility ببسطة كده ممكن تسطبها على جهاز السيرفر بالامر التالى

**yum search crypto-utils**

وبالمناسبة فى tool هنعملها install ، اسمها ال Open SSL ، ودى عبارة عن Framework كاملة هتستخدمها علشان تتعامل مع ال Public Key وال Private Key Infrastructure بالكامل

تعالى بقى سطب ال utility دى

## **yum install crypto-utils**

وكل فكرة ال crypto-utils انها بتسمحك انك تعمل Public Key و Private Key بكل سهولة

انما بالنسبة لل open ssl فال syntax بتاعها مش بسيط ، لانه فى syntax علشان ت generate ال Private Key و syntax تانى علشان ت generate حاجة اسمها certificate signing request و syntax علشان تعمل حاجة اسمها Public Key يعنى شغلانة كبيرة ، انما ال crypto-utils هتسمحك انك ت generate ال public key وال private key بشكل مبسط جدا

دلوقتی لو رجعنا بس لموضوعنا، هنلاقى اننا عندنا مشكلة تانية ، دلوقتی احنا خلاص عرفنا ال session keys اللى بين ال client والسيرفر انها هتكون secured ديما وطبعا الاتنين هيتفقوا عليها عن طريق الجورزم اسمه Diffie Hellman ، دلوقتی بقى المشكلة الحقيقة مش فى كده خالص ، المشكلة الحقيقية هنا وهى ان ازاي ال Client ده هي trust السيرفر ، يعنى اى اللى يضمن لل client ان السيرفر ده مش fake وان مفيش حد قاعد يعمل DNS Poisoning بدل ما يروح للموقع الفلانى ده ، يروح لموقع fake ال Man In The Middle هو اللى عامله ، اى بقى اللى يضمن ان السيرفر ده trusted بالنسبالك ؟

بص مفيش حاجة هتضمن كده غير ان ال Public Key اللى عندك وعند السيرفر لازم بقى ال key ده يكون ذات نفسه trusted ، وعلشان ال Public Key ده يكون Trusted بالنسبة لل Client او ال user ، قالك بس انا هجبلك جهة تالته كده اسمها ال **Certificate Authority** واختصارها هو **CA** ، اى بقى ال certificate authority دى ؟ قالك ان دى عبارة عن جهة وظيفتها انها تأكدك ان ال Public Key دى مضبوط \$100 و Trusted

طب ازاي بقى ؟؟ قالك انا هاخذ ال Public Key من السيرفر او السيرفر هيبعت ال Public Key بتاعه لل CA وبعدين ال CA تروح تختتم على ال public key ده ، يعنى تحط ال signature بتاعتها على ال Public Key ده وبعدين تبعته للسيرفر تانى ويكون هنا اسمه certificate

يعنى ال **certificate** فى الاصل على عبارة عن ال **Public Key** وال **signature** بتاعت ال **CA** ، بكل بساطة ال **certificate** ، ممكن تقول عليها هى ال **Signed Public Key** ، يبقى كده ال **Client** لما ياجى يعمل **connect** على السيرفر هلاقى ان ال **Public Key** عليه ال **signature** بتاع ال **Certificate Authority** ، طيب برضو ال **Client** هيعرف مين ان ال **Certificate Authority** **Valid** ولا لأ مين؟؟ نفس حكاية السجل المدنى

اصلا اصلا ال **Certificate Authority** انت بتبقى عارف عنها مسبقا ، وبالمناسبة ممكن يكون عندك اكثر من **certificate authority** بتوثق ال **public key** ، زى ما فى اكثر من ختم نسر مثلا ختم نسر بتاع السجل المدنى وختم نسر بتاع المحكمة وهكذا ، وبالمناسبة انت ك **client** هتلاقى معظم ال **CA** معمول ليهم **embedded** فى ال **browser** عندك

طبعا انت مثلا ممكن تفتح جوجل كروم وتروح ل **settings** وتدور على كلمة **cert** هتلاقى عندك **list** كبيرة بال **Trusted Authorities** وبالتالى اى شهادة جايالك من الناس دى فانت اوتوماتيك بتثق فيهم ، يبقى دلوقتى لو جاتلك اى شهادة مش موثقة من اى **CA** ، يبقى معناها حاجة من اتنين ، يا اما ان السيرفر اللى بعت الشهادة دى اللى عبارة عن ال **public key** زائد ال **signature** وهنا ال **signature** بيكون **fake**

يا اما بقى ان السيرفر اللى بعت الشهادة دى عبارة عن سيرفر fake يعنى واحد بيعمل DNS Poisoning وبالتالي انت تبعد عنه ، او يا اما ان ال Public Key دى فعلا مضبوط بس السيرفر لسه موثقش ال Public Key ده من ال CA ، وهنا بقى القرار بيرجعك يا اما انك تقبل ال Public Key ده ، او يا اما انك ترفضه

هنا بقى احنا اللى هنعمل ال Public Key بنفسنا ، واحنا كمان اللى هنحط ال signature عليه ، هنوثقه يعنى ، طبعا الكلام ده مينفعش يتعمل فى Production Environment لان انت مش معقول هيكون عندك Public سيرفر ، وكل شوية تعذب ال Clients معاك فى انهم كل شوية يقبلوا ال certificates دى

تعالى بقى حالتنا دى نعمل ال Keys بتاعتنا وكمان نضمنها بنفسنا يعنى نتأكد انها تمام ، تعالى بقى على جهاز السيرفر واكتب

## genkey

واول ما تضغط انتر ، هتلاقيه بيطلب منك ال server name اللى هو برضو ممكن تقول عليه اسم الموقع بتاعك ، بالشكل ده

## genkey www.ahmed.com

اول ما تضغط انتر ، هتلاقيه بيقولك ان لسه فى Packge ناقصة اسمها mod\_ssl ، ودى مسؤلة عن انها تسمح للاباتشى انه يعمل enable لل ssl

package mod\_ssl is not installed It is required to generate this type of CSRs or certs for this host

تعالى بقى سطبها

**yum install mod\_ssl**

تعالى بقى نفذ الامر السابق من تانى

**genkey www.ahmed.com**

هتظهرلك رسالة مضمونها انه بيقولك انه هيعمل private key هيتخزن فى المكان ده

**/etc/pki/tls/private/www.ahmed.com.key**

وكمان هيعمل certificate هتكون موجودة فى المكان ده

**/etc/pki/tls/certs/www.ahmed.com.cert**

ويقولك كمان ان ال certificate اللي هيعملها دي هتكون عبارة عن Self Side Certificate وكمان بيقولك انه بشكل اختياري Optional يعنى ، انك ممكن تاخذ ال certificate دي وتبعتها ل Certificate Authority

دوس بقى next ، وهتلاقيه ببسألك انت عايز ال key size بتاع ال certificate دي حجمه قد اى بالضبط ؟؟ وبالمناسبة ال key size ده هو اللي ه يتم استخدامه بعد كده فى عملية ال encryption بتاع ال Session بين ال Client والسيرفر ، طيب دلوقتى ال key ده ليه size ، وكل ما زاد الحجم بتاع ال key ده كل ما ال session كانت secure اكثر

يعنى كل ما عملية ال encryption كانت يتم بشكل اكبر باستخدام size اكبر ، كل ما عملية ال decryption هتأخذ وقت اكثر هى كمان ، وبالتالي حاول توازن بين ان ال key بتاعك يكون مش طويل اوى ولا قصير اوى ، طبعا هتلاقيه هو محددلك ال recommended size ، وبرضو فى الاخر خالص ممكن تديله انت ال size اللي انت عايزه بالضبط

احنا هنا هنستخدم ال recommended size وبعدين next وتستننى عليه شوية ، طبعا هو هنا بقى هيحاول انه ي **generate random bits** علشان يعملك ال Public Key وال Private Key بتوعك



طبعا لو عايزه يعمل generate لل random key بشكل سريع ، يبقى تنشط  
السيرفر بتاعك عن طريق الكام امر

**ls -lhR /**

**cat /dev/random >> /dev/null**

**tree /**

**طبيب ال CSR** هي اختصار ل **Certificate Signing Request**

بيقولك بقى بعد كده انت عايز تبعت ال certificate signing request لل  
certificate authority ولا لأ ؟ طبعا ال certificate signing request ده عبارة عن  
ال Public Key بتاعك اللي بيتبعت لل certificate authority علشان تمضيلك  
عليه ، احنا هنا هنختار No

بعد كده بيقولك انت عايز تعمل encrypt لل Private Key ذات نفسه ؟ لو انت عملت encrypt ليه ، فانت كل مرة هتستخدمه هيطلب منك username و password وطبعاً ده مش عملية Practical ابدا مع الاباتشى ، لان انت كل مرة هتعمل restart لل service بتاعت الاباتشى هيطلب منك الباسورد اللى انت عملتها دى

دوس بقى next وتعالى بقى فى الصفحة الجاية دى نخط ال information بتاعت ال Key بتاعتنا ده

هيطلب منك اسم الدولة ، تكتب حرفين بس ، بالشكل ده

Country Name (ISO 2 letter code)	EG_
State or Province Name (full name)	CAIRO
Locality Name (e.g. city)	NewCairo
Organization Name (eg, company)	AHMED.COM
Organizational Unit Name (eg, section)	IT
Common Name (fully qualified domain name)	www.ahmed.com

بالنسبة ل IT فده اسم السيرفر بتاعك ، اى حاجة يعنى اكتب اى اسم

بس خلاص كده هو خلص ،هيقولك بقى فين ال Private Key بتاعك ، وفين ال certificate

خد بقى مكان ال certificate ده copy

**/etc/pki/tls/certs/www.ahmed.com.crt**

وتعالى بقى روح لل configuration بتاع ال ssl فى المكان ده

**vim /etc/httpd/conf.d/ssl.conf**

هتلاقى برضو ملف ال ssl ده بسيط جدا هو كمان ، زى مثلا هتلاقى السطر ده

**Listen 443 https**

يعنى بي listen على بورت 443 ، وكلمة https دى كلمة optional يعنى ممكن تمسحها ، لانه اصلا بي listen على https او على 443

بعد كده بقى انزل تحت خالص ، لحد ما تدور على السطر ده

**SSLCertificateFile /etc/pki/tls/certs/localhost.crt**

بيسألك فين ال ssl certificate file بتاعك ، فانت هتحتله مكان ال certificate  
file بالشكل ده

**SSLCertificateFile /etc/pki/tls/certs/www.ahmed.com.crt**

وكمان برضو تعالى على السطر ده

**SSLCertificateKeyFile /etc/pki/tls/private/localhost.key**

وحطله ال private key

**SSLCertificateKeyFile /etc/pki/tls/private/www.ahmed.com.key**

وبعدين تعمل restart للباتشى

**systemctl restart httpd**

طيب دلوقتى الكلام ده اللي احنا عملناه كان لل main server configuration

بعدها بقى لازم تخلي ال firewall يسمح لل https لك connection انه يعدى

**firewall-cmd --add-service=https --permanent**

**firewall-cmd --reload**

تعالى بقى فى المتصفح واكتب

**<https://www.ahmed.com>**

وهتلاقيه طلعلك تحذير وهو ان ال Certificate authority مش Trusted ، ده  
معناه برضو ان ال Public Key مش trusted بالنسبة لل browser لانه معمول  
ليه sign عن طريق CA المتصفح مش واثق فيها اصلا

لو روجت للمتصفح وشوف معلومات ال certificate اللى احنا عملناها هتلاقيها  
valid لمدة شهر بالضبط تقريبا ، علشان كده احنا محتاجين اننا نعمل renew  
لل certificate دى بعد شهر

طيب فى ملحوظة هنا وهى اوعى تاخد ال Private Key بتاعك وتوديه لل  
Certificate Authority لان انت كده بتؤذى نفسك

وبالمناسبة كمان اوعى تستخدم ال 512 bit algorithm key فى عملية التشفير  
لانه بقى disabled بسبب انه مش secured خالص

طيب دلوقتى بقى بعد ما عملنا ال ssl certificate لل domain اللى اسمه  
www.ahmed.com ، تعالى بقى افتح ملف ال configuration بتاع ال virtual  
host ده اللى انت عايز تضيفه ال ssl certificate ، عن طريق الامر ده

**vim /etc/httpd/conf.d/01-vhsot.conf**

وهتخلى شكل الملف بالمنظر ده

**<VirtualHost \*:80>**

**ServerName**     [www.ahmed.com](http://www.ahmed.com)

**DocumentRoot**    /opt/main/www

**CustomLog**        "logs/default-vhost.log" combined

**</VirtualHost>**

**<VirtualHost \*:443>**

**ServerName**       www.ahmed.com

**DocumentRoot**    /opt/main/www

**CustomLog**        "logs/default-vhost.log" combined

**</VirtualHost>**

**<Directory /opt/main/www>**

**Require all granted**

**</Directory>**

يعنى من الاخر انت بس هتعمل **copy** لل **tag** اللى هو **VirtualHost** ،  
وتخلي نسخه تحته ، بس بدل ما هو هي **Listen** على **Port 80** ، لا انت هنا  
هتخليه هي **listen** على 443 بورت اللى هو بتاع ال **SSL** ، ده البورت ال  
**secure** طبعا

كمان انت ممكن تغير مكان ال logs بتاع ال ssl هنا ، وكمان ممكن تقوله انك  
عايز تفعل ال **SSLEngine** وكمان لازم تقوله على مكان  
ال **SSLCertificateFile** وبرضو ال **SSLCertificateKeyFile** ، بالشكل ده

```
<VirtualHost *:80>
```

```
ServerName      www.ahmed.com  
DocumentRoot    /opt/main/www  
CustomLog       "logs/default-vhost.log" combined
```

```
</VirtualHost>
```

```
<VirtualHost *:443>
```

```
ServerName      www.ahmed.com  
DocumentRoot    /opt/main/www  
CustomLog       "logs/ahmed-vhost-ssl.log" combined  
SSLEngine       on  
SSLCertificateFile /etc/pki/tls/certs/www.ahmed.com.crt  
SSLCertificateKeyFile /etc/pki/tls/private/www.ahmed.com.key
```

```
</VirtualHost>
```

```
<Directory /opt/main/www>
```

```
Require all granted
```

```
</Directory>
```

خلى بالك ان `www.ahmed.com.crt` كلمة **crt** بدون حرف ال e علشان  
متلغبطش بس

تمام كده وبعدها بقى ، اعمل restart لل httpd ، وبعدين بقى تروح للمتصفح  
وتجرب

**`https://www.ahmed.com`**

هتلاقه دلوقتى مش بيص على ال main web site ولكن دلوقتى رجع لحالته  
وبقى بيص على المكان اللى انت حددتهوله اللى هو

**`/opt/main/www`**

وكده معناه ان ال ssl certificate الخاصة بال Virtual Hosts دى بقت شغالة  
خلاص

اه بالمناسبة ال Certificate File اللى هو موجود فى المسار ده

**`/etc/pki/tls/certs/www.ahmed.com.crt`**

ده عبارة عن ال Public Key بتاعك

**كده معناه برضو ان ال virtual host بقى بي serve ال http connection**

**وال https connection**



# 8-Maria DB

الموضوع ده بسيط جدا ومفيهوش كلام كثير

هنتكلم بقى النهارده عن موضوع مهم جدا وهو ال Dynamic Content ، طيب دلوقتى بقى قبل ما نتكلم عن ال dynamic content ، احنا هنتفرع الاول فى حاجة كده هنتكلم عليها وبعدها بقى هنرجع لل dynamic content ، بمعنى اننا مش هينفع ندخل فى ال dynamic content من غير ما تكون عارف ال basics بتاعت ال data base

الاول تعالى بقى نتكلم شوية عن ال Data Bases ، طبعا زى ما انت عارف ان فى اكثر من نوع لل data base ، واشهرهم ال SQL Data Bases والنوع التانى هو ال No SQL Data Bases

طيب دلوقتى بقى ال SQL Data Base عندها مشكلة حقيقية وهى ال Scalability اى القابلية للتمدد فيها قصور شوية الى حد ما ، طب وليه بقى فى قصور؟؟ لانه ببساطة طالما انت بتتكلم ان انت عندك جداول يبقى الجدول ده هياخد كام صف وكام عمود ، يعنى اى اقصى عدد من الصفوف ممكن الجدول يستوعبه واى برضو اقصى عدد من الاعمدة

المشكلة الثانية برضو وهى فرضا ان ال Data Base بتاعتك Scalable يعنى قابلة للتمدد ، فال Scalability دى بقى هتوصل لانهى مدى بالظبط ، يعنى مثلا فرضا ان ال DB بتاعتك هتاخذ 50 مليون صف ، طب انت دلوقتى لما تيجى تقسم الداتا على اكثر من سيرفر ، هتقسمها ازاي برضو ، وطبعاً الموضوع هيكون مزعج جدا بالنسبالك ، وكل ما هتحل خازوق هيطلعلك 10 قصاده حتى لو انت عملت Cluster وقسمت الداتا او حتى عملت Data Base Partitioning ، فانت برضو هتوصل لمرحلة وهى ان ال SQL Data Bases دى معتش نافعة باي حال من الاحوال ، يعنى احنا وصلنا لمرحلة ان مثلا 100 مليون record او حتى 500 مليون ريكورد ، مبقوش كفاية خالص ، وطبعاً عصر ال Big Data لما ظهر خلى الموضوع بقى كبير جدا ، وعندك مثال الفيس بوك وامازون مثلا ، فانت عندك حرفيا مئات الملايين من ال records اللى بتطلع كل يوم ، عندك مثلا امازون لو انت عملت اكونت هناك ودخلت بحثت عن اى منتج مثلا وليكن Mac Book وجيت انت مشترتهوش ، فانت البحث بتاعك ده هيسجل تبع الاكونت بتاعك ، وممكن تيجى بعد كام يوم كده تلاقى امازون بتقولك انك كنت عملت بحث عن ماك بوك واحنا عملنا discount عليه

فا لو انت بتتكلم عن ال SQL Data Base ، فا خلاص ال Scalability بتاعتها معتش بتنفع ، فكان الحل انهم يفكروا فى approach جديد خالص يعنى حل جديد خالص

وال approach ده او المفهوم ده بيتكلم عن المفاهيم كلها هتتغير من A to Z ، وطبعاً هما فكروا فى حاجة اسمها ال No SQL Data Base ، وهنا قالك بقى انسى الخازوق بتاع زمان ده وهو ان كل حاجة عبارة عن جداول والجداول دى عبارن عن صفوف واعمدة والهري ده ، هنا بقى ال data base بتاعتي هتكون عبارة عن شوية records وكل records هتكون متخزنة فى file

طيب دلوقتي انت هتسأل اى بقى الميزة اللي بتقدمها ال No SQL Data Base هقولك انها حلت مشكلة ال Fixed Size اللي كانت عند ال SQL Data Base ، بمعنى ان ال SQL Data Base سواء سجلت فيها او ما سجلتش فهي كده كده خلاص حجزت مساحة

لكن طبعا ما زالت ال SQL Data Base ، ليها دورها فى الخمس سنين الجايين ان شاء الله ، وده ببساطة مش علشان هي احسن من ال No SQL Data Base ولا حاجة ، لا لان ببساطة معظم ال softwares اللي اتكتب فى ال 15 سنة اللي فاتت كانت مكتوبة لل SQL Data Base ، انما بقى معظم الحاجات الجديدة اللي بدأت تتكتب بدأت انها تكون compatible مع ال No SQL Data Base

بص من الاخر كده ، شركة oracle لما اشترت شركة Sun Micro-systems حاولت انها تموت ال MySQL لان عندها سياسة الحاجة اللى مش هتجبلك فلوس ، يبقى ملهاش لازمة

وبالتالى ال Developers اللى شاركوا فى كتابة ال MySQL تضايقوا جدا ، وخذوا النسخة ال Open Source بتاعت ال MySQL وعدلوا عليها وطلعوا لينا بحاجة اسمها ال **Maria DB**

وكمان ال Performance بتاع ال Maria DB بقى احسن بكثير من ال mysql ولحسن الحظ فال Maria DB بتكون Compitable جدا مع ال MySQL بمعنى ان لو فى software كان ال Backend بتاعه هو ال mysql ، فانت ممكن تشغله على ال maria db من غير ما تعدل حاجة ، لان هى اصلا عبارة عن mysql فى الاساس

تعالى بقى نسطب ال mariadb

**yum install mariadb**

دلوقتى بقى لو قولتله

**yum install mysql**

هتلاقيه بيقولك ان ال

**mariadb is already installed**

طيب فى حاجة بقى ، لو انت مصمم انك تشتغل mysql ، فانت ممكن تجيب  
ال Public Repositories ، الاول نفذ

**yum repolist**

طبعا زى ما انت عارف ممكن تضيف ال epel وال rpm fusion والكلام ده ،  
وبالمناسبة ال epel هى اختصار ل

**Extra Package For Enterprise Linux**

بعد كده بقى هنسطب ال **mariadb-server** ، طبعا اللي احنا سطبناه  
فوق هو ال **mariadb client**

**yum search mariadb | less**

**yum install mariadb-server**

فكده انت عندك 2 باكدج للتعامل مع ال Data Base ، واحدة لل client ،  
واحدة للسيرفر ، طب اى بقى ال mariadb client ، بص بكل بساطة دى  
عبارة عن ال Package اللى هتديك ال tool اللى تخليك تتعامل مع الداتا بيز  
ك client ، يعنى انك تعمل connect على ال data base وت create ال tables  
وال rows او انك ت create ال user  
انما بقى ال mariadb server ، دى عبارة عن ال service ذات نفسها بكل  
بساطة

تعالى بقى شوف ال status بتاعت ال mariadb

**systemctl status mariadb.service**

وطبعا بعدها

**systemctl enable mariadb**

**systemctl start mariadb**

**systemctl status mariadb**

الكوميديا بقى فى الموضوع ، وهو ان ال mariadb بتخزن ال data base بتاعتها فى المكان ده

**cd /var/lib/mysql/**

طيب دلوقتى بقى لو عايز ت connect على الداتا بيز ، فا لو انت هتعمل connect وانت ك root او حتى كاي مستخدم عادى ، هتكتب بس mysql وتبدأ بقى تتعامل مع ال data base بالاوامر اللى انت عارفها

**create database Shop character set utf8 collate utf8\_general\_ci;**

طيب دلوقتى احنا قولنا اننا هنقدر نعمل connect على الداتا بيز عن طريق اى يوزر من غير ما الجهاز ما يطلب منا اى باسورد ، وطبعا الموضوع ده مش secured خالص

دلوقتى بقى انت المفروض تعمل secure للداتا بيز بعد ما تعملها install على طول ، عن طريق شوية حاجات كده ، زى مثلا انك تعمل disable لل remote login و اى حد يعمل login فا يطلب منه باسورد

الحاجة الثانية انهم من ايام ال mysql ، هما عملوا حاجة اسمها

## **mysql\_secure\_installation**

وده عبارة عن script بسيط علشان ت secure الدنيا من خلاله

انت دلوقتى لو كتب بس فى الترمنال

## **mysql\_**

وضعت 2 tab ، هتلاقى جابلك كل شوية scripts جاهزة ومن ضمنها ال

## **mysql\_secure\_installation**

```
[root@server ~]# mysql_
```

<b>mysql_convert_table_format</b>	<b>mysql_plugin</b>	<b>mysql_upgrade</b>
<b>mysql_find_rows</b>	<b>mysql_secure_installation</b>	<b>mysql_waitpid</b>
<b>mysql_fix_extensions</b>	<b>mysql_setpermission</b>	<b>mysql_zap</b>
<b>mysql_install_db</b>	<b>mysql_tzinfo_to_sql</b>	

تعالى بقى اكتب فى الترمنال

## **mysql\_secure\_installation**



واول ما تكتبها هتلاقيه طلعلك رسالة بيسألك فيها عن ال root password بتاع ال mariadb ، طب انت اصلا مكنش فيه باسورد ، يبقى انت هتضغط enter

بعدها بقى هيسألك اذا كنت عايز تحط password لل root ولا لأ

## **Set root password? [Y/n]**

طبعا هتكتب **y** ، وبعدها هتختار الباسورد تبعك الجديدة ، كل ده وانت ك root اوعى تنسى او ممكن وانت ك user تانى بس باضافة كلمة sudo

بعد كده بقى هل عايز تشيل ال anonymous user ، لانهم ممكن يعملوا connect على ال data base

## **Remove anonymous users? [Y/n]**

طبعا هنشيلهم ، يبقى تكتب y

بعد كده هيسألك اذا كنت عايز تعمل disallow لل root انه يعمل remote login على الداتا بيز دى

## **Disallow root login remotely? [Y/n]**

طبعا هتكتب y ، طب ليه اصلا انت عايز توقف الحوار ده ؟ لان ببساطة لو ال root كان بيعمل login من على شبكة تانية مثلا ويحاول ان يأكسس ال maria db client فا ممكن يكون فى حد تانى قاعد بي sniff ال connection ده ، وطبعا لو حد بي sniff يبقى هيشوف الباسورد بتاع الرووت بتاع ال data base

طبعا انت كده عندك ال root باسورد بتاع ال OS ذات نفسه ، وكمان عندك ال root password بتاع ال data base ، اللى هو الباسورد بتاع ال administrator بتاع ال data base ذات نفسها

**بعد كده بقى اى حاجة تجيلك اكتب y**

تعالى بقى اكتب فى الترمينال mysql ، هتلاقيه بيقولك access denied ، يبقى انت هتكتب

**mysql -p**

وبعدها بقى هتكتب الباسورد بتاعك بتاع ال data base ، والكلام ده بقى مع اى user تانى ، او بالشكل ده

**mysql -u root -pahmed**

وبالمناسبة الباسورد لازم تكون لازقة فى حرف ال p ، وطبعاً الشكل بتاع انك تكتب الباسورد بالشكل ده غير recommended خالص ، علشان لو فيه واحد بيشوف ال history بتاعتك فانت كده لبست نفسك فى الحيط

بالمناسبة لو انت عندك table كبير فانت ممكن وانت بتعرضه بدل ما تصغر الخط فى الترمينال زى ما كنت بتعمل زمان لا دلوقتى انت ممكن تعرضه بالشكل ده

```
select * from user \G;
```

وهتظهرلك بالشكل ده

```
MariaDB [mysql]> select * from user \G;
```

```
***** 1. row *****
```

```
Host: localhost
```

```
User: root
```

```
Password: *0A2AE3C3C1A250E03BCCFC2E2BB03F310F635312
```

```
Select_priv: Y
```

```
Insert_priv: Y
```

```
Update_priv: Y
```

```
Delete_priv: Y
```

```
Create_priv: Y
```

```
Drop_priv: Y
```

```
Reload_priv: Y
```

```
Shutdown_priv: Y
```

```
Process_priv: Y
```

```
File_priv: Y
```

**Grant\_priv: Y**  
**References\_priv: Y**  
**Index\_priv: Y**  
**Alter\_priv: Y**  
**Show\_db\_priv: Y**  
**Super\_priv: Y**  
**Create\_tmp\_table\_priv: Y**  
**Lock\_tables\_priv: Y**  
**Execute\_priv: Y**  
**Repl\_slave\_priv: Y**  
**Repl\_client\_priv: Y**  
**Create\_view\_priv: Y**  
**Show\_view\_priv: Y**  
**Create\_routine\_priv: Y**  
**Alter\_routine\_priv: Y**  
**Create\_user\_priv: Y**  
**Event\_priv: Y**  
**Trigger\_priv: Y**  
**Create\_tablespace\_priv: Y**  
**ssl\_type:**  
**ssl\_cipher:**  
**x509\_issuer:**  
**x509\_subject:**  
**max\_questions: 0**  
**max\_updates: 0**  
**max\_connections: 0**  
**max\_user\_connections: 0**  
**plugin:**  
**authentication\_string:**

طبعاً هتكون هنا احسن وافضل من ناحية القراءة

بالمناسبة انت ممكن بدل ما تستخدم ال script اللى هو

## mysql\_secure\_installation

انت ممكن تعمل الكلام ده كله manually بايدك ، لكن ده هيعذبك حرفيا

طبعا انت هتروح ت select الداتا بيز اللى هى mysql وتغير بقى الباسورد بتاعت ال root وغيره بقى

بالنسبة بقى لل information schema وال performanace Schema دول عبارة عن داتا بيز بتت create بشكل automatic لما تر run ال data base service

دلوقتى بقى لو عندك data base user اسمه ahmed مثلا ، وانت عايز تديله صلاحيات معينة على داتا بيز معينة او جدول معين ، فده بيتم عن طريق الامر ده

```
grant delete,update,insert on dbname.tablename to dbusername;
```

زى كده بالظبط

```
MariaDB [(none)]> grant all on shop.* to 'ahmed'@'localhost' identified by '12345';
```

طبعا متنساش ان الحاجات اللى هى variables تحطها بين single quotes  
وطبعا ال identified by بعدها تكتب الباسورد بتاعت ال data base user اللى  
اسمه ahmed ده

ولو عايز تخليه يعمل **login** بشكل **remotely** فانت طبعا هتغير ال **local**  
**host** وتخلي بدالها ال **ip** بتاع الجهاز

وبالمناسبة طبعا **ahmed** ده هو **Data Base User** وليس **System User** ،  
خلى بالك كويس من النقطة دي ، يعنى الراجل ده ملوش علاقة بالسيستم  
نهائى ، يعنى ميقدرش انه يعمل **login** على الجهاز بتاعك ، يبقى اذا ال  
**data base users** ملهمش علاقة بال **system users**

دلوقتى بقى وانت مختار ال data base اللى اسمها mysql ، شوف بقى جدول  
ال user وتأكد ان ال user اللى اسمه ahmed ده اتضاف عن طريق طبعا الامر  
ده

**MariaDB [mysql]> select \* from user \G;**

هتلاقى فى row بالشكل ده فى تفاصيل ال user اللى انت ضفته وعملته  
باسورد بالشكل ده

\*\*\*\*\* 7. row \*\*\*\*\*

**Host: localhost**

**User: ahmed**

**Password: \*00A51F3F48415C7D4E8908980D443C29C69B60C9**

**Select\_priv: N**

**Insert\_priv: N**

**Update\_priv: N**

**Delete\_priv: N**

**Create\_priv: N**

**Drop\_priv: N**

**Reload\_priv: N**

**Shutdown\_priv: N**

**Process\_priv: N**

**File\_priv: N**

**Grant\_priv: N**

**References\_priv: N**

**Index\_priv: N**

**Alter\_priv: N**

**Show\_db\_priv: N**

**Super\_priv: N**

**Create\_tmp\_table\_priv: N**

**Lock\_tables\_priv: N**

**Execute\_priv: N**

**Repl\_slave\_priv: N**

**Repl\_client\_priv: N**

Create\_view\_priv: N  
Show\_view\_priv: N  
Create\_routine\_priv: N  
Alter\_routine\_priv: N  
Create\_user\_priv: N  
Event\_priv: N  
Trigger\_priv: N  
Create\_tablespace\_priv: N  
ssl\_type:  
ssl\_cipher:  
x509\_issuer:  
x509\_subject:  
max\_questions: 0  
max\_updates: 0  
max\_connections: 0  
max\_user\_connections: 0  
plugin:  
authentication\_string:

يمكن برضو تعمل select على كل حاجة من الجدول اللى اسمه db

**select \* from db \G;**

علشان تعرف اى الصلاحيات اللى اليوزر اللى اسمه ahmed ده واخذها  
وبرضو ممكن تلاقى تضاد فى الصلاحيات لما تنفذ

**select \* from user \G;**



دلوقتى بقى بعد ما انت عملت user او حذفك user من ال data base ، كل ده بقى ملوش لازمة من غير ما تقول لل DBMS

لل Data Base Management System انه يعمل reload للصلاحيات كلها مرة ثانية والصلاحيات دى بقى بيتعملها reload من الجدول اللى اسمه user اللى موجود فى الداتا بيز اللى اسمها mysql ، وبالمناسبة الصلاحيات دى بيتعملها reload لما السيرفر او ال OS ذات نفسه ياجى يقوم او يشتغل ، او انت ممكن تجبر السيرفر وتقوله انه يعمل reload للصلاحيات دى بالامر التالى

**MariaDB [(none)]> flush privileges;**

تعالى بقى وانت يوزر مختلف فى الترمينال بدون ال root ، جرب تعمل connect على الداتا بيز باليوزر الجديد اللى هو ahmed

**[vodafone@server ~]\$ mysql -u ahmed -p**

هتلاقيه فتح معاك ، وهيكون ليه صلاحيات على ال data base اللى انت حددتهاله لكن طبعا الوحيد اللى ليه صلاحيات على اى حاجة هو ال root user بتاع الداتا بيز ذات نفسها

دلوقتى بقى لو عايز تاخذ backup من الداتا بيز بتاعتك ، فانت عندك tool اسمها **mysqldump** وطبعاً مش عايز اقولك ان جى معاها كمية options كثيرة جداً

وال backup بيتم بالشكل ده، انت هتحدد اسم ال user وبعدها اسم الداتا بيز اللى انت عايز تاخذ منها backup

```
mysqldump -u root Shop -p > shop.sql
```

وبالمناسبة ال extension اللى هو .sql ده ملوش اى 30 لازمة ، ده ليك انت بس علشان تعرف ان ده sql file ، وبعد ما خدت ال dump بتاعتك ممكن بقى تشوف الملف عن طريق ال vim او عن طريق ال less

```
less shop.sql
```

طيب افرض برضوانك حبيت تعمل restore لل data base اللى انت خدتها دى بالشكل ده ، كل الحوار انك هتغير ال redirection

```
mysql -u ahmed Shop -p < Shop.sql
```

طلب لو فيه اصلا جداول موجودة فهو هيعملها drop على حسب برضو  
ال statements بتاعت الداتا بيز اللي انت عاملها ، بمعنى اي ؟  
دلوقتي انت عملت data base اسمها shop وجيت عملت جدول فيها بالشكل  
ده

## **create table if not exists**

او انك عملت

## **drop table if exists**

دلوقتي بقى لما تيجى تعملها restore ، فالو فيه جمل زي ال drop فهو  
هيطبقها ، فانت خد بالك

وكده موضوع ال **DB** انتهى والحمد لله

نرجع بقى لموضوع ال Dynamic Content بتاعتنا ، واحنا هنا فى الفيديو رقم 74

طيب من الاخر كده كل الحوار ان زمان كانت صفحات الويب عبارة عن Static Pages ، بمعنى انا مثلا عندى موقع اخبار ، فانا هروح اعمل صفحات HTML كتيرة لكذا خبر وهكذا

وده مكنش موضوع عملى خالص ، وبالتالي دلوقتى كان لابد من ما يسمى بال Dynamic Content ، يعنى يكون عندى داتا بيز واروح اجيب منها الاخبار وطبعا الحاجات اللى أدت لتطور الكلام ده كله ال **CMS** اللى هى اختصار ل **Content Management Systems**

اللى هى من الاخر كده نظم ادارة المحتوى زى ال **wordpress** ، من الاخر برضو الفيديو ده بيتكلم عن ال word press اللى هى زى المنتديات كده وغيرها بقى وطبعا اشهر ال CMS زى ما انت عارف هو ال **wordpress** و **Joomla**

تعالى كده عل السريع ننزل ال wordpress عندنا على جهاز السيرفر

```
wget https://wordpress.org/latest.tar.gz
```

```
tar xvfz latest.tar.gz
```

وبعدین روح انقله بقى فى المسار مثلا بتاع ال virtual host اللى كان بيمثل ال  
main web site بتاعك

وبعدین هنسطب ال php وال php-mysql

**yum install php php-mysql**

ومتنساش

**sudo firewall-cmd --permanent --zone=public --add-service=http**  
**sudo firewall-cmd --permanent --zone=public --add-service=https**  
**sudo firewall-cmd --reload**

اه بالمناسبة انت بعد ما سطبت ال php هتلاقى عندك ملف configuration  
جديد اتعمل فى المسار ده

**vim /etc/httpd/conf.d/php.conf**

طبعا فى الملف ده بيقولك ان ال directory index بتاعك هو index.php

طيب بالمناسبة اسم الاباتشى ك user على centos و redhat اسمه apache ،  
يبقى انت هتغير ال permissions بتاع ال directory اللى اسمها wordpress  
وتخليها مملوكة عن طريق الاباتشى

**chown -R apache:apache /opt/main/www/wordpress**

والباقى كله ما هو الا عملية تسطيب لل wordpress ليس الا

اه بالمناسبة ال wordpress هيتاج منك data base user وليكن اسمه  
wordpressuser ، فانت هتفتح ال mysql ، وتعمل اليوزر بالشكل ده وتديله كل  
الصلاحيات وتعمل reload للصلاحيات دى

```
grant all on wordpress.* to 'wordpressuser'@'localhost' identified by 'password';
```

```
flush privileges;
```

وبعدين خلى بالك من الملف ده علشان اسمه فيه example وانت لازم تحذف  
كلمة sample دى

**cp wp-config-sample.php wp-config.php**

وخذ بالك من السطر ده

```
-rw-r--r--. 1 root  root  2.8K Jul 29 12:56 wp-config.php
```

```
chown -R apache:apache wp-config.php
```

وبعدها بقى تعدل فى ملف ال configuration بتاع الورد برس وتضيف اسم  
ال data base وال username وهكذا بقى بالشكل ده

```
vim wp-config.php
```

وتعدل السطور دى

```
/** The name of the database for WordPress */  
define('DB_NAME', 'wordpressdb');
```

```
/** MySQL database username */  
define('DB_USER', 'wpuser');
```

```
/** MySQL database password */  
define('DB_PASSWORD', 'wppassword');
```

```
/** MySQL hostname */  
define('DB_HOST', 'localhost');
```

وبعدها بقى تعمل restart لل httpd ، وتروح بقى للمتصفح هتلاقى ال  
wordpress فتح معاك

طبعا اى حاجة انت هتعملها فى ال wordpress ، هتلاقيها تتخزن فى ال data  
base بتاعت ال wordpress ، لو عايز تشوفها يبقى تروح على ال

**mysql -u root -p**

اخر ملحوظة وهى ان ال php جى معاها modules كتيرة على حسب ما انت  
عايز

**yum search php | less**



# 9-Access Restrictions

اخر فيديو فى الاباتشى ، بص هو اصلا مش هينفع اننا نخلص الاباتشى ، او  
مش هينفع اننا نقول اننا خلصنا الاباتشى ، لان الاباتشى مواضيعه كتيرة

طبعا زى ما قولنا فى السابق ان ملف ال configuration بتاع الاباتشى متقسم  
ل 3 اجزاء ، الاول وهو ال Global Configuration ، والثانى وهو ال Main  
Configuration والثالث وهو ال Virtual Host Configuration ، وقولنا كمان ان  
ملف ال configuration الاساسى بتاع الاباتشى مش بيحطوا فيه كل ال  
configuration ، وانما بينادوا على بقية ال configuration من خلال  
include statment

وطبعا اتكلمنا كمان عن ال SSL ، كده بقى فاضلنا شوية حاجات كده علشان  
نقول اننا خلصنا ال basics بتاعت الاباتشى زى اننا ازاي نعمل secure  
ل directories معينة بحيث ان اى حد حب انه يأكسسها ، تطلب منه username  
و password

دلوقتى بقى ، فرضنا ان انت عندك web application مكتوب ، وال web  
application ده مش بيسمحلك انك تدخل username و password علشان تعمل  
authenticate

فانت بقى ساعتها هتضطر انك ت secure ال apache content بحيث ان اى حد يطلبه لازم يدخل username و password ، فده هيكون ال Lab الرئيسى بتاعنا دلوقتى

تعالى نجرب اننا ن secure الملفات بتاعت ال virtual hosts اللى احنا عملناها

**vim /etc/httpd/conf.d/02-vhost.conf**

طبعا دلوقتى انا عندى الاباتشى مسموح ليه انه يقرأ ال directory دى من ال File System

**<Directory /opt/www.ahmed.com/www>**

**Require all granted**

**Allow from all**

**</Directory>**

دلوقتى بقى قبل ما اعمل اى حاجة ، تعالى نعمل directory فى المسار بتاع ال virtual host ده

**mkdir /opt/www.ahmed.com/www/secured-dir/**

وتعالى نخطها جواها ملف برضو

**vim /opt/www.ahmed.com/www/secured-dir/test.html**

وروح بقى كده جرب فى المتصفح انك تكتب

**https://www.ahmed.com/secured-dir/test.html**

هتلاقيه طبعا عرضلك المحتوى بتاع الملف اللي هو test.html

دلوقتى بقى احنا عايزين نعمل secure على ال directory دى ، بحيث ان  
مفيش حد يقدر انه يدخلها وخلص

ارجع بقى تانى لملف ال configuration بتاع ال virtual host

**vim /etc/httpd/conf.d/02-vhost.conf**

دلوقتى بقى ال authentication type ، الاباتشى بي support اكر من طريقة انه  
يعمل authenticate ومنها حاجة اسمها ال basic authentication ، وفى طريقة  
ال basic authentication بيطلب منك username وباسورد وي authenticate منك  
على طول ، والحاجة الثانية انه ممكن يعمل authenticate من ال LDAP

يعنى مثلا لو عندك ldap server وال users موجودين فيه طبعا يعنى مثلا بيكون عندك active directory وعايز تخلى الاباتشى انه يطلب ال usernames وال Passwords من ال active directory او من ال IPA فا طبعا ممكن تطلبها عن طريق ال authentication ، وكمان ممكن تطلب kerberos authentication بمعنى انت مثلا لو عندك Kerberos Server وعايز الناس يعملوا authenticate عن طريق ال Kerberos ، وطبعا هنا بقى لو بتتكلم على Tickets من غير username وباسورد ، يعنى لو الراجل ده معاه ticket فانت هتسمحله ولو مش معاه فاكيد مش هنسمحله

احنا هنا بقى كجزء من ال configuration بتاعتنا ، فاحنا هنستخدم ال basic authentication اللى هما ال username وال password الموجودين عندك Locally على الجهاز وطبعا هما موجودين فى ملف خاص بالاباتشى والمفروض اتنا هن authenticate بيهم عن طريقهم

تعالى بقى نعمل authenticate عن طريق ال basic authentication ده ، بما اتنا فاتحين دلوقتى ملف ال configuration بتاع ال virtual host ، فاحنا هنضيف الكلام ده

اول حاجة نوع ال authentication وهيكون طبعا Basic ، وبعد كده ال Message اللى هتطلع لل user اللى هى ال AuthName ، بعد كده المكان اللى هيكون

فيه معلومات ال authentication ده ، والحاجة الاخيرة خالص وهى انى هطلب منه حاجة required ، يعنى لازم ال user اللى يجيلك يكون valid

الناتج هيكون بالشكل ده

```
<Directory /opt/www.ahmed.com/www>
Require all granted
Allow from all
AuthType Basic
AuthName "Please Provide Username and Password to Proceed...."
AuthUserFile /etc/httpd/conf/htpasswd
require valid-user
</Directory>
```

بعد كده هتعمل طبعا الملف بتاع اللى فيه ال usernames والباسورد ، بس خلى بالك هنا ، الملف ده انت هتعمله بنفس نمط الملف بتاع

**/etc/passwd**

بمعنى ان انت عندك اصلا utility هى اللى هتعملك اليوزر نيم وجمبه الباسورد بتاعه هيكون متشفر ، وال utility دى اسمها htpasswd ، بالشكل ده

**htpasswd -c /etc/httpd/conf/htpasswd ahmed**

طبعا ال user اللى اسمه ahmed ، مش لازم يكون موجود بالفعل ضمن ال  
system users

**-c =====> create**

خلى بالك ان اسم الملف بيكون htpasswd او httpasword

المهم ، دلوقتى بقى لو انت عايز تكون more specific اكثر ، فانت ممكن  
تعمل ال secured directory فى جزء لوحدها فى ملف ال configuration بتاع  
ال virtual host بالشكل ده

```
<directory /opt/www.ahmed.com/www>  
Require all granted  
Allow from all  
</Directory>
```

```
<Directory /opt/www.ahmed.com/www/secured-dir>  
Require all granted  
Allow from all  
AuthType Basic  
AuthName "Please Provide Username and Password to Proceed...."  
AuthUserFile /etc/httpd/conf/htpasswd  
require valid-user  
</Directory>
```

كده انت خليت directory عادية ، و directory تانية خالص هي ال secured  
وبعدين بقى اعمل restart للاباتشى وروح بقى جرب فى المتصفح كده

**<https://www.ahmed.com/secured-dir/test.html>**

وهتفاجأ انه مطلبش منك لا يوزر نيم ولا باسورد ، طبعا هنا انت لازم تبص  
على ال logs بتاعت الاباتشى ديمافى حالة الاخطاء اللى زى دى

**tailf /var/log/httpd/ahmed-vhost-ssl.conf**

لان انت هنا كنت عامل ملفين لل logs واحد لل http وواحد لل https، وبما  
انك فى المتصفح بتكتب https ، يبي انت هتشوف ال logs بتاعت ال https

طيب نرجع بقى لموضوعنا ، دلوقتى بقى خرينا فاكرين اننا عندنا طريقتين  
علشان نعمل secured directory ، الاولى وهى انك تحط ال Parameters فى  
ملف ال configuration بتاع ال virtual host ذات نفسه مثلا ، والطريقة التانية  
انك تحط نفس ال Parameters دى فى ملف مخفى فى ال directory اللى انت  
عايز تخليها secured وتسمى الملف بالشكل ده

# .htaccess

وتحت جواه ال Parameters بالشكل ده

**AuthType Basic**

**AuthName "Please Provide Username and Password to Proceed...."**

**AuthUserFile /etc/httpd/conf/httpasswd**

**require valid-user**

## ملحوظة مهمة جدا

بص يا سيدى كل الفكرة انه فى المتصفح مكنش بيطلب منك username ولا password ، بسبب انك جيت على ال secured directory اللى انت عايز تحطها password وقولتله انها Require all granted وكمان قولتله Allow from all ، وده طبعا غلط جدا جدا ، يبقى انت كده هتمسح السطرين دول ، وتخلي شكل ملف ال configuration بتاع ال virtual host بالشكل ده

**<Directory /opt/www.ahmed.com/www>**

**Require all granted**

**Allow from all**

**</Directory>**



```
<Directory /opt/www.ahmed.com/www/secured-dir/>
```

**AuthType Basic**

**AuthName "Please Provide Username and Password to Proceed...."**

**AuthUserFile /etc/httpd/conf/htpasswd**

**Require valid-user**

```
</Directory>
```

وبعدها بقى تعمل restart لل httpd ، وتروح بقى تجرب فى المتصفح بعد ما  
تسمح الكاش بتاع المتصفح ، هتلاقيه بيطلب منك username و password  
اشطائات لحد هنا

طبعا الموضوع ملوش علاقة بال **owner** فى بعض الحالات ، يعنى مثلا ال  
**secured-dir** عادى جدا انها تكون مملوكة لل **root user**

```
drwxr-xr-x. 2 root root 23 Jul 30 12:24 /opt/www.ahmed.com/www/secured-dir/
```

فى بعض الحالات بس ، هتحتاج انك تغير ال owner وتخليه ال apache ، يعنى  
تخلي الاباتشى هو اللى يمسك ال directory دى

**كده حوار الملف بتاع ال .htaccess دى ملوش اى تلاتين لازمة  
دلوقتى ، الا لو انت هتشيل ال parameters اللى موجودة فى  
ملف ال configuration بتاع الاباتشى**

طيب برضو عايزين نعرف اى حوار الملف ده اللى هو ال .htaccess ؟ بص يا  
سيدى انت لو رجعت لملف ال configuration الرئيسى بتاع الاباتشى ، هتلاقى  
عندك فى Special Directive كده ، بالشكل ده

```
# The following lines prevent .htaccess and .htpasswd files  
from being  
# viewed by Web clients.  
#  
<Files ".ht*">  
    Require all denied  
</Files>
```

هتلاقيه بيقولك ان اى ملف بيبدأ ب **ht\*** ، فالملف ده denied ، بمعنى ان الملف ده مفيش اى user هيقدر انه يطلبه منك ، بمعنى انك لو حاولت تقرأ الملف ده فى المتصفح فالاباتشى هيعملك deny انك تقرئه

كمان متنساش ملف ال log بتاع الاباتشى ، اللى هو ال error\_log ، فى الملف ده هتلاقي فيه انك عملت authentication علشان تشوف ال content بتاع ال secured-dir

طب وانا هستفيد من ال logs دى اى ، بص يا سيدى ، قدام شوية هندرس ال security ، وهتعلم ان شاء الله ان لو واحد حاول يعمل login خمس مرات وفشل ، فانت تروح رازعه block عن طريق ال ip بتاعه

الحاجة اللى بعد كده ، وهو لو انت عندك web application شغال على الاباتشى ده ، وانت عايز تعمل secure لل web application ده ، فانت عندك Package اسمها

**yum install mod\_security**

وال mod\_security دى هتسمحلك انك ت secure الاباتشى بتاعك

تعالی بقى لو عايز تعرف كل الملفات اللى نزلت مع ال Package دى ، سواء  
ملف ال configuration او غيره ، عن طريق الامر

```
[root@server ~]# rpm -ql mod_security  
/etc/httpd/conf.d/mod_security.conf  
/etc/httpd/conf.modules.d/10-mod_security.conf  
/etc/httpd/modsecurity.d  
/etc/httpd/modsecurity.d/activated_rules  
/usr/lib64/httpd/modules/mod_security2.so  
/usr/share/doc/mod_security-2.9.2  
/usr/share/doc/mod_security-2.9.2/CHANGES  
/usr/share/doc/mod_security-2.9.2/LICENSE  
/usr/share/doc/mod_security-2.9.2/NOTICE  
/usr/share/doc/mod_security-2.9.2/README.TXT  
/var/lib/mod_security
```

وتعالی بقى افتح ملف ال configuration بتاع ال Package دى

```
vim /etc/httpd/conf.d/mod_security.conf
```

وبالمناسبة انت ممكن تعتبر ال mod\_security ده هو عبارة  
عن web application firewall ، بيحاول انه يبص على ال request اللى جى من  
ال user ، يعنى مثلا ال firewall ده بيحاول يبص على انهى ال url ال user يبص  
عليه بالضبط

بمعنى افرض دلوقتى ان ال user طلب url معين من السيرفر بتاعك ، اى اللى  
يضمنلك ان ال url ده مفيش فيه اى خازوق ، يعنى مثلا مفيش فيه SQL  
Injection ولا XSS

دلوقتى بقى لو انت اعتمدت على ال firewalld او ال iptables ، انسى مش  
هيموك ، لان انت محتاج Level تانى من ال Protection ، انت دلوقتى محتاج  
level تانى غير الطريقة العادية

وبالتالى انت هتبدأ تت Check ال url اللى الراجل بيطلبه ، يعنى مثلا لو ال url  
ده بيتابق اوبى match ل Pattern معينة ، يبقى عمله Allow انه يتطلب

من الاخر كده البش مهندس مصطفى شرح حاجات بسيطة من ال SQL  
Injection وال XSS ، ودى فائدة ال mod security

يعنى انت هتروح على جوجل وتكتب modsecurity rules ، دلوقتى بقى ال rules  
دى بقى في منها نوعين ، اول نوع وهو ال free rules ، وفي منها ال  
Commerial rules

او هتلاقيها على ال GitHub ، او ممكن تكتب فى جوجل mod security xss  
example ، وبالمناسبة الحوار كله ، لازم انك تدرس web application  
penetration testing علشان تفهم الكلام ده

طيب فى حاجة كمان وهى انك مش معنى انك نزلت ال rules ، يبقى مش  
هتلاقي اخطاء ، لان انت مثلا ممكن يكون عندك web application معين بيطلب  
حاجات معينة ، زى مثلا ان يكون عندك واحدة من ال rules دى تكون turned  
off ، وخليك فاكر ان ال rules دى لما بتتكتب ، بتتكتب بشكل Generic انها  
تشتغل على اى system

هتلاقي كمان ال activated rules فى المسار ده

**cd /etc/httpd/modsecurity.d/activated\_rules/**

کمان متنساش ان کل rules بتکون compatible مع نسخة معينة

**yum install mod\_security\_crs**

لحد هنا وكده احنا خلصنا اغلب المواضيع ال **Basics** الخاصة بالاباتشى

# 10-DNS

هنتكلم النهارده عن ال DNS ، وده يعتبر من اكبر المواضيع اللى انت هتدرسها ومن المواضيع اللى فيها كلام كثير جدا ، طبعا ال DNS هو واحد من اهم ال Services المهمة بالنسبالك ك system admin مع ال NTP لان ديما كده ال Infrastructure بتاعت اى شبكة بتكون مرتبطة ب 3 حاجات ال DNS وال Mail Services وال NTP ، واعتبر ان دول هما ال infrastructure بتاعت الشبكة واهمهم بقى واكثر واحدة او اكثر services فيهم بتكون critical هى ال DNS لان من غيرها مفيش حاجة هتشتغل ، يعنى مثلا عادى لو معندكش NTP لان انت ممكن تستخدم Public NTP Server والدنيا هتبقى تمام عندك ، وكذلك الامر برضو بالنسبة لل Mail Server ، هتلاقى شركات ومؤسسات شغالة من غير Mail Server ، لانهم ممكن يكونوا شاربيين Public E-Mail Service زى انهم ياخدوا حاجة من جوجل مثلا او انها تكون hosted على النت ، لكن مينفعش يكون فى شركة حتى لو صغيرة جدا انها ميكونش عندها DNS



وبما ان ال DNS هو موضوع كبير ، فاحنا هحاول نقسمه لاجزاء ، يعنى مثلا لوجيت بصيت على ال Classifications او المواضيع اللى هنتكلم عنها ، ف احنا هنتكلم عن حاجة اسمها ال Forward Lookup وال Reverse Lookup ، وبعد كده هنتكلم على ال Master DNS وال Slave DNS ، الكلام ده كله نظرى ، بعدها بقى ان شاء الله هنخش فى ال Implementation

بعدين هنخش نتكلم عن ال Resource Records الموجودة ،ولو فى وقت كمان ممكن نتكلم عن ال DNS Sec ، وازاى انت ممكن تستخدم ال DNS علشان ت secure ال records بتاعتك

الحاجة الثانية وهى ال Integration ، ازاي انك تعمل DNS Forwarding ، او ازاي انك ت integrate ال DNS ده مع حاجة زى ال Microsoft DNS ، وبالتالي هيكون عندنا مواضيع كتيرة جدا فى ال DNS ، فاحنا دلوقتى هحاول نتكلم على ال DNS Forward Lookup وال Reverse Lookup وهكذا بقى ،

اه بالمناسبة من خلال ال DNS هناخد 2 services الاولى اسمها unbound والثانية اسمها bind ، ال service اللى هى bind هتكون هى الرئيسية بتاعتك ده الطبيعى بتاعك لو انت شغال فى اى مكان هتلاقيه شغال bind

وبالمناسبة كل ال Commercial Solutions معتمدة على bind ، عندك مثلا لو بصيت حاجة من الحاجات اللى بتجيب فلوس كتيرة زى Info Blox ودى Completely Based على bind ابقى خش اقرأ عنها <https://www.infoblox.com>

الحاجة الثانية وهى ال unbound ودى بتستخدم ك caching name server وبرضو هتحاول اننا نتعلم ازاى نستخدم ال bind ك caching only name server ، كمان فى موضوع مهم جدا وهو ال DNS Views وده من اهم المواضيع بالنسبالك اللى ممكن تستخدمها ، لو عندك مثلا شركة وفى نوع من ال customers بياكسسوا الشبكة دى ، اعتبر مثلا ان انت عندك guests وهما بيحاولوا يخشوا الشركة دى فانت عايز توفرلهم Internet Access ، وبالتالى انت هتحاول تحمى ال records بتاعتك او ال resource بتاعتك من ان مثلا الشبكة الداخلية اللى عندك الناس اللى بيتصلوا بيها يشوفوا حاجات معينة ، وال guests اللى جايين ليك هيسخدموا نفس ال DNS بس هيشوفوا حاجات تانية ، فهتحاول اننا ن Implement ال DNS Views عندنا واحنا شغاليين

طيب فى حاجة عايز اقولك عليها وهى ان كل ال services اللى موجودة عندنا بتكون بشكل ما مربوطة او tightly integrated مع ال selinux ، فاحنا مؤقتا كده هنعمل disable لل selinux علشان ميحصلناش مشاكل ، لحد ما نوصل لل selinux وهى هتكون بعد ال Mail Server

يلا بقى نبدأ ، بسم الله

بداية كده اى هى معلوماتك عن ال DNS ؟ بص يا سيدى اى resource بتطلبه الطبيعى انك بتطلبه عن طريق ال ip ، يعنى مثلا فى البداية خالص لما الانترنت اتعمل مكنش فيه حاجة اسمها DNS اتعمل اصلا ، كل اللى اتعمل هى ال IP Addresses اللى احنا شغالين بيها ، ولما اتعملت ال ip addresses كان لازم علشان تأكسس اى جهاز بيكون عن طريق ال ip بتاع الجهاز ده ، وعلشان تأكسس كل ال web sites او كل الاجهزة دى كلها ، فالموضوع كبير منهم خالص

فعلشان يحلوا المشكلة دى ، بدل ما انت كل جهاز علشان تروحله او تحاول تستخدمه لازم تكتب ال IP بتاعه وطبعا الموضوع ده مزعج فى حد ذاته ، فالناس فكروا وقالوا اننا هنبداً نخط ال ip addresses بالاسماء بتاعتهم فى

## **/etc/hosts**

رغم ان الحل ده يعتبر نوعا ما كويس ، لكن احنا عندنا مشكلتين دلوقتى ، الاولى وهى حجم الملف ده بقى قد اى يعنى ال size بتاع الملف ده هيكون قد اى

والحاجة الثانية وهى ان كل اللى انا بعمله ده بيكون Locally ، وبالتالي احنا عندنا مشكلة كبيرة جدا هنا وهى ان حجم الملف هيكبر اوى وبالتالي عمرك انت ك user ما هتقدر انك ت maintain ملف بالشكل ده ، ليه بقى ؟

لان تخيل ان انت عندك سيرفر وصاحب السيرفر ده نقله من ISP ل ISP  
تانى ، يعنى مثلا تخيل انت كده مثلا فى مصر وكان صاحب السيرفر ده واحد  
نت من TeData وهوب راح مغير وصلة النت بتاعته وراح لفودافون مثلا او  
اتصالات او حتى Link ، وراحت شركة Link ادت ليه IP Addresses جديدة  
خالص

فا هو كده مضطر انه هيروح لنفس الملف ويشوف الاسماء القديمة اللى  
كانت متوصلة بالسيرفرات القديمة ويغيرها ويحط ال IP Addresses الجديدة  
ده كده رقم واحد

الحاجة الثانية وهى ان انت لو عندك الف مستخدم ، فالالف دول برضو  
هيضطروا انهم يعملوا نفس الحوار برضو ، وبالتالي الموضوع مزعج جدا

فعلشان يحلوا المشكلة دى ، قالك بس ، من هنا بدأت الايانا او اللى هى  
**IANA** اختصار ل **Internet Assigned Numbers Authority**  
قالت هو احنا ليه منعملش Organized way علشان نتحكم فى الاسماء دى  
كلها ، بحيث اتنا منعذبش الناس ونخلى الدنيا سهلة ، فا بدأوا انهم يفكروا فى  
hierarchy system والسيستم ده هيسمحلهم انهم يعملوا maintain  
لل Internet Data Base بالكامل من غير اى مشاكل ، طب دلوقتى بقى  
المواقع دى كلها هنعمل فيها اى بقى ؟

قالك بس كل المواقع الموجودة دى انا هخلى فى حاجة اسمها  
ال Parent Name Servers **ودول ببداوا ب . dot** ، قالك بقى ان ال dot ده  
هيكون ال Parent Name Servers ، وتحت ال dot بقى انا هعملك hierarchical  
system وهحطلك حاجة اسمها ال **Top Level Domains** ، زى ال .com ،  
وزى ال .org ، وزى ال .net وغيرهم ، وتحت كل واحدة منهم ، هحطلك ال  
domain بتاعك ذات نفسه ، زى مثلا yahoo.com و google.com وهكذا بقى  
وبرضو نفس الحكاية بالنسبة ل net و .org ، وتحت google.com هحطلك ال  
subdomains بقى زى mail.google.com وزى images.google.com وتحت كل  
subdomain ممكن احط برضو subdomain تانية وهكذا بقى

فى لسه عندى مشكلة موجودة ، انت دلوقتى عمال  
تقولى hierarchical system ، طب انت هتخزن المعلومات دى كلها فى بقى ؟  
قالك بس انا هحط المعلومات دى كلها فى Central Data Base  
موجودة حوالين العالم اسمها ال Root Servers ، ودول عبارة سيرفرات كل  
وظيفتهم فى الحياة انهم يعملوا Maintain للداتا بيز بتاعت  
ال Domain Name Services دى

طيب علشان بقى محدش يتحكم فى ال Root Servers دى ، وعلشان  
ميقولش ان فى دولة معينة هى اللى بتتحكم فى ال Root Servers دول

قالك بس احنا هنقسم ال Root Servers دول حوالين العالم ، يعنى نخط كام سيرفر فى امريكا وكام سيرفر فى روسيا وكام واحد فى فرنسا وهكذا

ممکن تكتب فى جوجل root servers وهيطلعلك ان عددہم 13 root server  
تحدیدا ببداؤا من حرف ال A لحد حرف ال M حسب ما ويكيبيديا بتقول  
وهتلاقى ان الغالبية العظمى منهم من ال root servers دى مبنية على ال bind

فى ويكيبيديا برضو هتلاقى ال Operators اللى هما المؤسسات او الناس اللى  
بيشغلوا ال Root Servers دى ، هتلاقى ان حتى الان فى جامعات هى اللى  
بتشغل ال root servers دى ، وهتلاقى كمان فى ال root servers اللى بتشغلها هى  
ناسا ، وفى برضو الجيش الامريكى للابحاث

دلوقتى بقى فى سؤال وهو ، هل تفتكر ان ال 13 root server دول يقدرُوا انهم  
يشيلوا كل ال Requests بتاعت الكرة الارضية او بتاع الانترنت Users اللى على  
الكرة الارضية

تخيل بقى الكام مليار مستخدم للانترنت ، هل بس 13 سيرفر هيشيلوا الكم  
الكبير ده كله من ال Requests دى ؟ اكيد طبعا شبه مستحيل حاجة زى كده

قالك طب علشان تحل مشكلة زى دى ، قالك بس ، فى كل setup من ال 13 سيرفر دول ، انا مش هحط سيرفر واحد ، لا دا انا هحط سيرفرات كتيرة جدا وهيخلوا السيرفرات دى كلها تشتغل وهيستخدموا Technology اسمها **anycast** ، وال anycast دى بتسمحلك ان يكون عندك مجموعة اجهزة او مجموعة سيرفرات ولما تيجى تطلب كل الاجهزة دى او السيرفرات دى ، فانت هتطلبها كلها عن طريق IP واحد بس ، وقبل ما انت هتخش انهى سيرفر فيهم ، اعتبر ان كان فى حاجة كده واقفة على الباب هتشوف ال request بتاعك جى من انهى مكان بالضبط ، وتبعتك لاقرب سيرفر او لاقرب root server بالنسبالك ، او ممكن تقول ان ال IP ده هو اللى هيبتك لاقرب سيرفر بالنسبالك ، وبدأ بقى بدل ما هو سيرفر واحد او مجموعة سيرفرات بتملكها دولة واحدة ، قالك بس انا هستخدم ال Any Cast ده ، وبدأوا انهم يعملوا Replicate لل Internet DNS Servers حوالين العالم

يعنى مثلا هما جم فى افريقيا وراحوا مختارين مثلا المغرب و جنوب افريقيا

وكذلك الامر برضو بالنسبة لقارة اسيا ، لو دخلت على الموقع ده

**[www.root-servers.org](http://www.root-servers.org)**

هتلاقى عندك مثلا سيرفر موجود فى اسيا وهتلاقى واحد تانى Replicated منه فى افريقيا وهكذا

وبرضو فى الموقع ده موجود تحت ال ip address بتاع كل واحد فيهم ، يعنى مثلا ال A root Server الايبى بتاعه 198.41.0.4 وهتلاقى مع كل Root Server فيهم ال Site بتاع كل واحد ، يعنى مثلا ال A Root Server موجود فى 8 اماكن زى New York و London ، وكده بقت النسخة اللى موجودة عند دولة معينة ، بقت موجود منها نفس النسخة فى دولة تانية بالضبط ، وكل ده لسببين

الاول ان مفيش دولة تكون محتكرة الانترنت ، والحاجة التانية ان ال Servers دى بتكون Critical جدا ، بحيث ان لو حصل فى لحظة من اللحظات اى كارثة ، فيكون لسه عندنا فرصة اتنا نأكسس ال resources الموجودة على الانترنت

يبقى كده عرفنا اتنا عندنا حاجة اسمها DNS ووظيفته انه يحول الاسم ل IP ، طيب دلوقتى فى حاجة تانية اتعملت علشان تكون بس عارف اى اللى بيحصل حواليك ، احنا قولنا اتنا عندنا ال . dot وتحت ال dot دى بيكون فى ال com وال org وال net وتحتهم بقى ال domains ذات نفسها وبعدها ال subdomains

قالك بس انا هعمل طريقة تانية لل DNS ، هيبدأ ب dot وتحت كل dot ال Country Code ، وبالمناسبة الطريقة الاولى كان اسمها Generic Top Level Domain



انما بقى الطريقة الثانية دى اسمها Country Code Top Level Domain ، وفى الطريقة الثانية دى ، قالك انا هدى لكل دولة حرفين اتنين بس يميزوا الدولة دى من اسمها

يعنى مصر مثلا هديلها **eg** وامريكا **us** وبريطانيا هتكون **uk** وهكذا ، وتحت كل واحدة منهم برضو حط ال domain بتاعك يعنى مثلا google.eg او helwan.eg وبرضو تحتهم هيكون ال Subdomains ، فكدده بقى عندنا طريقتين لل DNS انه يشتغل بيهم ، او بشكل ادق مش طريقتين ، ممكن تقول ان فى

## 2 DNS Hierarchical Systems

بس كلهم فى الاخر بيلفوا ويرجعوا لل Root Servers اللى هما ال 13 سيرفر او ايا كان عددهم بقى وهما Replicated ، اه بالمناسبة ال www هى كمان عبارة عن subdomain

طيب دلوقتى بقى لو عندك مثلا web site وعمايز توصفه ، هتوصفه ازاي ؟ قالك انت هتبدأ من تحت خالص لفوق ، مثلا اخر subdomain عندك هو ال www فانت كده هتبدأ بال www وبينه وبين ال Parent بتاعه حط . dot ، بالشكل ده

**www.yahoo.com.**

لحد ما توصل لل com وهيكون هنا ال parent بتاع ال com هو ال . dot ، بس استنى هنا ، انت اكيد هتسأل وتقول انك طول عمرك بتطلب المواقع بدون ما تكتب ال . dot اللى فى الاخر دى صح ؟ طبعا صح ، بس انت هنا مش هيفرق

معاك سواء انت حطيتها او محططهاش مش هيفرق ، لان كده كده ال browser اوتوماتيك بيضيفها ، لان الموضوع بالنسبale بقى من الحاجات البديهية

دلوقتى بقى لو جيت على جهاز ال Client ، وفتحت ملف ال hosts

```
cat /etc/hosts
```

```
127.0.0.1 localhost localhost.localdomain localhost4 localhost4.localdomain4
::1      localhost localhost.localdomain localhost6 localhost6.localdomain6
```

هتلاقى ان الملف ده بيكون فيه entries ، وكل entry بيكون فيها ال IP وقصاده بيكون الاسم

كذلك الامر برضو بالنسبة لل DNS ، هو عبارة عن شوية ملفات وكل ملف عبارة عن شوية entries وكل entry بتكون عبارة عن ال IP وقصاده الاسم ، ال DNS عبارة عن كده بالظبط متفتكرش يعنى ان ال DNS فيه اختراع

الحاجة اللى بعد كده هيكون عندك شوية tools كده ممكن تتعامل معاها زى ال **nslookup** ودى فايدتها انك تسأل ال DNS اللى عندك على عناوين المواقع ، يعنى مثلا لو عايز تعرف ال IP بتاع yahoo.com

```
nslookup yahoo.com
```

هیرد علیک بالشکل ده

**Server: 8.8.8.8**

**Address: 8.8.8.8#53**

**Non-authoritative answer:**

**Name: yahoo.com**

**Address: 98.138.219.231**

**Name: yahoo.com**

**Address: 98.138.219.232**

**Name: yahoo.com**

**Address: 72.30.35.9**

**Name: yahoo.com**

**Address: 98.137.246.7**

**Name: yahoo.com**

**Address: 72.30.35.10**

**Name: yahoo.com**

**Address: 98.137.246.8**

اول حاجة هیقولک انه بیستخدم ال DNS اللى ال IP بتاعه هو 8.8.8.8

والبورت رقم 53

وبالمناسبة بقى ال DNS بي By Default يستخدم البورت 53 UDP ، وتحت  
بقى بيقولك ان yahoo دى ليها العناوين دى Published على النت ، دى غير  
العناوين اللى بتكون على حسب الدول  
يعنى مثلا google.com ليها ips بتختلف عن google.com.eg

طبعا انت لو كتبت بس فى الترمينال nslookup ودوست انتر هتظهرلك بالشكل  
ده وبالتالي ممكن تكتب اكر من command بالشكل ده

```
[root@server ~]# nslookup
```

```
>  
>  
>  
>  
>
```

دلوقتى بقى لو عايز تخلصى ال DNS بتاع جوجل هو ال DNS الافتراضى بتاعك  
ممكن تكتب كده

```
> server 8.8.8.8
```

```
Default server: 8.8.8.8
```

```
Address: 8.8.8.8#53
```

```
>
```

كده انا بسأل ال DNS بتاع جوجل على العنوانين بتاعت المواقع

فى برضو tool تانية اسمها dig ودى عبارة عن tool بتستخدمها علشان ت  
quary ال DNS ، بمعنى انها هتديك معلومات اكتر

```
[root@server ~]# dig redhat.com
```

```
; <<>> DiG 9.9.4-RedHat-9.9.4-61.el7 <<>> redhat.com
;; global options: +cmd
;; Got answer:
;; ->>HEADER<<- opcode: QUERY, status: NOERROR, id: 54361
;; flags: qr rd ra; QUERY: 1, ANSWER: 1, AUTHORITY: 0, ADDITIONAL: 1

;; OPT PSEUDOSECTION:
; EDNS: version: 0, flags:; udp: 512
;; QUESTION SECTION:
;redhat.com.                IN      A

;; ANSWER SECTION:
redhat.com.                2088 IN    A      209.132.183.105

;; Query time: 88 msec
;; SERVER: 8.8.8.8#53(8.8.8.8)
;; WHEN: Fri Aug 03 16:43:53 EDT 2018
;; MSG SIZE rcvd: 55
```

هنا بقى معلومات زى ال Quarry Time ، يعنى الوقت اللي استغرقته الاداة دى  
علشان تسأل ال DNS على الايبى بتاع موقع redhat

وممكن تحس ان ال output بتاعت dig غريب شوية ، لكن بص فيه تانى  
هتلاقيه منظم ، مثلا عندك السطر ده

## **;; QUESTION SECTION:**

**;redhat.com. IN A**

ده هنا بيقولك ان السؤال بتاعك هو ده وانت سألت على ال A اللي هو ال  
Address بتاع موقع redhat.com  
وتحتها بقى عارضلك ال answer بتاع السؤال ده

## **; ANSWER SECTION:**

**redhat.com. 2088 IN A 209.132.183.105**

هتلاقى عندك برضو السطر ده فى الاول خالص

flags: qr rd ra; QUERY: 1, ANSWER: 1, AUTHORITY: 0, ADDITIONAL: 1

بيقولك انت سألت سؤال واحد ، وطلعتك اجابة واحدة ، ومفيش فيهم اى authoritative name server ، وكمان مفيش اى additional information طلعتك

بالمناسبة انت لما تيجى تستخدم ال dig ممكن تستخدم ال option اللى هو t- يعنى تسأله على ال type بتاع ال record اللى انت بتسأل عليه ولو انت مدتلوش اى record type هو بيقترض انك عايز تجيب ال ip address بس ، **طب هى اى اصلا ال record type دى ؟**

بص ال record type دى معناها نوع ال DNS Entries اللى انت بتسأل عليها اى بقى نوع ال **DNS Entries** دى هى كمان؟؟ بص احنا قولنا ان ال DNS ما هو الا عبارة عن شوية ملفات او هو عبارة عن شوية معلومات كل اللى بيعمله انه بي map الاسم لل IP بس كده ، طب هو اصلا المعلومات اللى بتتخزن دى هل هى كلها عبارة عن IP وقصاده الاسم ؟ لا طبعا ، ده انا ممكن استخدم ال DNS واقوله ان انا عندى service معينة وال service دى موجودة على ال IP الفلانى ده ، وبالتالي انا ممكن استخدم ال DNS فى استخدامات تانية كمان فى Advanced Usage

**كده احنا لحد دلوقتى خدنا Introduction بسيطة عن ال DNS**

# بدأنا فى الفيديو رقم 77 ، ده عبارة عن 12 دقيقة بس

البش مهندس مصطفى فى الفيديو ده كان بيقول على ال Services الللى احنا المفروض ندرسها وهى

## **DNS**

### **Bind DNS**

### **Postfix**

### **Dovecot**

والاثنين دول الللى هما ال Postfix وال Dovecot عبارة عن ال Mail Services عندنا

ومن ضمن مواضيع ال DNS هى ال

### **Caching Only Name Server**

### **Master Server**

### **Slave Server**



ويقول اننا وحننا شغالين مع ال Master وال Slave ، هنتكلم ان شاء الله عن  
ال

## **Forward Lookup**

وال

## **Reverse Lookup**

بعد بقى ما يخلص معانا ال mail server ، هيدينا ان شاء الله solutions جاهزة  
زى ال

## **iRedMail**

وحاجة تانية زى ال

## **OpenFire**

وده عبارة عن Chat System

كمان لسه عندنا شوية services تانية زى ال

## **Samba**

## **PKI-PGP-GPG**

## **xinetd Telnet, Printing CUPS,**

## **Firewall**

**KickStart pxe**

**Selinux**

**SNMP**

**Nginx Server**

وممكن ناخذ حاجة علشان ال High Availability زى ال

**Keepalived**

علشان لو انت عندك service وعمايز تعملها high availability

من اول بقى المرة الجاية هيكون التطبيق العملى ، هحتاج سيرفرين لينكس  
وجهاز تانى علشان نعمل عليه test

# 11-BIND DNS Installation

من اول النهارده بقى هيكون عندنا سيرفرين ، واحد هيكون هو ال Primary Server ، والتانى هيكون هو ال Secondary Server ، والجهاز التالت ممكن يكون ويندوز او لينكس علشان نعمل منه test يعنى هتكون مجرد Client بس ، وافتكرا اننا لما نقول ان هيكون عندنا جهاز client يعنى معناه اننا لازم نعمل لجهاز ال Client ده Configuration انه ياخذ ال DNS Information من السيرفر اللى عندك ده اللى هو ال Primary Server ، بمعنى ان انت لو جيت فكرت اى اللى المفروض يحصل بالضبط ، فانت المفروض ان الممكنة السيرفر دى او ال Primary Server ده او اللى اسمه Server-1 يكون معمول ليها configuration انها تعمل resolve من Public DNS على الانترنت او مثلا ال Open DNS او مثلا حاجة زى Google Public Server او غيرهم بقى حسب ما تحب ، معنى كده ان لما ال client يحب انه ي browse المواقع او انه يعمل resolve ، فهو لازم الاول يسأل ال Local DNS اللى عنده فى نفس ال Domain يعنى نفس المكان اللى هو موجود فيه ، وبعدين بقى ال Local DNS ده يروح يسأل ال Public DNS اللى على الانترنت

طيب فى حاجة عايز اقولك عليها وهى اننا لحد دلوقتى متكلمناش على اننا هنعمل السيرفر الاولانى او اللى هو ال Primary Server ده ك Authoritative DNS Server للشبكة الداخلية بتاعتى ، او بمعنى اخر ان ال DNS Server الاولانى اللى عندنا ده مفيش عليه اى Zone ، يعنى انا لسه معملتش اى دومين داخلى للشبكة بتاعتى دى  
دلوقتى هو كل وظيفته انه هيستقبل ال Query من ال User وبعدها هيروح يسأل الانترنت ، طيب حلو خالص

دلوقتى بقى السيرفر ده وهو بيستقبل ال query من ال user ويروح يسأل الانترنت ، هل بقى فى اكثر من طريقة انه يشتغل بيها ؟؟ طيب بص يا سيدى دلوقتى لما ال Local DNS ده بيحاول انه يسال DNS تانيين او Public DNS دلوقتى بقى فى طريقتين علشان ال Local DNS ده يقدر انه ي resolve لل Client

الطريقة الاولى اسمها ال **Iterative Queries** ، والطريقة الثانية اسمها  
ال **Recursive Query** او **Recursive Lookup**

وبالمناسبة لما اقولك **resolve** او **query** او **lookup** فهما الثلاثة حاجة واحدة ، معنى واحد يعنى ، الثلاثة كده معناهم انى عايز اترجم الاسم ل IP او العكس انى عايز اترجم ال IP لاسم بالبلدى كده

**طيب عملية ال Lookup امتى بتستخدمها ؟** بص انت بتستخدمها لما متكونش عارف اى النتيجة بالضبط ، بمعنى ان انت مش عارف اذا كنت هتقدر انك ترجع بنتيجة ولا لأ

**ولما بقول Query** ، فدى معناها ان ال Client هو اللى بيسأل السيرفر او سيرفر بيسأل سيرفر تانى ، وساعتها بقى الاسم الاشهر للعملية دى هى كلمة Query استعمال

**انما بقى كلمة resolve** ، معناها ان انت سالت وطلعتك نتيجة

يبقى كده كلمة **Lookup** معناها ان فى سؤال ، بس الله اعلم اذا كان هيكون فى ناتج ولا لأ ، اما **resolve** فمعناها ان فى سؤال وفى ناتج ، انما **Query** فعادة بتطلق لما **client** يسأل سيرفر ، او سيرفر يسأل سيرفر تانى بس برضو انت مش متأكد الناتج هيكون اى بالضبط

لكن الثلاثة مصطلح واحد ، وهو انك عايز تترجم الاسم لايبى او العكس

نرجع بقى لموضوعنا ، اى بقى موضوع ال Iterative Query وال Recursive Query ده بقى ؟؟ بص يا سيدى الموضوع بسيط جدا ، فاكرك لما قولنا ان ال DNS بيبدأ بحاجة اسمها ال . dot او بمعنى اخر ال root server ، وقولنا ان ال root server ده ، مش سيرفر واحد ، لأ دول عبارة عن 13 سيرفر موجودين حوالين العالم كله وكل واحد منهم ، بيكون ليه replicated version منه ، وقولنا طبعا ان العالم كله بيعتمد على ال 13 root servers دول ، وكل عمليات ال resolving يتم عن طريق ال 13 root servers دول ، برضو هتسأل وتقول طب هما ال 13 سيرفر دول هيستحملوا الكلام ده كله ؟ هقولك فاكرك لما قولنا انهم بيستخدموا تكنولوجيا اسمها ال anycast ودى بتسحملك انه يكون عندك عدد معين من السيرفرات سواء بقى 10 سيرفرات او 50 سيرفر ، انه يكونوا كلهم واخدين نفس ال IP Address ، بس وانت جى عليهم ، يعنى وانت جى تسال ال 13 سيرفر دول فالراوتر بتاعك بيرميك على اقرب سيرفر ليه ، يعنى مثلا انت فى مصر وعاليز تروح لل root server ، فانت اوتوماتيك هتروح لل replicated version اللي موجود عندك فى مصر او المغرب وفاكرك لما قولنا فى جزء ال Network ان ال unicast معناه One To One هنا بقى ال anycast معناه One To Nearest ، يعنى بتروح لاقرب DNS سيرفر بالنسبالك

طب ازاي بقى عملية ال **routing** يتم ؟

دى بقى متشغلش بالك بيها دلوقتى ، لان فى حوار كبير بخصوص ال anycast ده ، لو انت درست **CCIE** ان شاء الله هتلاقى ان موضوع ال anycast ده عبارة عن جزء كبير كده من منهج ال CCIE ، فانت ابعد عن الحوار ده دلوقتى كل اللى يهتمك من ال anycast حاليا ، انك تبقى عارف ان بيكون فى مجموعة سيرفرات وكلهم ليهم نفس ال IP Address وال Client لما ياجى يعمل connect فالراوترات هى اللى بترميه على اقرب سيرفر بالنسبale

قولنا كمان ال 13 root servers دول بيبدأوا بحرف ال A وينتهوا بحرف ال M ، وقولنا كمان ال root servers دى بيكون تحتها ال Top Level Domains زي ال com و net و org

وطبعا تحت كل واحد فيهم ال domain بقى ، زي redhat.com و google.com وطبعا تحت كل domain منهم ، فى عندنا ال subdomain زي mail و www وغيرهم ، لحد هنا والدنيا تمام

نرجع بقى لموضوعنا ، احنا دلوقتى لسه معندناش اى domain ولا اى حاجة خالص ، يعنى احنا اصلا بعداد عن الحاجات دى اللى ال . وال com والباقي

دلوقتى بقى انت روجت عملتك Local DNS ، وفى وراء ال Local DNS ده شوية Clients عايزين يعملوا resolve ، دلوقتى بقى انت قولت لل Local DNS انت لما تحب تطلع او تسال ابقى روح اسأل ال DNS بتاع جوجل ، اللى هو ns1.google.com وال ns هى اختصار ل Name Server ، دلوقتى برضو انت عندك client راح يسأل ال Local DNS ويقول له قولى على ال IP Address بتاع www.redhat.com ، فال Local DNS ده هيروح يسأل ال DNS بتاع جوجل اللى هو مثلا ns1.google.com ، يروح ال DNS بتاع جوجل مثلا يرد على ال Local DNS ويقول له انه ميعرفش حاجة عن الموقع اللى هو عايز يعرف ال IP بتاعه لانه مش فى نفس ال Domain بتاعه ، ليه مش فى نفس الدومين ، ببساطة لان الدومين بتاع جوجل مثلا بالشكل ده

## **google.com**

اما بتاع redhat فهو ليس subdomain من google.com وانما هو domain لوحده مستقل بالشكل ده

## **redhat.com**



دلوقتى بقى ال DNS بتاع جوجل هيقول لل Local DNS روح اسأل ال . dot  
اللى هو ال root servers ذات نفسها ، ويروح بعدها ال Local DNS ياخذ  
النتيجة من ال DNS بتاع جوجل ويبعتها لل client اللى طلب ، لكن هل انت  
كده رجعت لل client النتيجة اللى هو عايزها ، ولا رجعتله **reference** لحد  
تانى يسأله وهو ال root servers ؟

اكيد طبعا انت رجعتله reference لحد تانى يسأله ، يروح بقى ال Client بذات  
نفسه يسأل ال root server ، ها يعم هل تعرف حد بالاسم ده

**www.redhat.com**

يروح ال root server يرد على ال client ويقول انه ميعرفش حد بالاسم ده

**www.redhat.com**

لكن يقوله ان يعرف com ، ويروح مرجع ال result دى لل client مرة ثانية ،  
يبقى للمرة الثانية ال root server هيرجع هو كمان reference لل client ، يروح  
ال client مرة ثانية يسأل ال DNS اللى مسؤول عن ال Domain اللى هو  
com ، وبرضو ال DNS ده اللى مسؤول عن com هيقله انه ميعرفش حد  
بالاسم www.redhat لكن يعرف ال DNS اللى مسؤول عن ال domain اللى هو  
redhat ، يبقى كده للمرة الثالثة ال DNS بتاع com هيرجع reference لل client  
هيرجعله بقى reference لل DNS بتاع redhat ، يروح برضو ال Client يسأل ال  
DNS المسؤول عن redhat ولازم بنسبة 100% يكون ال DNS المسؤول عن  
redhat عارف عن ال www ، وطبعا بما انه هيكون عارف فهيروح رادد على

ال client ويقول له ايوه انه عارف انه عنده host او web site بالاسم  
www.redhat.com وال IP Address بتاعه كذا 209.132.183.105

**من الاخر كده ال Iterative Quarry** معناها ان ال Client هيفضل يسأل ويتعب  
لحد ما يلاقى الناتج ، او ممكن ميلاقهوش اذا مكنش فى web site بالاسم اللى  
هو طالبه

يعنى بيفضل ياخذ references لحد ما يوصل للناتج اللى هو عايزه ، وكل  
reference منهم عبارة عن نتيجة بتقربه للناتج اللى هو عايزه ، بس فى الاخر  
هو مش ضامن انه يلاقى host بالاسم ده

**طيب العكس بقى ال recursive quarry** ، ال client هيروح يسأل ال Local  
DNS وبعدين ال Local DNS هو بعد كده اللى هيروح بقى يسأل ال root  
server وال root server يرد عليه ب reference لل top level domains ، وهكذا  
بقى لحد ما ال Local DNS يجيب النتيجة النهائية ويوديها لل Client

يعنى باختصار شديد فى عملية ال recursive quarry ال Local DNS هو اللى  
هيتعب ويتفشخ لحد ما يوصل للنتيجة ويبعتها بعد كده لل client

طيب ده كده معناه اى بالنسبالك؟؟ اولا لو انت شغال فى شركة هتقول انه اسهلك انه يكون فى مكنة واحدة وهى اللى تعمل ال recursive query ده صح ؟ هقولك طبعا ايوه صح

لان انت المفروض طالما شغال فى شركة فانت المفروض تخلى عندك Local DNS بدل ما انت بتعذب ال Clients وال Local DNS ده هو اللى بيعمل recursive query

دلوقتى بقى فى موضوع تانى ، هنفترض ان انت عندك Public DNS ، يعنى عندك سيرفر وادتله Public IP Address ، هل بقى تفتكر انه من الحكمة انك تخلى اى حد انه يستخدم ال Public DNS ده ؟ او انه مثلا يعمل recursive query لاي حد فى الدنيا بمعنى ادق ؟  
اكيد طبعا لا لان هيكون فى Load كبير جدا على السيرفر ده

يبقى اذا لو انت عندك شركة المفروض تخلى ال Local DNS اللى عندك هو اللى يعمل ال recursive query ، الحاجة الثانية اللى لازم تحطها فى اعتبارك وهى عملية ال sizing

يعنى مثلا متروحش تجيب مكنة تعبانة ويكون عندك عدد كبير من ال client وتستخدمها ك DNS ، ففى الحالات اللى زى كده حاول انه يكون عندك

اتنين DNS Servers علشان توزع ال Load عليهم او 3 كمان ، مش هيزعلك  
فى حاجة

اخر حاجة بقى طالما انه هيكون عندك سيرفر او Local DNS ، هل بقى تفتكر  
انه من الافضل انه بدل ما ال Local DNS ده عمال كل شوية اى حد يسأله  
يروح يدور على النتيجة على النت وبعدين يجبهاله ، ولا انه اى حد طلب منه  
اى حاجة فالمفروض انه يخزنها عنده ولما ياجى اى حد تانى يسأله ميروحش  
يدور على النت بقى ، ويروح باعتله النتيجة على طول لانها متخزنة عنده ؟

اكيد طبعا الافضل ان ال Local DNS ده يخزن النتائج عنده ، وكده انا فى  
الحالة دى ممكن اعمل Extend لل Capability بتاعت ال Local DNS واخليه  
يعمل عملية Cashing

وعملية ال Cashing بكل بساطة معناها ان كل عملية resolve تتم ، اخلى ال  
Local DNS يخزن الناتج عنده ، وبالتالي لما ياجى يوزر يطلب url معين ، فال  
Local DNS يبعثله الناتج بسرعة

برضو عملية تخزين ال Cash ده او ال records دى مش بتتخزن الى  
ما لا نهاية ، لازم تاخذ بالك من النقطة دى كويس اوى ، طيب ازاى الكلام  
ده ؟

بص دلوقتى بداية من ال root servers ومرورا بال Top Level Domains ، كل ال DNS Servers دى ، كل واحد منهم بيكون عامل لل records اللى عنده دى حاجة اسمها **TTL** ، اى بقى ال TTL ده ؟؟؟

بص ال TTL هى اختصار ل **Time To Live** ، ومعناها ان مثلا لما ال Local DNS يروح يسأل ال Public DNS او ال Top Level Domains ، فهيردوا عليه ويقولوله انه ممكن يحتفظ بالعنوان ده لمدة 12 ساعة مثلا وبعدها ياجى يسأل ال Public DNS دى من تانى لو حب يعنى فال TTL دى عبارة عن وسيلة علشان تتحكم فى الوقت اللى هيخزن فيه ال records دى قد اى بالظبط

انت ممكن تسال وتقول طب وليه يكون فى اصلا ال TTL دى ؟ بكل بساطة دلوقتى ال DNS اللى شايل الموقع اللى اسمه [www.redhat.com](http://www.redhat.com) دلوقتى بقى ال IP بتاعه مثلا كذا ، وجى بقى ال Local DNS خد ال IP بتاع الموقع ده من ال DNS الكبير ده ، وجه مثلا ال DNS اللى شايل الموقع ده حب انه يغير ال IP بتاع الموقع ده ، فاكيد كان لازم يكون فى حاجة اسمها ال TTL علشان لما ال Local DNS يسأل ال DNS الكبير ده ، يرد عليه بال IP الجديد ديما ، الموضوع شبه عملية ال lease time بتاعت ال DHCP اللى هو كل فترة معينة لازم تيجى تسال ال DHCP عن ال IP الجديد هيكون اى بالظبط

## فى بقى عندك مجموعة من ال DNS كالتالى

### Providers Tested

Let's compare them and see how fast they are from across the world.  
Those were the top 8 free DNS providers that we chose to evaluate:

**Google 8.8.8.8:** Private and unfiltered. Most popular option.

**CloudFlare 1.1.1.1:** Private and unfiltered. New player.

**Quad9 9.9.9.9:** Private and security aware. New player that blocks access to malicious domains.

**OpenDNS 208.67.222.222:** Old player that blocks malicious domains and offers the option to block adult content.

**Norton DNS 199.85.126.20:** Old player that blocks malicious domains and is integrated with their Antivirus.

**CleanBrowsing 185.228.168.168:** Private and security aware. New player that blocks access to adult content.

**Yandex DNS 77.88.8.7:** Old player that blocks malicious domains. Very popular in Russia.

**Comodo DNS 8.26.56.26:** Old player that blocks malicious domains.

طيب نرجع بقى لموضوعنا ، دلوقتى بقى ال Client لما يحب يكلم ال Local DNS هيكله على بورت 53 UDP ، وبرضو لما ال Local DNS يحب يكلم ال Public DNS هيكله برضو على بورت رقم 53 UDP ، طب وليه UDP ؟ ببساطة علشان عملية ال resolving تكون باسرع وقت ممكن

هنروح بقى لجهاز السيرفر اللى عندنا ، وبالمناسبة احنا عندنا اتنين DNS Servers هنشغل عليهم ، الاول هنبدا بالصعب

اول واحد هنشغل معاه اسمه BIND DNS هو اسمه كده ، اسم ال DNS هو BIND

## yum search dns

اهو

**bind.x86\_64 : The Berkeley Internet Name Domain (BIND) DNS (Domain Name System)**

و BIND ده ممكن تعتبر هو اشهر DNS فى التاريخ كله

The Most Popular DNS Server In The History

وبالمناسبة ال Backbone بتاع الانترنت كله هتلاقيه قايم على BIND ده ، يعنى مثلا لو انت عندك ال 13 root server دول ، فانت عندك بتاع 9 او 10 منهم قايمين على BIND ده وهتلاقى مكنة واحدة بس فى الاخر هى اللى شغالة ويندوز

و BIND ده بينزل معاه شوية Packages مساعدة ليه ، تعالى اقولك على اسماهم

اول حاجة ال Package دى

#### **bind.x86\_64 : The Berkeley Internet Name Domain (BIND) DNS (Domain Name System)**

دى لوحدها عبارة عن اسم ال Package بتاعت ال DNS Server نفسه ، بمعنى ان انت لو عملت install لل Package دى فكد هيكون عندك ال DNS Service ذات نفسها او بمعنى اخر هيكون عندك ال DNS ، وبالتالى ممكن تشغلها ك Service ذات نفسها



هتلاقى بقى معاها شوية Libraries خاصين مثلا بال 32 bit systems وفى برضو الخاصين بال 64 bit systems ، ومعاها كمان نسخة lite version وفى كمان ال Bind License

وفى برضو عندك Package تانية بالشكل ده

**bind-pkcs11-utils.x86\_64 : Bind tools with native PKCS#11 for using DNSSEC**

ودى بتستخدمها لما تيجى تعمل DNS SEC ، وهى اللى بتستخدمها لما تيجى تعمل Signing لل Records بتاعتك لو انت هتشتغل DNS SEC

فى عندك برضو Package بالاسم ده

**bind-utils.x86\_64**

اى بقى bind-utils دى؟؟ دى عبارة عن package بتديك شوية utils تستخدمها ك Client وليس ك Server

فى برضو عندك Package تانية اسمها

**bind-chroot.x86\_64 : A chroot runtime environment for the ISC BIND DNS server**

دى عبارة عن Package بتسمحلك انك تعمل chroot لل binaries  
وال configuration بتاعت ال DNS Server ، بمعنى اخر كلمة chroot اصلا  
معناها انى هحجز ال binaries وال configuration بتاعت service معينة  
واخليها موجودة بمكان ما ، بحيث ان لو حد عمل اى attack عليها يكون  
محجوز او ميقدرش انه يوصلها ، وال chroot فى بعض ال OS زى ال BSD  
بيسموها هناك Gail يعنى سجن ، فهى بكل بساطة معناها انى بحجز  
ال binaries او ال configuration files الخاصة ب service ما بحجزها فى مكان  
مختلف تماما عن مكانها الاصلى

والمكان ده بيكون هو ال Parent بتاعها ، فا بيقولك انه يفضل جدا ان لو عندك  
service معينة وتقدر انك تعملها chroot ، فاعملها ال chroot متستناش يعنى

تعالى بقى نعمل setup لل DNS ، ونعمله كمان chroot

اه بالمناسبة ال BIND ده عبار عن Implementation اول لل DNS ، عندنا بقى Implementation تانى تبع RedHat وبدأت انها تنزله من اول الاصدار رقم سبعة اسمه unbound

### **unbound.x86\_64 : Validating, recursive, and caching DNS(SEC) resolver**

وال unbound ده هو عبارة عن recursive و caching DNS فى نفس الوقت طيب اى بقى الفرق بينه وبين BIND ؟ ال unbound بتستخدمه فى حالة ان انت عندك شبكة وعايز تعمل recursive lookup او caching للشبكة دى بس

فلو انت استخدمت ال unbound ، فانت هتستخدمها علشان تعمل recursive lookup او تعمل caching لل records اللى بتطلعك من علي ال recursive lookup دى ، لكن مش هتقدر انك تعمل دومينز داخلية او حتى Public Domain تشتغل عليها ، فدى ي حد ذاتها مشكلة

تعالى بقى على جهاز السيرفر وسطب الكام Package دول

**yum install bind bind-chroot bind-utils**

بالمناسبة برضو ملفات ال configuration بتاع ال DNS موجودة فى المسار ده

**ls /etc/named**

وتضغط اتنين tab هيطهرلك الناتج بالشكل ده

```
[root@server ~]# ls /etc/named
```

```
named/                named.conf            named.iscdlv.key  
named.rfc1912.zones  named.root.key
```

اذا الملف الرئيسى اللى فيه ال configuration بتاعت ال DNS هو الملف

**named.conf**

**vim /etc/named.conf**

هتقولى ازاي يعم ، ازاي بما اننا نزلنا ال Package اللى هي Chroot ، ليه بقى  
ملفات ال configuration ما راحتش فى مكان لوحدها كده ؟ هقولك بقى ان  
انت اللى المفروض تاخذ الملفات دى وتنقلها فى المكان الخاص بيها

طيب هتلاقى عندك برضو شوية ملفات كده زى الملف ده

**less /etc/named.iscdlv.key**

هتلاقى فيه شوية keys كده ، ملناش دعوة بيهم دلوقتى

وبعد كده هتلاقى عندك الملف ده برضو

**less /etc/named.rfc1912.zones**

هتلاقى بقى فى الملف ده شوية zones وهى جاية كده مع التسطيب ، وهتلاقى

ال zones الموجودة دى موجودة لل Local Host ولل localhost.domain

وهتلاقىها موجودة مرة لل IPv4 ، ومرة لل IPv6

فى عندك برضو ملف تانى

**less /etc/named.root.key**

برضو عبارة عن شوية keys رايحة لل root هنعرفها بعدين ولازم تراجع الفيديو

رقم 78 فى الدقيقة رقم 49

عندك برضو الملف ده

**less /var/named/named.ca**

عارف اى بقى اللى فى الملف ده ؟؟ مفاجأة ، اللى موجود فى الملف ده هو  
ال 13 root servers ، بالشكل ده

**;; ANSWER SECTION:**

.	518400	IN	NS	a.root-servers.net.
.	518400	IN	NS	b.root-servers.net.
.	518400	IN	NS	c.root-servers.net.
.	518400	IN	NS	d.root-servers.net.
.	518400	IN	NS	e.root-servers.net.
.	518400	IN	NS	f.root-servers.net.
.	518400	IN	NS	g.root-servers.net.
.	518400	IN	NS	h.root-servers.net.
.	518400	IN	NS	i.root-servers.net.
.	518400	IN	NS	j.root-servers.net.
.	518400	IN	NS	k.root-servers.net.
.	518400	IN	NS	l.root-servers.net.
.	518400	IN	NS	m.root-servers.net.

وکمان هتلاقی تحت کل سیرفر فیهم وقصاده ال IP بتاعه ، سواء IPv4 او

IPv6

**;; ADDITIONAL SECTION:**

<b>a.root-servers.net.</b>	<b>3600000 IN</b>	<b>A</b>	<b>198.41.0.4</b>
<b>a.root-servers.net.</b>	<b>3600000 IN</b>	<b>AAAA</b>	<b>2001:503:ba3e::2:30</b>
<b>b.root-servers.net.</b>	<b>3600000 IN</b>	<b>A</b>	<b>192.228.79.201</b>
<b>b.root-servers.net.</b>	<b>3600000 IN</b>	<b>AAAA</b>	<b>2001:500:84::b</b>
<b>c.root-servers.net.</b>	<b>3600000 IN</b>	<b>A</b>	<b>192.33.4.12</b>
<b>c.root-servers.net.</b>	<b>3600000 IN</b>	<b>AAAA</b>	<b>2001:500:2::c</b>
<b>d.root-servers.net.</b>	<b>3600000 IN</b>	<b>A</b>	<b>199.7.91.13</b>
<b>d.root-servers.net.</b>	<b>3600000 IN</b>	<b>AAAA</b>	<b>2001:500:2d::d</b>
<b>e.root-servers.net.</b>	<b>3600000 IN</b>	<b>A</b>	<b>192.203.230.10</b>
<b>e.root-servers.net.</b>	<b>3600000 IN</b>	<b>AAAA</b>	<b>2001:500:a8::e</b>
<b>f.root-servers.net.</b>	<b>3600000 IN</b>	<b>A</b>	<b>192.5.5.241</b>
<b>f.root-servers.net.</b>	<b>3600000 IN</b>	<b>AAAA</b>	<b>2001:500:2f::f</b>
<b>g.root-servers.net.</b>	<b>3600000 IN</b>	<b>A</b>	<b>192.112.36.4</b>
<b>g.root-servers.net.</b>	<b>3600000 IN</b>	<b>AAAA</b>	<b>2001:500:12::d0d</b>
<b>h.root-servers.net.</b>	<b>3600000 IN</b>	<b>A</b>	<b>198.97.190.53</b>
<b>h.root-servers.net.</b>	<b>3600000 IN</b>	<b>AAAA</b>	<b>2001:500:1::53</b>
<b>i.root-servers.net.</b>	<b>3600000 IN</b>	<b>A</b>	<b>192.36.148.17</b>
<b>i.root-servers.net.</b>	<b>3600000 IN</b>	<b>AAAA</b>	<b>2001:7fe::53</b>
<b>j.root-servers.net.</b>	<b>3600000 IN</b>	<b>A</b>	<b>192.58.128.30</b>
<b>j.root-servers.net.</b>	<b>3600000 IN</b>	<b>AAAA</b>	<b>2001:503:c27::2:30</b>
<b>k.root-servers.net.</b>	<b>3600000 IN</b>	<b>A</b>	<b>193.0.14.129</b>
<b>k.root-servers.net.</b>	<b>3600000 IN</b>	<b>AAAA</b>	<b>2001:7fd::1</b>
<b>l.root-servers.net.</b>	<b>3600000 IN</b>	<b>A</b>	<b>199.7.83.42</b>
<b>l.root-servers.net.</b>	<b>3600000 IN</b>	<b>AAAA</b>	<b>2001:500:9f::42</b>
<b>m.root-servers.net.</b>	<b>3600000 IN</b>	<b>A</b>	<b>202.12.27.33</b>
<b>m.root-servers.net.</b>	<b>3600000 IN</b>	<b>AAAA</b>	<b>2001:dc3::35</b>

علشان بعد كده لما تيجى تعمل resolve ، تكون عارف توصل لل root servers الاول ، لان انت لو مش قادر توصل لل root servers ازاي هتعمل queries اصلا ، فانت بمجرد ما تعمل install لل Packages دي فال Packages دي هتخلي عندك شوية ملفات كده علشان على الاقل تعرف تشغل ال service

تعالى بقى نشغل ال Service دي ، وبالمناسبة ال Package اسمها bind ، انما ال service اسمها named

**systemctl start named**

**systemctl status named**

لو انت فاكرا اننا قولنا اننا هنشغل **chroot version** من ال named ، وده معناها ان ملفات ال bind او ال named لازم تكون موجودة فى مكان غير المكان الاصلى بتاعها

وال Package اللى اسمها **named-chroot** او **bind-chroot** الاتنين واحد يعنى ال Package دي بقى هتعملك Install للملفات فى مكان تانى خالص



او بمعنى اخر هتشغلك ملفات ال bind او ال named من مكان تانى خالص ، طيب دلوقتى بقى من اول الاصدار RHEL 7 ، فانت لازم توقف ال service دى كلها

## **systemctl stop named**

وكمان هتعملها disable فى حالة انها لو مكانتش disabled by default

## **systemctl disable named**

هتقولى اى يعم اللى انت بتقوله ده ، او مال انا هشغل ال DNS ازاي بقى ؟؟؟ هقولك ثانية واحدة بما اننا هنشغله **chrooted** ، ففى اصلا binary موجود هو ده اللى هنستخدمه بدل ال binary بتاع named الاصلى ، ال Binary بتاع ال chrooted service اسمه named-chroot وليس named فقط

هتسال برضو وتقول طب انا هغير ازاي الاماكن بتاعت ملفات ال Configuration ازاي ؟؟ بص يا سيدى الجماعة ال Developers عملوك Script جى مع ال Package اللى هى ال bind موجود فى المسار ده

**/usr/libexec/setup-named-chroot.sh**

بكل بساطة انت هت run الاسكريبت ده فى الترمنال وتحددله انت عايز تعمل setup لل chroot environment فى المسار المحدد بالشكل ده وكمان هتقوله فى الاخر كده انك عايز تعمل enable لل chrooted environment بالشكل ده

**/usr/libexec/setup-named-chroot.sh /var/named/chroot on**

تعالى بقى اعمل

```
[root@server ~]# ls /var/named/chroot/  
dev/ etc/ run/ usr/ var/
```

هتتفاجأ انه ظهر فى ال directory دى شوية directories هما عبارة عن نسخة مصغرة لل file system بتاعك وكل directory فيهم بقى فيها الملفات الخاصة بال service دى

وطبعاً دى ظهرت لما انت استخدمت ال Script ده ، وكل اللى عمله الامر ده انه نقلك الملفات اللى انت محتاجها علشان تعمل setup لل DNS فى isolated environment وخليها لك فى المسار ده

**/var/named/chroot/**

طيب وعلشان تكون برضو فى الامان اكثر ، ممكن تعمل mask لل service  
اللى اسمها named

**systemctl mask named**

وبعدها بقى تعمل enable لل named-chroot

**systemctl enable named-chroot**

**systemctl start named-chroot**

**systemctl status named-chroot**

كده احنا مشغلين ال DNS ومشغلينه كمان من خلال chrooted environment  
يعنى بدل ما كنا بنشغله من /etc ، لا دلوقتى بقينا بنشغله بالمسار اللى احنا  
حددناه بنفسنا

طبعا لو تاخذ بالك اننا شوفنا نوعين من الملفات الخاصة بال DNS حتى الان  
النوع الاول هو ال Configuration File اللي هو كان هنا

**less /var/named/chroot/etc/named.conf**

والنوع التانى هو ال Data File زى الملف ده

**less /var/named/chroot/var/named/named.ca**

وال Data Files احنا شوفنا الكود اللي جواها وهو عبارة عن اسماء ال root  
servers

# 12-Caching Name Server

طبعا فى المرة اللى فاتت احنا اتكلمنا عن ال DNS وال BIND وقولنا اننا المرة دى هنبدا نتكلم عن ال Caching Name Server وبعد كده هنتكلم ان شاء الله عن ال Master Server او ال Master Name Server وفى ال Master Name Server هنتكلم فيه عن ال Forward Lookup وال Reverse Lookup ، وبعد ما نخلص الجزء ده ان شاء الله ، هنتكلم على جزء ال Slave Server وبرضو ال Slave Server هنخلص فيه جزء ال Forward Lookup وال Reverse Lookup ، وجزء ال slave server هيكون جزء سهل ان شاء الله ، كل اللى هنعمله اننا هنقوله روح هات من ال Master الايبى الفلانى ، يبقى كده معظم شغلنا هيكون فى ال Master Server

طيب دلوقتى بقى الجزء اللى احنا عايزين نخلصه دلوقتى ، هو جزء ال Caching Name Server ، وحتة ال Caching Name Server دى سهلة جدا ، كل اللى عليك تعمله انك تعدل 2 directive او 3 directive وكلمة directive معناها **statement** او **Line** واحد او سطر واحد فى ال Configuration

طيب لو انت فاكّر من المرة اللى فاتت اننا قولنا ان ملفات ال configuration كانت موجودة دىما فى /etc/ ، لكن بما اننا عملنا install لل Package اللى اسمها bind-chroot

فكده هي عملتك عزل تام لملفات ال configuration وملفات ال Data الخاصة بال service اللي هي bind وخليتها فى مكان جديد خالص وهو

## **/var/named/chroot**

وعملية العزل دي احنا بنعملها علشان ن Limit الاضرار اللي ممكن تحصل لل DNS لو حصل عليه اى عملية Hack

طيب انت دلوقتى علشان متغلبطش وتروح فى مرة كده تعدل الملف اللي موجود فى etc بدل الملف اللي موجود var/named/chroot ، يبقى احسن ليك انك تمسح الملف اللي موجود فى etc ، وتعمل softlink من الملف اللي موجود فى var/named/chroot/etc بالشكل ده

**rm -f /etc/named.conf**

**ln -s /var/named/chroot/etc/named.conf /etc/named.conf**

وبالتالى انت كده ضمنت ان لو فى system admin تانى هياجى مش ضامن انه ميكونش عارف حته ال chroot وتلاقيه راح عدل فى الملف الاصلى ذاته نفسه وبالمناسبة الخطوة دي غير مطلوبة على الاطلاق ومش هتفيدك بحاجة ، لكن انت بتعملها علشان تحاول انك تتلاشى حدوث اى مشكلة ممكن تحصل

تعالى بقى نفتح الملف بتاعتنا

**vim /var/named/chroot/etc/named.conf**

طبعا فى ملحوظة تانية وهى ، حاول متخلّش الملف ده كبير جدا ، بمعنى ان انت ممكن تستخدم ال include وبالتالي هتوفر كتير فى عدد الاسطر اللى فى ملف ال configuration الرئيسى بالشكل ده

**include "/var/named/chroot/etc/myzones.conf"**

وهكذا بقى ، ممكن تعمل اى ملف configuration لوحده ، وبعدها تبقى عمله  
include

تعالى بقى نبص على اول السطور اللى موجودة فى الملف ده او اول  
ال directives فى الملف ده

```
options {  
    listen-on port 53 { 127.0.0.1; };  
    listen-on-v6 port 53 { ::1; };  
    directory      "/var/named";  
    dump-file       "/var/named/data/cache_dump.db";  
    statistics-file "/var/named/data/named_stats.txt";  
    memstatistics-file "/var/named/data/named_mem_stats.txt";  
    allow-query     { localhost; };
```

ال options دى هى اللى بتعرف ال general settings بتاع ال DNS ، عندك مثلا اول حاجة وهى انه بي listen على بورت 53 ، وفاكر لما قولتلك ان ال DNS عنده بورتين شغال عليهم

اول حاجة وهو البورت رقم 53 UDP وده علشان ال End User يقدر انه ي connect على ال DNS Server يعنى يحاول يستخدمه علشان يعمل resolve

وبرضو بيستخدم نفس البورت 53 بس TCP علشان ال Master Name Server يقدر انه يكلم ال Slave Name Server علشان يعمل حاجة اسمها

## Zone Transfer

يبقى كده السطر ده

**listen-on port 53 { 127.0.0.1; };**

خاص بال End User ، يعنى ده البورت اللى ال End User هي Listen عليه ، وبالمناسبة بقى كل ال Machines بتاعت ال End User بيستخدموا البورت رقم 53 بي By Default علشان يكلموا ال DNS علشان يعملوا عملية ال resolve فاكيد مش من الحكمة خالص انك تروح تغير البورت ده ، لان مين من الناس هيعرف ان ال DNS غير البورت بتاعه



طیب هنا بقى فى السطر ده برضو انا قولتله انه ي listen على البورت ده ،  
قولت لل DNS Server انه يتصنت على البورت ده على اى حاجة جياته عن  
الطريق البورت ده ويبدأ انه يعملها عملية resolve بس انت هتعمل resolve من  
مين بالظبط ، بص بي By Default هتلاقى ال Settings بتقولك انه هيعمل  
resolve من ال Local Host بس ، يعنى انت هت listen ك DNS Server لل  
Local Host بس  
من الاخر كده ال DNS جى Configured انه يعمل resolve لنفسه بس مش من  
نفسه ، خد بالك من النقطة دى كويس

دلوقتى بقى انا لو خليتته يعمل resolve لنفسه كده انا استفدت اى بقى ؟ اكيد  
طبعا مستفدتش حاجة ، فا طبعا المفروض ا قوله هو هي Listen على انهى IP  
Address كمان يعنى انا هقوله انه هي listen على ال IP Address بتاع ال DNS  
Server ذات نفسه ، بالشكل ده

**options {**

**listen-on port 53 { 127.0.0.1; 201.201.0.3; };**

ولاحظ ان فى semicolon بعد ما تكتب ال IP اللى هي Listen عليه وكمان فى Space قبل ما تقفل القوس ، اوعى تنسى المسافات دى علشان لو جيت عملت restart لل service ال service هت Failed منك

يبقى كده ال DNS هي listen لنفسه ، وطبعاً هي Listen على ال Interface اللى ال IP بتاعه **201.201.0.3** ، معنى كده ان انت لو عندك DNS Server وعندك مثلاً بتاع اربعة Interfaces ، مثلاً واحد من ال Interfaces دى واصل بال Public Internet وواحد واصل بال Zone بتاع ال **DMZ** ، وواحد واصل بال zone بتاع ال **internal net work**

فانت ممكن تقوله انت يا DNS هتستخدم علشان ت Listen لل IP Addresses كذا وكذا بس

او لل IP Address الفلانى بس ، معنى كده ان لو فى user جايلك ، وال user ده جايلك على IP تانى خالص ، زى مثلاً انه جاى عن طريق ال Public Internet ، هل ال DNS هيقدر انه يعمل resolve ؟ طبعاً لا

طيب انت ممكن تحددله IP زى ما قولنا او عدد معين من الايبيات ، او ممكن تريخ دماغك خالص وتقوله any ، وال any ده عبارة عن Special Case او Special Statment ومعناها انه ي Listen على اى Interface عندك ، او بمعنى اخر انه هي Listen على اى IP يكون Configured عندك

يعنى من الاخر كده ال DNS ده هيبقى فى وضع ال waiting لاي Quarry  
يجيله من ال IP ده او بشكل ادق من ال Interface اللى واخذ ال IP ده

طبعا البشمةهندس مصطفى بيقول انه عمره ما هيسخدم كلمة any خالص الا  
لجهاز واحد بس والجهاز ده عليه IP واحد بس

يعنى يكون عندك DNS Server ويكون واصل بيه Interface واحد بس وبالتالى  
هنا بقى ممكن يستخدم كلمة any وطبعا بما انه عادة معظم ال DNS Servers  
بيكون ليها اكثر من Interface فبالتالى الافضل انك تكتب ال IP بالظبط بس

بعد كده بقى فى السطر ده

**listen-on-v6 port 53 { ::1; };**

ومعناه انه هي listen على نفس البورت ، بس لل IPv6 ، وطالما انت عندك  
IPv6 فانت ممكن تحطه هو كمان بالشكل ده

**listen-on-v6 port 53 { ::1; fe80::412b:9377:35eb:63fb; };**

لكن بما انى معنديش او بمعنى اخر مش بنهتيم بال IPv6 دلوقتى فاحنا  
هنتخطى النقطة دى دلوقتى

بعد كده بقى بيبدأ انه يعرفنى شوية حاجات كده ،

بالنسبة بقى للسطر ده

```
directory    "/var/named";
```

معناه انه بيعرف ال DNS فين بقى ال directory اللى فيها ال Data بتاعتك  
او بمعنى اخر فين ال Data Directory بتاعتك ، بس خلى بالك ان المسار ده

**/var/named**

هو عبارة عن Equivalent للمسار ده

**/var/named/chroot/var/named**

خد بالك كويس من النقطة دي ، ان المسار اللى فوق هو هو المسار اللى  
تحت ، وليه قاله **var/named/** ، لانها ببساطة بقت chrooted دلوقتى ،  
وابقى ارجع برضو للفيديو رقم 79 فى الدقيقة 30

المهم السطر اللي بعد كده وهو

```
dump-file "/var/named/data/cache_dump.db";
```

اي بقى ال dump-file ده ؟ بص دلوقتى لو واحد جى وطلب من ال DNS ده انه عايز يعمل query للموقع اللي اسمه facebook.com ، فال DNS بعد ما يروح يدور على ال IP بتاع الموقع ده ويجيب المعلومات ، هياخد بقى الناتج ده ويعمله عملية dump يعنى يخزنه فى الملف ده

```
/var/named/data/cache_dump.db
```

السطر اللي بعد كده

```
statistics-file "/var/named/data/named_stats.txt";
```

هو عبارة عن ال Statistics file الخاصة بالاباتشى ، زى مثلا عملية ال Query خدت وقت قد اى بالضبط وهكذا

السطر بقى اللى بعد كده

```
memstatistics-file "/var/named/data/named_mem_stats.txt";
```

هنا بقى بعض ال memory statistics الخاصة بال service ذات نفسها ، يعنى  
ال service دى خدت قد اى من الرام

بعد كده بقى السطر ده

```
allow-query { localhost; };
```

هنا بقى انا بقوله مين اللى يقدر انه يستخدمنى علشان يعمل query منى  
يعنى مثلا انا عندى ال DNS Server بتاعى والسيرفر ده ليه اكثر من Interface  
وطبعا كل انترفيس منهم بيكون واصل بشبكة مختلفة ، يعنى مثلا عندك  
Interface بيكون واصل بالشبكة اللى فيها السيرفرات اللى احنا بنسميها  
ال DMZ وواحد تانى واصل بال Public Network وواحد تانى واصل بال  
Internal Network اللى فيها ال End User

طيب دلوقتى بقى زى ما احنا عارفين ان ال Public Network هى اى حاجة  
خارج ال range ده

**10.0.0.0**

**192.168.0.0**

**172.16.0.0**

دلوقتی بقى ال DMZ هقوله انها موجودة فى ال range اللی هو

**172.16.0.0/16**

والشبكة ال Internal بقى الخاصة بال End Users هتكون موجودة مثلا فى  
ال range ده

**10.0.0.0/8**

هنا بقى انا ممكن اقول لل DNS ان اللی يقدر انه یعملك Query هما الناس  
اللی جايين من ال Internal Network بس ، فکده انا هقوله انه یعمل allow لل  
subnet دى بس وبالتالي اى حد من ال DMZ مش هيقدر انه ی query  
ال DNS ، وبکده انا ممكن ا Limit مین اللی يقدر یستخدمنى ک DNS عن  
طریق ال directive اللی اسمها allow-query دى

وزى ما انت شايف کده ان ال DNS جاي ب By Default انه بی Listen لنفسه  
وبی allow ال Queries لنفسه برضو ، یعنى من الاخر کد جى شغال  
ک Stand Alone DNS یعنى بیشتغل على المکنة اللی هو متسطب عليها فقط

دلوقتى بقى انا هنا لو عايزه ي listen لاي Network هقوله بالشكل ده

```
allow-query { localhost; 201.201.0.1/24; };
```

ومتنساش ال ; ال semicolon

وبالمناسبة انت ممكن تقوله هنا برضو any ، طيب دلوقتى بقى افرض انى عايز احط subnet تالته ، عادى جدا اكتبها برضو ومتنساش ال ; ومتنساش كمان ان فى الاخر فى space قبل ما تقفل القوس

دلوقتى بقى انا هضيف directive جديدة واقوله انه هيسمح انه يعمل cash لمين بالضبط ، بالشكل ده

```
allow-query-cache {localhost; 201.201.0.1/24; };
```

وده معناه انه هيعمل cache لل results بتاعت الناس اللى فى ال range ده

**201.201.0.1/24**



بعد كده بقى فى عندنا شوية directive تانية ، احنا مش محتاجينها خالص زى  
السطر ده

**dnssec-enable yes;**

انا هنا مش محتاج ال DNS SEC خالص دلوقتى ، وبالتالى انا ممكن احذفها  
دلوقتى ، او اسيبها براحتى ، وبرضو السطر اللى بعد كده

**dnssec-validation yes;**

وهو ال DNS SEC Validation ده هبقى نجيله بعدين

وطبعاً بالنسبة للسطر ده

**recursion yes;**

فانا اكيد هخليه لانى عايز ال DNS انه يعمل recursive lookup للناس اللى  
بتعمله Query

فی بقى directive تانى وهى ال logging

```
logging {  
    channel default_debug {  
        file "data/named.run";  
        severity dynamic;  
    };  
};
```

ودى بتحدد لل DNS Server ال logging بتاعته ، وکمان ال Channel بتاعت  
ال Logging اسمها ال default\_debug وکمان هيخزن ال logs بتاعته جوه  
ملف اسمه

### **/data/named.run**

وال severity بتاعته هتكون dynamic ، طيب دلوقتى ال severity دى عبارة عن  
جزء خالص بال Log Server وبما اننا لسه مخدناش ال log server فاحنا  
هنتخطاها دلوقتى

بعدین بقى فى الاخر خالص فى عندك ال 2 statment دول

```
include "/etc/named.rfc1912.zones";  
include "/etc/named.root.key";
```

اول سطر وده بيعمل include لل data بتاعت الملف اللى فيه  
ال Root Servers ، والسطر التانى بيعمل include لل Keys بتاعت ال Root  
Servers دى

فى عندك برضو statement تانية وهى

```
zone "." IN {  
    type hint;  
    file "named.ca";  
};
```

وال zone اللى هى . dot دى ، هى عبارة عن ال Parent بتاع كل ال DNS اللى  
موجود فى الدنيا ، اصلا اصلا ال root servers كلهم بيشاوروا على ال . dot دى

ويقولك كمان ال type بتاعها هو hint وكمان ال file بتاعها هو named.ca ،  
طب اى اصلا ال type اللى هو hint ده ؟؟؟ بص كمان شوية هنيجي نعرف ال  
zones بتاعت ال Master Server وساعتها هنبقى نيجى لل type ، يعنى احنا اصلا  
هنعمل zones بايدينا وهنشرح كمان انواع ال Zones دى هى كمان ، فا خلى  
الجزء ده كمان شوية

خلاص كده احنا خلصنا الملف بتاعتنا ده ، اطلع منه بقى

**:wq**

وبعدها بقى اعمل restart لل named-chroot

**systemctl restart named-chroot**

**systemctl status named-chroot**

بالمناسبة متنساش ان المسار ده

**/usr/share/doc**

فى Sample Files لاغلب ال Services اللى انت بتعملها install عندك ، فانت لو  
فى ملف configuration ناقص عندك ، ممكن تروح تجيبه من المسار ده

زى مثلا ملف ال named.conf

**/usr/share/doc/bind/named.conf.default**

بالمناسبة لازم تخلق بالك من موضوع ان الملف يكون مملوك لل owner اللى هو ال root لكن ال group لازم تكون هى named

كده انت لازم تعدل ال ownership وتعديل كمان ال Selinux Context ، وده فى حالة انك هتأخذ نسخة من الملف ده من المسار

**/usr/share/doc/bind/named.conf.default**

بالشكل ده

**restorecon -R /etc/named.conf**

وبعدها

**ls -Z /etc/named.conf**

ولازم برضو ترجع للفيديو ده علشان مهم جدا ، وخصوصا من اول الدقيقة رقم

42

كده انا بعد ما عملت restart لل service دى ناقصلى خطوة اخيرة وهى انى  
اخلى ال firewall يعمل allow لاي حد يعمل query على البورت رقم 53

**firewall-cmd --add-service=dns --permanent**

**firewall-cmd --reload**

كده بقى انا جاهز انى اروح على المكنة بتاعت ال End User واعمل Query  
منها

هاجى بقى على ال setting واقوله انه يعمل resolve من ال DNS اللى هو  
201.201.0.3 ، نفس الفكرة اللى انت بتعملها لما بتغير ال IP فى الالاب  
بتاعك او الموبايل

بس هنا هتقوله على ال DNS اللى انت عملته ، وبالمناسبة انت ممكن تعمل  
الكلام ده على جهاز ال client لو كان لينكس عن طريق ال nmcli

**nmcli connection modify Wired ipv4.dns 201.201.0.3**

**nmcli connection down Wired**

**nmcli connection up Wired**

تعالی بقى روح على ال browser بتاع ال client وجرب تفتح مثلا اى موقع

طيب بص فى حاجة مهمة هنا ، دلوقتى البشمةهندس او احنا لما روحنا لجهاز ال client وجربنا فى ال browser اى موقع او حتى عملنا ping ، وجينا علشان نشوف ال logs بتاعت ال DNS ، قصدى يعنى علشان نشوف هل ال traffic ده بيعدى على ال DNS Server ده ولا لأ ، معرفناش الحقيقة نعرف ، لكن البشمةهندس مصطفى استخدم طريقة تانية علشان يعرف اذا كان ال traffic بيعدى على ال DNS Server ده ولا لأ ، هو استخدم الامر ده

**tcpdump -n udp dst port 53**

طيب بص بقى شرح الكلام ده من تانى

دلوقتى انا عندى DNS موجود ، بس مش متأكد هل الترافيك بيعدى عليه ولا لأ فا احنا عندنا 3 طرق علشان تعرف اذا كان الترافيك بيعدى على ال DNS Server ده ولا لأ ، طيب دلوقتى بقى ال configuration بتاع ال DNS هو very customizable ان انت تقول لل DNS اعملى Log لكل Query يحصل عليك حرفيا ، مش كده وبس

دا انا هخليك تقسم ال Queries اللى جيا لك فى ملفات مختلفة ، وهنعمل حاجة زى كده بايدينا بس دى مش موضوعنا النهارده ، ودى كده الطريقة الاولى

اما بقى الطريقة الثانية انى اعمل dump لل data base ، او انى اعمل dump لل Memory اللى ال DNS ك service بيستخدمها علشان يعمل الكاش بتاعه ، مهو خلى بالك برضو ان كل ال caches اللى موجودة دى الخاصة بال DNS بيكون فى منها نسختين لما انت ت Configure ال Logs ، نسخة بتكون فى ال Memory ونسخة تانية بتكون فى ملف

والنسخة اللى فى ملف دى بتكون Optional ، انما بقى اللى فى ال Memory هتفضل موجودة فى ال Memory ، وبتضيع كل مرة انت بتعمل فيها restart لل service

والطريقة الثالثة انى ابص للترافيك اللى جى لل Interface بتاع ال DNS Server ده ، فاحنا هنا استخدمنا utility اسمها **tcpdump** وقولتله انى هبص على البروتوكول اللى هو UDP وعلى ال destination port رقم 53

**tcpdump -udp dst port 53**



تعالی بقی و انت منفذ الامر ده فی الترمنال ، روح بقی علی جهاز ال client  
وافتح مثلا ای web site ، ولیکن www.google.com

هتلاقی ناتج ال command ده بالشکل ده

```
listening on enp0s3, link-type EN10MB (Ethernet), capture size 262144 bytes
11:28:57.802435 IP 201.201.0.7.51670 > 201.201.0.3.domain: 16113+ A?
snippets.cdn.mozilla.net. (42)
11:28:57.802483 IP 201.201.0.7.51670 > 201.201.0.3.domain: 56570+ AAAA?
snippets.cdn.mozilla.net. (42)
11:28:57.802975 IP 201.201.0.3.25495 > 192.33.14.30.domain: 63427% [1au] A?
snippets.cdn.mozilla.net. (53)
11:28:57.803257 IP 201.201.0.3.14783 > 192.33.14.30.domain: 42648% [1au] AAAA?
snippets.cdn.mozilla.net. (53)
11:28:57.816878 IP 201.201.0.7.50229 > 201.201.0.3.domain: 45080+ A?
snippets.cdn.mozilla.net. (42)
11:28:58.603939 IP 201.201.0.3.45702 > 192.42.93.30.domain: 61214% [1au] A?
snippets.cdn.mozilla.net. (53)
11:28:58.604139 IP 201.201.0.3.25643 > 192.42.93.30.domain: 27947% [1au] AAAA?
snippets.cdn.mozilla.net. (53)
11:28:58.686624 IP 201.201.0.3.lanscholl-mpt > 84.53.139.64.domain: 50206% [1au]
A? snippets.cdn.mozilla.net. (53)
11:28:58.731239 IP 201.201.0.3.15626 > 84.53.139.64.domain: 26187% [1au] AAAA?
snippets.cdn.mozilla.net. (53)
11:28:58.783504 IP 201.201.0.3.35983 > 84.53.139.64.domain: 20289% [1au] DNSKEY?
mozilla.net. (40)
11:28:59.585512 IP 201.201.0.3.10140 > 184.85.248.65.domain: 29148% [1au]
DNSKEY? mozilla.net. (40)
11:28:59.907941 IP 201.201.0.3.27151 > 192.31.80.30.domain: 38075% [1au] DS?
mozilla.net. (40)
11:29:00.132876 IP 201.201.0.3.28991 > 192.55.83.30.domain: 58785% [1au] DNSKEY?
net. (32)
11:29:00.328201 IP 201.201.0.3.26132 > 192.36.148.17.domain: 47628% [1au] DS? net.
(32)
```

11:29:00.329267 IP 201.201.0.3.55997 > 192.36.148.17.domain: 63532% [1au] NS? .  
(28)

11:29:00.457701 IP 201.201.0.3.47584 > 192.42.93.30.domain: 16328% [1au] AAAA?  
drcwo519tnci7.cloudfront.net. (57)

11:29:00.458793 IP 201.201.0.3.12491 > 192.42.93.30.domain: 34417% [1au] A?  
drcwo519tnci7.cloudfront.net. (57)

11:29:00.546444 IP 201.201.0.3.menandmice-lpm > 205.251.194.154.domain: 6200%  
[1au] AAAA? drcwo519tnci7.cloudfront.net. (57)

11:29:00.547774 IP 201.201.0.3.51770 > 192.35.51.30.domain: 46186% [1au] A? ns-  
418.awsdns-52.com. (49)

11:29:00.548502 IP 201.201.0.3.51202 > 192.35.51.30.domain: 10232% [1au] AAAA?  
ns-418.awsdns-52.com. (49)

11:29:00.549435 IP 201.201.0.3.60316 > 199.19.56.1.domain: 27843% [1au] A? ns-  
1306.awsdns-35.org. (50)

11:29:00.550040 IP 201.201.0.3.19875 > 199.19.56.1.domain: 35835% [1au] AAAA? ns-  
1306.awsdns-35.org. (50)

11:29:00.550948 IP 201.201.0.3.32789 > 213.248.216.1.domain: 21844% [1au] A? ns-  
1597.awsdns-07.co.uk. (52)

11:29:00.551718 IP 201.201.0.3.43983 > 213.248.216.1.domain: 43487% [1au] AAAA?  
ns-1597.awsdns-07.co.uk. (52)

11:29:00.631949 IP 201.201.0.3.48110 > 205.251.198.244.domain: 46074% [1au] A? ns-  
418.awsdns-52.com. (49)

11:29:00.637660 IP 201.201.0.7.55072 > 201.201.0.3.domain: 8313+ A?  
www.google.com. (32)

11:29:00.637709 IP 201.201.0.7.55072 > 201.201.0.3.domain: 59008+ AAAA?  
www.google.com. (32)

11:29:00.638762 IP 201.201.0.3.64532 > 216.239.38.10.domain: 20088% [1au] A?  
www.google.com. (43)

11:29:00.638961 IP 201.201.0.3.12730 > 216.239.38.10.domain: 40312% [1au] AAAA?  
www.google.com. (43)

11:29:00.682085 IP 201.201.0.3.47238 > 205.251.197.202.domain: 1006% [1au] A? ns-  
1597.awsdns-07.co.uk. (52)

11:29:00.755051 IP 201.201.0.3.36063 > 205.251.194.229.domain: 2055% [1au] A? ns-  
1306.awsdns-35.org. (50)

11:29:00.855217 IP 201.201.0.3.38007 > 205.251.192.163.domain: 48500% [1au]  
AAAA? ns-1306.awsdns-35.org. (50)

طيب تعرف بقى هو ليه راح لل IPs دى كلها؟؟ عارف ليه راح لكل الايبيات ،  
ببساطة ال DNS Server بتاعك هو اللى اتمرمط وراح سأل الاول ال root  
servers وفضل يمشى لحد ما راح للسيرفر اللى شايل الموقع اللى هو  
www.google.com

طيب تعالى كده افتح ملف ال configuration من تانى ، وهتلاقى فى سطر  
كده غريب شوية وهو

**recursive yes;**

السطر ده معناه انه بيقول لل DNS Server انه هيعمل enable  
لل recursive queries ، يعنى معناها انه هو اللى هيطمرمط لحد ما يجيب الناتج  
لل user وبالتالي هتلاقى ان مجرد query بسيطة بس خلت ال DNS يروح  
يدور لحد ما يجيب النتيجة ، وبالتالي احنا كنا بنقول ان عملية ال sizing هتكون  
مهمة جدا بالنسبالك

يعنى مثلا ميكونش عندك users كتير فشخ ، وتيجى تخلص ال DNS يشتغل  
على جهاز امكانياته تعبانه زى 2 جيجا رام والكلام الفارغ ده

**كده الحمد لله ال Caching Name Server انتهى**

# 13-BIND Logging

طيب احنا دلوقتى فى الفيديو رقم 80 ، والفيديو ده هو تكملة للفيديو رقم 79 ،  
واخر حاجة كنا وقفنا عندنا هى ال Logs ، هنكمل بقى النهارده موضوعنا برضو  
عن ال Logs +

دلوقتى بقى ، انت ممكن تسأل سؤال ، وهو هل ممكن انى اخلى ال DNS  
Server بيعت ال Logs على المسار

**/var/log/messages**

على طول ؟ اكيد طبعا ممكن

المكان ده بقى يعتبر هو المكان الرئيسى بتاع ال logs بتاع السيستم بتاعك ،  
او بمعنى اخر هو ال common log بتاع السيستم

طب ازاي بقى اخلى ال DNS ي log كل حاجة بتحصل للمسار ده ؟؟ بص فى  
عندك utility كده اسمها **rndc** ، ودى عبارة عن utility بتسحملك انك تتحكم  
فى ال name server او فى ال DNS بمعنى ادق

**man rndc**

ممکن انی اقول لل DNS انه يعمل enable لل query log ، عن طریق الامر ده

```
[root@server ~]# rndc querylog
```

عارف بمجرد ما انت طبقت الامر ده ، كل ال logs اللى عندك هتتبع فى المسار

```
/var/log/messages
```

روح بقى على جهاز ال client وجرب تعمل ping مثلا او تعمل اى عملية resolve ، وروح على جهاز السيرفر واكتب

```
tailf /var/log/messages
```

هتلاقيه جايبك الرسالة دى فى وسط سطر من السطور

```
Aug 6 11:18:27 server named[1227]: query logging is now on
```

روح تانى بقى على جهاز ال client وجرب تعمل ping مثلا او تعمل اى عملية resolve ، وروح على جهاز السيرفر واكتب

## **tailf /var/log/messages**

هتلاقى بقى ال logs بتتعرضلك ، طيب اصلا اصلا احنا قبل ما نعمل حاجة زى كده ، مكنش فيه اصلا logs بتتخزن فى ال syslog

وخليك بالك بقى ان العملية دى مجهدة جدا ( عملية انك تحط ال logs فى ال /var/log/messages ) ، ليه بقى مجهدة جدا؟؟ هقولك ، تخيل ان انت عندك users كتير جدا وطبعا كل ال logs دى هتتخزن فى messages ، معنى كده انه هيكون disk intensive operation ، ولو عايز توقف موضوع انه يرمى ال logs فى messages ، فانت هتستخدم نفس الامر برضو

## **rndc querylog**

وتروح تفتح الملف تانى ، هتلاقيه بيقولك ان ال query logging is now off

تعالى بقى ناخذ الحتة اللى احنا كنا بنقول عليها اننا نخليها لفديو ال logs لما  
نجيله ، تعالى بقى افتح ملف ال configuration بتاع bind

**vim /var/named/chroot/etc/named.conf**

فاكر بقى السطر ده

```
logging {  
    channel default_debug {  
        file "data/named.run";  
        severity dynamic;  
    };  
};
```

بص يا سيدى الناس اللى عملوا ال bind ، ناس بيّفهموا جدا ، ازاي بقى  
يعم؟؟ قالك بص هو ال logs بتاعت ال DNS دى هل كلها زى بعض ولا فيها  
حاجات مختلفة؟؟

بمعنى اخر هل ال DNS ك Service ، هل لما ياجى ي log ، هي log كل حاجة  
مع بعض؟؟ طب هو اصلا قبل ما ي log كل حاجة مع بعض ، او المفروض  
اصلا قبل ما تحط ال logs دى هل المفروض انك تخليها كلها فى ملف واحد

ولا المفروض تفصلها؟؟ اكيد طبعا المفروض انها تتفصل ، ليه بقى؟؟ لان  
انت عندك debugging logs خاصة بال service ذات نفسها ، يعنى خاصة  
بال application ذات نفسه وهو شغال اللى هو bind او بمعنى اخر خاصة بال  
Process ذات نفسها ، وال Logs دى بقى اللى بيحب يوصلها عادة هما ال  
Developers

وفى عندك برضو Logs تانية خاصة بال security ، مثلا لو انت مشغل ال DNS  
SEC وال DNS SEC ده بيعمل check على ال Key الخاص بكل record فى ال  
DNS قبل ما يعمل resolve

وممكن يكون عندك برضو logs خاصة بال End Users العاديين ، وايضا ممكن  
يكون عندك logs خاصة بال Network نفسها ، وبرضو ممكن يكون عندك logs  
خاصة بال errors اللى بتحصل

يعنى مثلا ال DNS وهو شغال ممكن يحصل فيه error معين ، فقالك بس انا  
هفصلك الدنيا دى كلها عن بعض ، وتعالى بقى ارتبلك الدنيا دى كلها واسمحلك  
ان انت تعزلهم فى ملفات مختلفة

زى مثلا ال queries اللى يتعملها resolve هتكون فى ملف ، وال errors هتكون  
فى ملف ، وهكذا بقى



تعالى بقى كده ناخد مثال ، ونحط ال query logs فى مكان لوحدها ونتعامل معاها

دلوقتى بقى لما الناس حبوا يقسموا ال logs دى فى ملف ال configuration ، قالك انا هعمل حاجة اسمها channels او بمعنى اخر categories ، كلمة channel اصلا ممكن تعتبرها مكان كلمة category ، طيب دلوقتى بقى لو عايز تعمل channel خاصة بيبك ، عادى مفيش اى مشكلة خالص ، اعمل يعم channel وسميها مثلا ahmed او اى اسم ، وخط فيها اللي انت عايزه

تعالى بقى نعمل channel بالشكل ده وتسميها مثلا queries\_channel ، وبعد كده قوله انت هتخط ال logs دى بتاعت ال channel دى فى انهى file بالظبط ، وممكن كمان اقوله اطبعلى الوقت ، وده معناه انه قبل ما يطبع ال queries دى ، هيطبع قبلها الوقت اللي كانت ال Query دى بتم امتى ، واكيد حاجة زى كده انت هتحتاجها

لان انت مثلا ممكن يكون عندك users بيفتحوا مواقع اباحية ولا حاجة ، فانت تجيبه وتقولى من خلال ال logs انه فتح موقع كذا الساعة كذا ، كمان ممكن اقوله انه هيطبع اسم ال category ، بعد كده بقى عندك حاجة اسمها ال severity ، ودى ممكن تكون يا اما log او warning او critical ، ولما نيجى لل log server ان شاء الله هتعرف اى ال severity

اللى هى درجة الاهمية بتاعت ال Logs دى وممكن تريح دماغك خالص وتكتبها dynamic ، وهو هيشوف ال severity بتاعتك اى بالظبط ، ويختارلها بقى ال severity المناسبة ليها

كده انا فاضلى خطوة واحدة وهى انى اقوله ال logs دى ، او ممكن اجى تحت كده واقوله انى عايز اعمل enable لل category بتاعت ال Queries ، واقولى بقى انهى channel هيجيب منها ، واديله بقى اسم ال channel اللى انا عملتها اللى هى اسمها queries\_channel ، كده انا خلاص خلصت ، شكل بقى الملف هيكون كده

```
channel queries_channel {  
    file "data/queries.log";  
    print-time yes;  
    print-category yes;  
    severity dynamic;  
};  
category queries { queries_channel; };
```

بعدها بقى تعمل restart لل named-chroot

```
[root@server ~]# systemctl restart named-chroot
```

ممکن بقى تروح تتأكد ان الملف بتاع ال logs اللى انت عملته ، هتلاقيها ات  
create اوتوماتيك لما انت عملت restart لل service اللى هى named-chroot

```
[root@server ~]# ls /var/named/chroot/var/named/data/  
named.run  queries.log
```

تعالى بقى علشان تتأكد ان ملف ال queries.log بتاعك ده ، بيتخزن فيه ال  
queries اللى ال End User بيطلبوها

## tailf queries.log

وروح بقى على جهاز ال client وافتح اى موقع او حاول انك تعمل resolve  
هتلاقى ان كل ال queries اللى بيطلبها ال users بتتخزن فعلا فى الملف ده

يبقى كده ال queries بس هى اللى هتتخزن فى الملف ده ، طيب افرض بقى  
انك دلوقتى عايز تحط ال security logs ، يبقى ضيف بقى ال severity بتاعت  
ال security بتاعتك

وهتتحط ال category بتاعت ال security بتاعتك وضيفها عادى جدا ، طب ال  
query errors ، برضو حطها لوحدها وهكذا بقى ، اه وبالمناسبة فى عندك  
category اسمها notify

وال category دى اللى هى notify علشان لو انت عندك Master Server و Slave Server فهو هيخزنلك ال logs اللى ما بين الاتنين دول

لو جينا مثلا حللنا سطر log زى ده

**06-Aug-2018 12:44:19.986 queries: client 201.201.0.7#56106**  
**(www.google.com): query: www.google.com IN A + (201.201.0.4)**

اول حاجة بيقولك انه يوم كذا 06-Aug-2018 فى الساعة كذا 12:44:19.986 وهنا بيقولك الوقت بالساعة والدقيقة والثانية والملي ثانية ، بيقولك بقى ان ال client اللى هو ال IP بتاعه كذا 201.201.0.7 client وبى connect من البورت رقم كذا 56106 وال client ده حاول انه يعمل resolve للموقع ده **www.google.com**

وال IP Address بتاع ال DNS Server اللى عمل resolve هو كذا (201.201.0.4) + A ، طب هتقول هو ليه ال DNS او ال logs فيها رقم 4 اللى هو موجود فى اخر الايبى ده 201.201.0.4 هقولك فاكرا لما قولنا ان دى عبارة عن recursive queries ، يعنى ال DNS ذات نفسه هو اللى بيتمرمط ويروح يجيب النتيجة

دلوقتی بقى انا عندی خازوق ، الملف ده هيخزن داتا قد ای ؟ یعنی مثلا تخيل  
ان انت عندك 10 الالاف مستخدم وال users دول بيستخدموا ال DNS ده ،  
هيبقى ای الحل مع ال Users دول ؟؟ طب انت عارف الملف ده ممكن حجمه  
فى اليوم الواحد يكون كام جيغا ؟ اكيد طبعا هيكون على حسب ال  
Queries ؟

فطبعا الموضوع هيكون صعب جدا عليك انك ت manage حاجة زى ، فا هيبقى  
اسهلك انك تتحكم فى الملف ده اللي هو ملف ال configuration الرئيسى بتاع  
ال named.conf

## **vim /var/named/chroot/etc/named.conf**

واجبى عند ال channel اللي احنا عملناها ، واقوله هو هيسيب كام نسخة من  
ملف ال logs اللي احنا عملناه ده ، ممكن اقوله كلمة versions یعنی معناها  
عدد النسخ وبعدها اكتب مثلا رقم 5 یعنی اعملى خمس نسخ من الملف ده ،  
وكمان هقوله ان كل نسخة من الملف ده هيكون مثلا حجمه 100 ميغا ، طبعا  
100 ميغا ده حجم كبير جدا ، بالشكل ده

```
channel queries_channel {  
    file "data/queries.log" versions 5 size 100m;  
    print-time yes;  
    print-category yes;  
    severity dynamic;  
};
```

وبعدها بقى تعمل restart لل named-chroot

```
[root@server ~]# systemctl restart named-chroot
```

دلوقتى بقى بمجرد ما اول ملف يوصل لل 100 ميغا اللي انت حددتهوله ،  
هيبداً انه ينقل على الملف الثانى ، وهيحطلك فى اسم الملف الاول رقم 1 ،  
وهكذا بقى فى الملف الثانى والتالت للآخر بقى

وبكده نكون خلصنا موضوع ال **Logging** لكن ارجع وافكر ان دى مجرد  
اساسيات بسيطة

# 14-BIND CONT 1+2

احنا فى الفيديو رقم 81 ، طيب لحد الدقيقة 20 من الفيديو ده ، كان كله عبارة عن مراجعة على اللى فات ، بدأ بقى يتكلم عن ال DNS SEC وبيقول ان كل ال admins بيهربوا من حكاية ال DNS SEC دى ، لانها فعلا عبارة عن عملية مرهقة جدا جدا ، بيقولك بقى تخيل ان انت عندك DNS Server وال DNS Server ده وليكن عندك 20 zones طب ليه برضو ال DNS SEC ده مرهق ؟ لان انت وانت بت generate ال Keys فانت عادة بتخلى ال keys دى valid لمدة شهر وكل شهر انت المفروض تعمل regenerate لل keys مرة ثانية

فغالبا ال System admins بيريحوا دماغهم ولا DNS SEC ولا قرف ، بس طبعا حاليا الناس اللى مسؤولين عن الانترنت حوالين العالم بيحاولوا انهم يعملوا DNS Enforce لل DNS

طبعا بيقول انه هيعدى موضوع ال DNS SEC ده لحد ما يخلص موضوع ال core function بتاع ال DNS وهى عملية ال resolving وبعدها ان شاء الله هنبقى نخش على ال DNS SEC وده طبعا بعد ما نخلص ال Master Server وال Slave Server

طبيب باختصار برضو علشان تفهم ال DNS SEC ، كل فكرة ال DNS SEC ان انت مع كل record هتضيفه لل DNS عندك انت هتخلي لل record ده key بحيث ان ال client لما يحاول انه يعمل resolve ل record معين عندك وليكن مثلا اسم ال record ده www.mydomain.com يلاقى ال Key بتاع ال record ده ، ولو بقى ملقاش ال record ده معمول ليه signed او مثلا مش موثق عن طريق ال key بتاع ال DNS Server بتاعه فهو اوتوماتيك بي mark ال query دى على انها invalid query ، عامل زى واحد واقف فى النصف وهو بيستقبل ال query منك وراح باعتلك result غير اللى انت مستنيها

طبيب كل ده احنا لسه فى ملف ال configuration الرئيسى بتاع ال bind

**vim /var/named/chroot/etc/named.conf**

دلوقتى بقى عندك السطر ده

**bindkeys-file "/etc/named.iscdlv.key";**

بالنسبة لملف ال bindkeys ، فده ال DNS بتاعك بيستخدمه علشان يعرف ال record ده معمول ليه signed من مين بالضبط



لو جيت انت فتحت الملف ده اصلا

**vim /var/named/chroot/etc/named.iscdlv.key**

هتلاقى بقى فى الملف ده ال keys بتاعت ال root servers اللى موجودين  
حوالين العالم ، اى بقى اللى هيحصل عندك يا سيدى ؟؟ بص انت دلوقتى لو  
جيت تعمل Query على الموقع اللى هو مثلا [www.mostafa.com](http://www.mostafa.com) والموقع ده  
اصلا عامل enable لل DNS SEC Feature ، فال DNS بتاعك بقى بيروح يشوف  
هل ال record ده اللى هو [www.mostafa.com](http://www.mostafa.com) معمول ليه signed بواحد من  
ال keys دى اللى موجودة فى الملف ده ولا ، وده باختصار شديد موضوع ال  
DNS SEC

نرجع بقى لملف ال configuration الرئيسى بتاعنا بتاع `named.conf` ، وطبعاً  
هتلاقى تحت خالص سطر ال `include` ، والبشمهندس بيقول ان انت لو  
system admin ذكى فانت المفروض تستخدم ديما حوار ال `include` ده  
علشان يسهل عليك الدنيا

طیب دلوقتى بقى اى اللى المفروض تعمله بخصوص ال directive الخاصة بال  
Logging دى

```
logging {  
    channel default_debug {  
        file "data/named.run";  
        severity dynamic;  
    };  
  
    channel queries_channel {  
        file "data/queries.log" versions 5 size 100m;  
        print-time yes;  
        print-category yes;  
        severity dynamic;  
    };  
    category queries { queries_channel; };  
};
```

فانت مثلا ممكن تعمل كومنت للسطور دى ، وتروح تعمل ملف خارجى وتحط فيه كل ال configuration بتاعت ال logs وبعدين تيجى فى الملف الرئيسى وتشاور عليها ، وكذلك الامر برضو لما اعمل zones ، وكلمة **zone** هى مرادفة لكلمة **domain**

تعالیٰ بقی افتح الملف ده هو کمان

```
vim /var/named/chroot/etc/named.rfc1912.zones
```

اللى فى الملف ده هو عبارة عن تجميعه من ال zones ، او تجميعه من ال domains ، فانت بقى هتلاقى عندك بعض ال Predefined zones  
زى مثلا ال zone اللى اسمها localhost وزى برضو ال zone اللى اسمها localhost.localdomain ودول طبعا بيكونوا لل IPv4 ، وبرضو هتلاقى عندك zones لل IPv6

## zone

```
"1.0.0.0.0.0.0.0.0.0.0.0.0.0.0.0.0.0.0.0.0.0.0.0.0.0.  
0.0.0.0.ip6.arpa" IN {  
    type master;  
    file "named.loopback";  
    allow-update { none; };  
};
```

طبعا الحاجات دى كلها متكررة ، فانت هتسأل هو ليه فى zones لل localhost  
وليه فى zones بال IP Addresses ، اى بقى الكلام ده كله ؟؟؟

بص يا سيدى ال Zone دى

```
zone "localhost.localdomain" IN {  
    type master;  
    file "named.localhost";  
    allow-update { none; };  
};
```

اللى هى ال forward lookup ، يعنى انت بتسال بالاسم وهو بيرد عليك بال IP

انما دى

```
zone "1.0.0.127.in-addr.arpa" IN {  
    type master;  
    file "named.loopback";  
    allow-update { none; };  
};
```

ده اللى هو ال reverse lookup ، من IP لاسم

طبعا انت هتسال وتقول ، هو فيه اصلا services بتعمل العكس ؟ هقولك اه ان فى بعض ال services بتعتمد على ال DNS اعتماد كامل ، والمثال على كده هو Mail Service ال

انت بقى لما تقول لل mail service ان انت مثلا عايز تبعت ل mostafa@yahoo.com ، طب انت اصلا اصلا متعرفش ال Mail Server ده موجود فين بالضبط ، فانت فى الحقيقة بتقوله انك عايز تبعت للراجل ده @ الدومين ده ، فانت بقى فى الحالة دى هتحتاج انك تحول ال IP لاسم فى برضو بعض ال services التانية زى ال kerberos

فا زى ما انت شايف ان ال DNS بيعمل عمليتين دلوقتى ، الاولى وهى انه بيحول الاسم ل IP وده ال default اللى احنا محتاجينه اصلا ، والعملية التانية انه بيحول ال IP لاسم

يعنى مثلا تبقى انت عارف ال IP بس انت مش عارف الاسم اي ، فانت هنا بقى هتسال ال DNS وهو هيعملك عملية reversed query ، وخلي بالك اوى من كلمة reversed دى

خلى بالك انه فى فرق كبير فشخ بين كلمة **recursive** وبين كلمة **reversed**

يعنى احنا اصلا دلوقتى لو اتكلمنا عن انواع ال Queries ، فاحنا عندنا نوعين  
الاول وهو ال iterative query والثانى هو ال recursive query

ال **recursive** انت بتروح تسأل ال **DNS** بتقوله فين عنوان الموقع الفلاننى  
فهو بقى يروح يعدى على كل ال **DNS Servers** اللى موجودة فى ال  
**chain** دى فى السلسلة دى يعنى من اول ال **root servers** لحد ما يجبلك  
النتائج النهائى ، يعنى من الاخر كده ال **DNS** هو اللى بيتمرمط

انمابقى ال **reversed query** فهى عبارة عن نوع ال **Query** اللى بتقوله انا  
معايا ال **IP** بس عايز اعرف الاسم

انما ال **forward** بتقوله ان انا معايا الاسم وعايز ال **IP**

Iterative Query VS Recursive Query ===== Forward Lookup VS Reversed Lookup

## بدأنا بقى فى الفيديو رقم 82

وهو عبارة عن مجرد تكملة بسيطة للفيديو رقم 81 ، واحنا لسه فى الملف ده

**vim /var/named/chroot/etc/named.rfc1912.zones**

بص بقى يا برنس ، من ضمن الحاجات اللى انت لازم تحطها فى اعتبارك ان  
انت لما تعمل اى domain عندك على السيرفر ، فانت المفروض ان ال  
records اللى تكون عندك فى الحالة الطبيعية  
ان انت هتعمل اثنين zones ، ال Zone الاولى علشان تعمل ال forward  
Queries او ال Forward Lookup اللى هو تحول الاسم ل IP ، وال zone الثانية  
اللى هى ال Reversed Queries او ال Reversed Lookup يعنى تحول ال IP  
لاسم

الشرح من تانى ، دلوقتى لو انت عندك دومين ، دلوقتى بقى فى الحالة  
الطبيعية بتاعتك وانت شغال ك System admin لما تيجى ت configure  
الدومين ده فى ال DNS ، فاصلا فى الحالة الطبيعية انت ممكن تعمل ال  
forward lookup بس ، لكن انت المفروض انك تعمل الاثنين ، تعمل ال  
forward lookup وال reversed lookup علشان تحول من اسم ل IP والعكس

وبالتالى انت علشان تحول من اسم ل IP لازم تعمل ال forward lookup zone  
وعلشان تحول من IP لاسم يبقى لازم تعمل ال Reversed Lookup Zone

طبعا انت مش مجبر خالص ، يعنى ممكن تعمل forward lookup Zone بس  
وممكن تعمل reversed lookup zone بس ، لكن الافضل انت تعمل الاثنين ،  
وانت هتلاقى ان الغالبية العظمى من ال System admins عاملين ال Forward  
Lookup بس ، ولكن خليك فاكرا ان فى بعض ال services لازمها ال Reversed  
Lookup زي ال Mail Service مثلا ، فانت اصلا من غير ال reversed lookup  
mail service مش هتشتغل عندك

دلوقتى بقى لما تيجى تعرف اى zone فى الدنيا ، فال Syntax بتاع ال Zones  
دى واضح جدا ، اول حاجة هتكتب كلمة zone وبعدها بقى هتقوله اسم ال  
Zone دى وليكن مثلا اسم ال zone دى mostafa.com اللى هو اسم ال domain  
بتاعك ، وبعد ما تقول اسم ال Zone ، هتقوله بقى اى ال Class اللى ال Zone  
دى موجودة فيها ، دلوقتى بقى كل ال Classes اللى احنا شغالين عليها  
النهارده اسمها Internet Class او اختصارا IN



بعد كده بقى تفتح قوسين ، ومتنساش ال ; semicolon ، وبعدين هتقوله نوع  
ال Zone دى وهى موجودة على السيرفر بتاعك ، يعنى هل السيرفر بتاعك ده  
master server ولا slave server ، بعد كده بقى هتقوله فين الملف اللى هتحتط  
فى ال records بتاعت ال DNS ، اخر حاجة خالص فى شوية Options ممكن  
تضيفها

تعالى بقى احنا نجرب syntax فى ملف فاضى خالص

**vim test**

```
zone "dns.com" IN {  
    type master;  
    file "test.forward";  
    allow-query { 201.201.0.1/24; };  
};
```

كده احنا عملنا ال forward lookup zone

طیب دلوقتی بقى لو عايز تعمل ال reversed lookup zone ، فأول سؤال المفروض تسأله ، اى هى ال subnet بتاعت ال zone دى ؟؟

فانت مثلا ممكن تقول ان ال subnet بتاعت ال zone دى هى

## **201.201.0.1/24**

حلو دلوقتی بقى لما اجى اعمل ال reversed lookup zone دى هتتعمل ازای بقى ؟

بص يا سيدى انت اولاً هتكتب الاسم المعكوس بتاعت ال zone دى او بشكل ادق المعكوس بتاعت ال subnet دى لل zone دى

طب اى بقى المعكوس ده ، بص يا برنس اولاً انت ال subnet بتاعتك هى 201.201.0.1/24 ، بص بقى فين ال last octet هنا ؟ اكيد طبعا رقم 1 اللى هو الاخير ده ، تمام كده

بص دى بقى انساها خالص دلوقتی ، انسى ال last octet دى ، دلوقتی بقى اى اللى ثابت عندى من ال subnet دى ؟ اكيد طبعا هتقولى 201.201.0 ، تمام مضبوط

فانت بقى لما تيجى تكتب اسم ال reversed zone ، انت هتكتب الجزء الثابت من ال IP او من ال Subnet دى بس هتكتبها معكوسة

وبعدها بقى هتبدأ تكتب باقى الحاجات اللى تبع ال zone دى ، زى مثلا ال type هيكون master وهكذا بقى ، يعنى ال reversed zone هتكون بالشكل ده

```
zone "0.201.201.in-addr.arpa" IN {  
    type master;  
    file "test.reversed";  
    allow-query { 201.201.0.1/24 };  
};
```

بص بقى حته ال **in-addr.arpa** دى هى عبارة عن ان الجزء ده بقى ثابت  
طب اى بقى **in-addr.arpa** ده؟؟؟ بيقولك انهم حبوا يكرموا ال arpa net  
ففضل ال syntax ده موجود من اول ما ال DNS اتعمل لحد النهارده ، طب  
انت عارف اصلا هى اى ال ARPA Net دى اصلا؟؟ طيب بص مبدئيا كده ال  
ARPA دى هى اختصار ل

## Advanced Research Project Agency

وترجمتها كده ممكن تقول عليها بالبلدى كده انها وكالة الابحاث المتقدمة  
التابعة لوزارة الدفاع الامريكية ، وهم دول اصلا اللى عملوا النت فى البداية

فده طبعا كتكريم ليهم يعنى ان اسهم اتخط هنا ، فالجزء ده بقى اللى هو .  
in-addr.arpa معناها ان ده reversed address تبع ال arpa addresses وفضل  
لحد النهاردة بالشكل ده متغيرش

وبكده احنا دلوقتي قادرين اننا نعمل ال forward lookup zone وال reversed  
lookup zone ، وتقريبا كده انت خلصت جزء كبير جدا من ال DNS ، بمعنى  
اخر كده الجزء الثقيل فى ال DNS خلص

تعالى بقى نصعب الامور شوية ، دلوقتي بقى لو قولتلك اننا عايزين نعمل  
zone ل subdomain او بشكل ادق بما ان ال zone هى ال domain ، فاحنا  
عايزين نعمل subdomain بالاسم ده

**test.ahmed.com**

وال subdomain ده شغال على ال subnet اللى هى

**10.15.0.0/24**

هتعملوا ازاي بقى ؟؟ بسيطة جدا بالشكل ده

```
zone "test.ahmed.com" IN {  
    type master;  
    file "test.forward";  
    allow-query { 10.15.0.0/24; };  
};
```

برضو من ضمن ال best practice وهى انك حاول تخلى اسم الملف ي match  
اسم ال zone وطبعاً حط برضو كلمة forward علشان تعرف اذا كان ده  
forward zone ولا لأ

ولو عايز تعمل ال reversed zone ، هتبقى برضو بسيطة بالشكل ده

```
zone "0.15.10.in-addr.arpa" IN {  
    type master;  
    file "test.reversed";  
    allow-query { 201.201.0.1/24; };  
};
```

خلى بالك هنا ان اسم ال zone فى ال reversed هيكون ببدا من خلال ال subnet اللى ال subdomain موجود عليه ، بمعنى ان انت مش هتكتب اسم ال domain فى ال reversed zone

لا لا انت هتكتب الجزء الثابت من ال IP بتاع ال Subnet اللى ال subdomain ده شغال عليه ، اوعى تتلغبط فى الجزء ده

كده احنا خلصنا الفيديو ده ، لكن بداية بقى من الدقية العشرين ، الكلام اللى جى كله عن ال **reverse proxy**

فى نقطة تانية ، دلوقتى انت لما تيجى تتكلم عن ال DNS ، هل انت محتاج انك تعمل **failover** مع ال DNS اصلا؟؟ يعنى ال DNS ك Service هل انت محتاج لها failover؟؟

وبالمناسبة انا مليس دعوة بال role بتاعتك هل انت Master ولا Slave ، انا مليس دعوة بالنقطة دى اصلا ، احنا بنتكلم على هل انت محتاج اصلا انك تعمل failover مع ال DNS ؟

الاجابة باختصار شديد جدا لأ طبعا ، انت مش محتاج اصلا failover ، ليه بقى؟؟ لان انت لو جيت بصيت على اى Client فى الدنيا هتلاقى ان اى ك client ممكن تحطله اكثر من name server فى نفس الوقت

واكيد انت عارف ده كويس ، لما بتيجى تغير ال IP عندك فى الموبايل بتكتب  
ال DNS الاول وهو 8.8.8.8 والثانى وهو 8.8.4.4

فهل بقى تفكر ان ال DNS ك Service محتاجة Failover اصلا ، وبالتالي طبعا  
انت ممكن ت configure اجهزة ال client انهم يستخدموا اكثر من DNS Server  
بحيث ان لو الاول وقع يبقى الثانى موجود يحل مكانه وهكذا بقى

طبعا دلوقتى بقى فى فرق لو انت عايز ان ال service دى تكون highly  
available وتريح دماغك ، طيب دلوقتى بما انك عملت ال configuration على  
السيرفر الاولانى

يعنى مثلا فرضنا ان انت عندك سيرفرين فى الشبكة ، وانت سطبت ال DNS  
وعملته configure على السيرفر الاولانى ، هل بقى انت محتاج انك تعمل  
replicate لل setup اللى انت عملته للسيرفر الاول وتعمله للسيرفر الثانى  
يعنى هل كل حاجة انت عملتها فى السيرفر الاولانى ، هل بقى لازم تروح  
تعمل كل حاجة فى السيرفر الثانى هو كمان

بمعنى اخر انت مثلا عملت zone 20 على السيرفر الاولانى ، وجيت انت عايز  
تضيف سيرفر جديد عندك فى الشركة ، هل بقى لازم انك تروح تكتب كل ال  
zones من اول وجديد وكل ال data files على السيرفر الجديد اللى انت  
ضفته ده ؟؟؟

اكيد طبعا لأ ، كل اللي هتعمله ان انت هتخلي السيرفر الاولانى زى ما هو وهتروح للسيرفر الثانى ده وتخليه انه يكون slave server للسيرفر الاولانى وبالتالى هو لما يكون slave ، هيروح بقى للسيرفر الاولانى ويقول ادينى كل ال zones اللى عندك دى او بمعنى اخر ادينى ال data files بتاعت ال zones اللى عندك دى ، وهيروح بقى يعمل لل zones دى download او بمعنى اخر يعملها حاجة اسمها Zone Transfer وبالتالى مع عملية ال zone transfer دى هيروح منزل ال Data Files ويبدأ بقى انه يشتغل عليها ، فال Slave هنا ما هو الا وسيلة توفر عليك وقتك ومجهودك

وبالتالى انت لو جيت عدلت فى ال Master Server ، كل اللي انت هتعمله انك هتعدل حاجة اسمها ال Serial Number بتاعت ال Zone اللى موجودة على ال Master Server واوتوماتيك اول ما تعدل ال Serial Number ، ال Master Server هيروح يعمل Notify لل Slave Server ويقول ان فى Update عنده حصل وخذ بقى ال Update ده

بص انت ممكن تحس ان الموضوع فى صعوبة شوية ، بس ده عادى لسه قدامك وقت فى موضوع ال DNS ده



# 15-BIND CONT 3

بدأنا فى الفيديو رقم 83 ، وزى ما قولنا المرة اللى فاتت ان ال Setup بتاعنا هيكون اننا هنجرب الاول ال Master Name Server ، ولو فاكر من المرة اللى فاتت اننا هنبداً نعمل DNS Zone ، وبعد ما نعمل ال DNS Zone دى ، هنبداً بقى اننا نخط ال Settings بتاعتنا ، طيب علشان بقى تقول ان انت عندك DNS Zone فى حاجتين انت محتاجهم

اول حاجة ال configuration هتكون فى ملف ال named.conf ، كده انت هتروح فى ملف ال configuration الرئيسى اللى هو named.conf وتعرف ال Zone دى زى اسم ال Zone مثلاً والنوع بتاع ال Zone دى ، يعنى هل انت هتعمل ال Zone دى ل Master Server ولا هتعملها ل Slave Server وبعد كده الملف اللى هيتخزن فيه ال records بتاعت ال DNS بتاعك وبعد كده مين اللى هيعمل Query من على ال zone او هيعمل Query لل Zone دى وممكن بقى تضيف Options زى ما انت عايز

الحاجة الثانية بقى روح عرف ال data او الملف او ال records بتاعتك فى  
الملف اللى انت عرفته فى ال Zone لما عملتها اللى هو ده  
( بعد كده الملف اللى هيتخزن فيه ال records بتاعت ال DNS بتاعك )

يعنى انت هتيجى فى ملف ال named.conf وتقوله ان انت عندك ملف فيه ال  
records والملف ده موجود فى المسار مثلا

**/var/test.txt**

فانا بقى هروح للملف ده اللى هو test.txt واحط كل ال records جواه ، وال  
record اصلا هو اسم ال domain ، يعنى انت هتكتب ال record وهتكتب قصاده  
ال IP او العكس

**215.154.64.88 yahoo.com**

طبعا الموضوع مش بالسهولة دى ، بس لسه فى شوية حاجات هنتكلم عنها  
بس بكل بساطة ده اللى احنا محتاجين نعمله

يبقى انا كده لازم اروح اعرف فى ملف ال configuration ال Parameters بتاعت ال Zone ، والحاجة الثانية وهى انى لازم اروح اضيف ال records بايدى ، يعنى مثلا انا عندى سيرفر اسمه www وطبعا السيرفر ده ليه IP ، فانت بقى لازم تروح تعرف الكلام ده كله بايدك ، وخليك فاكّر برضو ان ملف ال configuration بيكون فى ملف وملف ال records او ملف ال data بيكون فى مكان تانى خالص

طبعا متنساش ان ملف ال configuration بتاعت bind موجودة فى

**/etc/**

انما بقى ملفات ال data بتكون موجودة فى

**/var/named**

وبالتالى لما تعمل اى zone ، ملفات ال zones دى هتكون موجودة فى

**/var/named**

وطبعا يعنى زى ما انت عارف ان BIND هى اسم ال Package انما named هى اسم ال service

فى ملحوظة عايزك تخلص بالك من المسار ده علشان فيه ال sample  
configurations بتاعت bind

**cd /usr/share/doc/bind-9.9.4/sample/**

طيب دلوقتى بقى البشمةهندس قعد كام دقيقة كده يضبط فى ملف ال  
configuration الرئيسى بتاع named.conf ، كل اللى عمله انه مسح ال  
comments اللى كانت فى الملف وبعدها بقى قال انه هيبداً يعمل zone

تعالى بقى افتح الملف ده

**vim /var/named/chroot/etc/named.conf**

واعمل zone بالشكل ده

```
zone "ahmed.com" IN {  
    type master;  
    file "/var/named/ahmed.forward";  
};
```

كده بقى احنا هنروح للملف ده اللى هو

```
vim var/named/chroot/var/named/ahmed.forward
```

خلى بالك بقى من النقطة دى وهى بما انك مشغل ال chroot ، فالمسار ده  
اللى هو

```
/var/named/
```

معناه المسار ده

```
/var/named/chroot/var/named/
```

وبكده انت تنسى المسار بتاع السيستم الرئيسى بتاعك

تعالى بقى روح للمسار ده

```
cd /var/named/chroot/var/named/timon.forward
```

```
cp named.localhost timon.forward
```

وتعالی بقی افتح الملف ده

**vim timon.forward**

هتلاقيه بالشکل ده

**\$TTL 1D**

**@ IN SOA @ rname.invalid. (**

**0 ; serial**

**1D ; refresh**

**1H ; retry**

**1W ; expire**

**3H ) ; minimum**

**NS @**

**A 127.0.0.1**

**AAAA ::1**

اول حاجة فى الملف ده وهو ال TTL اختصارا ل **Time To Live** وهى عبارة عن ال **Cache Time Value** ، وهيكون Day 1

وبعد كده بقى اى سطر هتخط فيه ال @ هيكون معناه الدومين بتاعك

واللى بعدها هي ال IN وهى ال Internet Class ، بعد كده بقى ال **SOA** وهى اختصار ل Start Of Authority ومعناها ان السيرفر ده هو ال Authoritative DNS لل Zone دى

باختصار هو ال DNS Server المسئول عن ال Zone دى ، اللى بعدها بقى علامة ال @ الثانية ، ودى معناها انك المفروض تمسحها وتخط مكانها اسم ال name server او ال dns اللى مسئول عن ال zone دى ، طيب دلوقتى بقى ، لو انا اسم ال name server بتاعى هو ns0.ahmed.com ، يبقى انت هتخط الاسم زى ما هو بالشكل ده

والاسم اللى بعد كده هو اسم ال admin اللى مسئول عن ال domain ده ، وبالمناسبة انت لما تيجى تتعامل مع ال **DNS** متنساش ان اى اسم بتكتبه بيكون فى . dot فى الآخر ، لازم تاخذ بالك كويس من النقطة دى كويس

دلوقتى بقى لو عندك admin اسمه

**admin@ahmed.com**

فالاسم مينفعش يتكتب بالشكل ده ، لا انت هتكتبه كده

**admin.timon.com.**

كل اللى انت عملته انك شيلت علامة ال @ وهتخط مكانها dot ، يبقى ده كده  
الايميل بتاع الادمن اللى مسؤل عن الدومين ده.

بعد كده بقى فى الخمسة Parameters دول

**0 ; serial**  
**1D ; refresh**  
**1H ; retry**  
**1W ; expire**  
**3H ) ; minimum**

ودول هنتكلم عنهم لما نيجى نعمل ال slave server



بعد كده بقى لازم تعرف ال Name Server اللى عندك وهيكون كده مثلا

**ns0.ahmed.com.**

ومتنساش ال **dot** اللى فى الآخر

بعد كده بقى هتيجى تحت وتقول له ان الممكنة اللى اسمها ns0. دي عبارة عن A  
يعنى Address وال IP Address بتاعها هو كذا 201.201.0.4

كده الملف بتاعك هيكون بالشكل ده

**\$TTL 1D**

**@ IN SOA ns0.ahmed.com. admin.ahmed.com. (**

**0 ; serial**

**1D ; refresh**

**1H ; retry**

**1W ; expire**

**3H ) ; minimum**

**NS ns0.ahmed.com.**

**ns0 A 201.201.0.4**

يبقى كده خليك فاكر ان ال TTL هى ال value اللى انا بحدد على اساسها ال Query دى هيتعملها cache قد اى عند ال Client وهنا عندك فى ال default بيكون لمدة يوم

طيب بص بقى يا برنس ، انت عندك انواع من ال records اول نوع انت شوفته وهو ال NS اللى هو ال Name Server وال NS انت بتستخدمه لما تيجى تعرف DNS Server عندك وده very special record انت بتستخدمه فى حالة واحدة بس ، لما تيجى تعرف DNS Server عندك

فى حاجة تانية لازم تاخد بالك منها وهى انك لما تيجى تعرف Name Server فانت بتعرفه على مرتين اتنين او على خطوتين

الخطوة الاولى بتقوله ان انت عندك Name Server ، والخطوة الثانية بتقوله على ال IP بتاعه اللى مربوط بالاسم ده ، كده يعنى

	<b>NS</b>	<b>ns0.timon.com.</b>
<b>ns0</b>	<b>A</b>	<b>201.201.0.4</b>

من تانى برضو ، دلوقتى انت لما تيجى تعرف DNS اللى هو اسمه برضو  
Name Server ، فانت بتعرفه على خطوتين ، الخطوة الاولى بتقوله ان انت  
عندك Name Server Record والخطوة الثانية بتقوله على ال IP بتاع ال  
Record ده اى

طيب على النقيض بقى لو انت عندك عنوان مثلا زى www وال IP بتاعه مثلا  
201.201.0.15 بالشكل ده

**www     A     201.201.0.5**

دلوقتى بقى لما تيجى تعرف Address ، محتاج تعرفه فى كام خطوة بقى ؟  
هى خطوة واحدة بس

بص بقى بكل بساطة انت فى عندك نوعين من ال records اللى بيتعرفوا فى  
خطوتين ، اول واحد وهو ال Name Server وده بيتعرف فى خطوتين والثانى  
وهو ال Mail Server بيتعرف برضو فى خطوتين او بمعنى اخر ال mxrecord  
بيتعرف فى خطوتين ، واى حاجة تانية بقى بتتعرف فى خطوة واحدة

يبقى كده ال ns record بيتعرف فى خطوتين ، الخطوة الاولى انت بتعلن عنه ، والخطوة الثانية انت بتقوله فين ال Actual IP بتاع السيرفر ده او ال Name Server ده بمعنى اخر

طبعا انت دلوقتى بعد ما خلصت الملف ده اطلع بقى منه ، لكن خد بالك من حته وهى اننا عمالين ننشأ فى ملفات ونحذف فى ملفات وناسيين خالص مين ال Owner بتاع الملفات دى واى ال security context بتاعت الملفات دى واى نظام ال SELinux من الكلام ده كله ،

طيب مبدئيا كده ال owner او ال user اللى هيشغل ال named ك service هو اسمه named ، طبعا لو الملفات بتاعت ال configuration لو مش مملوكة لل user اللى هو named فاكيد طبعا ال service اللى هى named مش هتعرف تقرأ الملفات دى واحتمال متشتغلش

كده انت هتيجى تنفذ الكلام ده

**chown root:named ahmed.forward**

طیب تانی حاحه وهی علشان تریح دماغك من ال selinux لحد ما نوصل لیها ،  
فانت هتعمل restore لل context

یبقی انت هتنفذ الامر ده

**restorecon -v ahmed.forward**

**-v =====> verbose**

وبعدها بقی تعمل restart لل named-chroot او named علی حسب ما انت  
شغال ، اذا كنت شغال normal named او كنت شغال chrooted named

طبعا لو عایز تتأكد ان ال syntax بتاع ملف ال configuration بتاع named  
صحیح ، ممكن تنفذ الامر ده

**named-checkconf**

طبعا لو مظهرلكش ای error یبقی كده الملف ال syntax بتاعه صحیح

تعالى بقى شوف ال status بتاعت named-chroot

## **systemctl status named-chroot**

هتلاقى فى الناتج الجملة دى

**Aug 08 17:58:02 server.dns.com named[5269]: zone ahmed.com/IN: loaded serial 0**

هنا بيقولك انه عمل load لل zone او للدومين اللى اسمه ahmed.com

وبيقولك كمان ان كل ال zones اتعملها load

**Aug 08 17:58:02 server.dns.com named[5269]: all zones loaded**

تعالى بقى اسنخدم الاداة اللى dig

**dig @201.201.0.4 www.ahmed.com**

و dig دى عبارة عن tool بتستخدمها علشان ت Query ال DNS بتاع سيرفر معين ، فانا هنا بقوله انى عايز ا query ال DNS Server اللى ال IP بتاعه 201.201.0.4 وعايز اعمل query على المكنة اللى اسمها www.ahmed.com

يعنى من الاخر كده انا هروح اسأل ال DNS اللى انا عملته اللى ال IP بتاعه 201.201.0.4 هسأله بقى عن تفاصيل المكنة او السيرفر اللى عليه الموقع ده  
www.ahmed.com

هنا بقى بيقولك one server found

```
; (1 server found)  
;; global options: +cmd  
;; Got answer:  
;; ->HEADER<- opcode: QUERY, status: NOERROR, id: 62577  
;; flags: qr aa rd ra; QUERY: 1, ANSWER: 1, AUTHORITY: 1, ADDITIONAL: 2  
  
;; OPT PSEUDOSECTION:  
; EDNS: version: 0, flags;; udp: 4096  
;; QUESTION SECTION:  
;www.timon.com. IN A  
  
;; ANSWER SECTION:  
www.timon.com. 86400 IN A 201.201.0.5
```

**:: AUTHORITY SECTION:**

**timon.com. 86400 IN NS ns0.timon.com.**

**:: ADDITIONAL SECTION:**

**ns0.timon.com. 86400 IN A 201.201.0.4**

**:: Query time: 0 msec**

**:: SERVER: 201.201.0.4#53(201.201.0.4)**

**:: WHEN: Wed Aug 08 19:14:32 EDT 2018**

**:: MSG SIZE rcvd: 92**

ده بقى ال question بتاعك ، انت هنا سالت على مكنة اسمها  
www.ahmed.com وطبعاً قصادها خالص بعد حرف ال A مش مكتوب حاجة  
لان انت هنا مش عارف العنوان بتاعها اى

**:: QUESTION SECTION:**

**;ns0.timon.com. IN A**



طيب لو ملقتش اى Answer ، يبقى فى مشكلة عندك

لكن احنا عندنا الاجابة بالشكل ده

### **:: ANSWER SECTION:**

**www.timon.com. 86400 IN A 201.201.0.5**

بعد كده بقى عندنا ال authority section ، مين بقى السيرفر اللى هو authoritative او السيرفر اللى هو authorized انه يكون مسؤول عن ال zone دى او الدومين ده اللى هو www.ahmed.com ، اكيد طبعا هو السيرفر اللى اسمه ns0.timon.com

### **:: AUTHORITY SECTION:**

**timon.com. 86400 IN NS ns0.timon.com.**

فى عندك بقى ال Query دى خدت وقت قد اى

**Query time: 0 msec**

متنساش تبقى تعمل restart باستمرار لل named-chroot كل ما تعمل ای  
تغير بسيط جدا فی ملف ال configuration بتاع ای حاجة مرتبطة بیه

اومال ای بقى موضوع ال views ده وال ACL ، متستعجلش هتعرفهم قريب ان  
شاء الله

کده احنا لحد هنا خلصنا الفديو ده

# 16-BIND CONT 4

بدأنا فى الفيديو رقم 84 ، طبعا احنا المرة اللى فاتت عملنا Zone وكان على ال Master DNS Server ، وروحنا كمان للملف الخاص بال Zone اللى احنا عملناها وكان اسمه ahmed.forward ، وعملنا حاجتين ، اول حاجة اننا اعلنا عن Name Server وبعدها اعلنا عن web server اللى هو كان www لو تفتكر يعنى

وقولنا المرة اللى فاتت ان فى شوية Parameters فى الملف ده  
timon.forward ، هما دول

```
0      ; serial
1D     ; refresh
1H     ; retry
1W     ; expire
3H )   ; minimum
```

او من الاخر كده احنا هنبص على الحاجات دى كلها من تانى

**\$TTL 1D**

**@ IN SOA ns0.ahmed.com. admin.ahmed.com. (**

**0 ; serial**

**1D ; refresh**

**1H ; retry**

**1W ; expire**

**3H ) ; minimum**

**NS ns0.ahmed.com.**

**ns0 A 201.201.0.4**

**www A 201.201.0.5**

تعالی بقى نبص تانى على الكلام ده كله علشان نعرف اى اللى بيحصل

بالظبط فى ال Background وانت شغال

طيب وعلشان تفهم الكلام ده ، لازم اتنا نربط ال Master Server بال Slave

Server ، يعنى احنا دلوقتى قبل ما هناخد ال reverse Lookup ، تعالى ناخد

ال Master Server وال Slave Server ، علشان تقدر تفهم ازاي الاتنين دول

شغالين مع بعض

برضو قبل ما نبدأ فى اى حاجة ، فى شوية حاجات كده لازم تاخذ بالك منهم ،  
لو تفكر المرة اللى فاتت احنا قولنا اننا عندنا حاجتين ، دلوقتى انا اللى  
موجود عندى حاليا هو ال Master Name Server ، الفكرة بقى كلها قايمه على  
انى انا لو عندى شبكة كبيرة جدا ، بمعنى ان مثلا لو انا موصل ال Master  
Name Server على switch والسويتش ده واصل عليه كمية users كتيرة فشخ ،  
زى انه مثلا ممكن يكون متوصل بالسويتش ده ال Internal Network وواصل  
بيه كمان ال DMZ وممكن كمان يكون متوصل بيه ال remote users زى مثلا  
لو عندك VPN Users بيعملوا connect على السويتش ده ، يعنى كمية users  
كتيرة فشخ ، يعنى مثلا تخيل ان انت عندك شركة والشركة دى فيها 5000  
مستخدم وال 5000 دول بيكونوا active كل يوم وليكن مثلا من الساعة 8 لحد  
الساعة 5 ، وبالتالي الضغط على السيرفر ده هيكون كبير جدا ، فانت هنا بقى  
عندك حل من اتنين

الحل الاسهل وهو انك تفضل تزود فى ال resources بتاعت السيرفر ده يعنى  
تزود الرامات والبروسيسور وغيرهم ، بس مهما تزود فى ال resources انت  
هيكون عندك مشكلة برضو وهى ان ال resources دى مش هتفرق معاك فى  
حاجة لو السيرفر ده وقع ، بمعنى ان انت لو حبيت تعمل  
اى Maintenance Job للسيرفر ده والسيرفر ذات نفسه وقع ، فد فى حد ذاته  
مشكلة

بمعنى اخر ان لو الهارد وير ذات نفسه بتاع السيرفر وقع فده مشكلة برضو  
حتى لو المكنة ذات نفسها هنجت فدى برضو مشكلة فى حد ذاتها .

فالحل التانى قالك انت هتعمل سيرفر تانى ، وهنسميه ال Slave Server  
وهكتب بقى كل ال records على ال Slave Server ده ، يبقى كده الحل بتاع  
انى ازود ال resources ده مش حل عملى ، يبقى انا كده هعمل مكنة تانية  
اللى هى ال slave ، والمكنة بتاعت ال Slave دى نفس ال setup بتاعها هيكون  
هو هو نفس ال Setup بتاع ال Master

لكن كل اللى هعمله انى هقول لل Slave ال Master بتاعه هيكون فين بالضبط  
واروح بقى لل Master اقله ان انت عندك Slave فى المكان الفلانى

يبقى كده ال Master هيعرف ال Slave فىن وال Slave هيعرف ال Master فىن  
علشان الاتنين يقدرُوا يكلمُوا بعض ، طيب حلو ، دلوقتى بقى هل كل ال  
records اللى انا كتبتها على ال Master ، هل هرجع اكتبها تانى على ال  
Slave ؟؟ قالك لأ طبعا ، انت فى كل مرة هتعدل فيها على ال Master ، انت  
هتعدل variable واحد اللى هو ال Serial Number بتاع الملف بتاعك اللى هو  
عبارة عن رقم Identifier للسيرفر بتاعك ، فانت كل ما تعدل بقى فى ال  
serial ده ، اوتوماتيك هيروح ال Master يبلغ ال Slave ويقول خلى بالك انا  
حصل عندى تحديث ، وخذ بقى التحديث ده ، يعنى ال Master هيقول لل  
Slave ان فى Update حصل فى ال data بتاعت ال File ده

ويبقى انت كده مش هتحتاج تكتب ال records مرة واتنين كل مرة ، انت هتعدل كل حاجة على ال Master وال Slave هياخد ال Update ده اوتوماتيك

طيب تعالى بقى نطبق الكلام ده كله عملى ، بص يا سيدى احنا دلوقتى عندنا اتنين سيرفر ، طبعا واحد فيهم وهو ال Master وده اللى احنا كنا سطينا عليه ال Package بتاعت ال DNS اللى هى bind و bind-utils و bind-chroot ، تمام كده

دلوقتى بقى هتروح برضو على جهاز ال Slave Server وهتسطب برضو نفس ال Packages دى

**yum install bind bind-utils bind-chroot**

وبعدها بقى

**systemctl disable named**

وبعدين

**systemctl mask named**

وبعدين بقى هنشغل ال service اللى هى named-chroot

**/usr/libexec/setup-named-chroot.sh /var/named/chroot on**

وبعدها

**systemctl enable named-chroot**

**systemctl start named-chroot**

**systemctl status named-chroot**

طبعا بعد كده انت هتبدأ تعدل فى ملف ال configuration الرئيسى اللى هو  
named.conf

**vim /var/named/chroot/etc/named.conf**

وتعدل بقى ال options دى

```
options {  
    listen-on port 53 { 127.0.0.1; };  
    listen-on-v6 port 53 { ::1; };  
    directory      "/var/named";  
    dump-file       "/var/named/data/cache_dump.db";  
    statistics-file "/var/named/data/named_stats.txt";  
    memstatistics-file "/var/named/data/named_mem_stats.txt";  
    allow-query     { localhost; };
```



بعد كده بقى هناخد ال Zone اللى احنا عملناها فى ملف ال configuration  
الرئيسى بتاع ال Master Server اللى هى دى

```
zone "ahmed.com" IN {  
    type master;  
    file "/var/named/timon.forward";  
};
```

ونحطها هى فى ملف ال Configuration بتاع ال Slave Server ، لكن بدل  
ما ال type هيكون master ، لا انا هخليه slave ، وفيه تغيير تانى وهو انى اولا  
ملف ال record ده

```
file "/var/named/timon.forward";
```

انا مش محتاج اعمله configure على ال Slave Server ، لان هنا ال Slave هو  
اللى المفروض يروح لل Master ويسحب منه الملف ده

طيب انت اصلا وانت على جهاز ال Slave هتلاقى عندك directory اسمها  
slaves فى المسار ده

```
[root@client ~]# ls /var/named/chroot/var/named  
chroot data dynamic named.ca named.empty named.localhost  
named.loopback slaves
```

ال directory دى موجودة علشان كل الداتا اللى هتنقل من ال Master Server  
لل Slave Server هتبقى موجودة جواها ، طبعا انت لو جيت دخلت جوه ال  
directory دى مش هتلاقى جواها حاجة

تعالى بقى ارجع لملف ال named.conf بتاع ال slave ، وهتقوله بقى على ال  
directory اللى هيتحط فيها الملفات اللى هتسحب من ال Master Server  
وكمان اسم الملف اللى هيتسحب هو كمان من ال Master هيكون اى بالظبط  
يعنى ال Zone بتاعتك فى ملف ال named.conf على جهاز ال Slave Server  
هتكون بالشكل ده

```
zone "ahmed.com" IN {  
    type slave;  
    file "/var/named/slaves/timon.forward";  
};
```

معنى كده انه المفروض علشان يحصل Zone Transfer ، او بمعنى اخر لما  
يحصل Zone Transfer ، المفروض ان فى ملف بالاسم ده ahmed.forward  
هيت create فى المسار ده

**/var/named/slaves/**

والملف ده بقى الداتا اللي هتكون موجودة جواه ، هتكون متاخدة من  
ال Master Server

كده كل الشغل اللي على ال Slave خلص ، بس كده انا ناقصنى حاجة واحدة  
بس ، وهى انى لازم اقول لل master فين ال slaves ، وطبعاً لازم اقول لل  
Slaves فين ال Master يبقى انا كده لازم اعرف كل واحد على التانى

كده انا هروح على ال Master الاول ، واجى عند ال Zone اللي انا عملتها ،  
واضيف ال Parameter ده

**allow-transfer { 192.168.43.76; };**

يعنى اقوله مين الجهاز اللي مسموح ليه انه يحصله Zone Transfer ، واكتب  
بقى ال IP بتاع جهاز ال Slave ، او ممكن اكتب كلمة any برضو

يبقى كده الجهاز ده بس هو اللي مسموح ليه انه يتعمله Zone Transfer طيب  
دلوقتى بقى عملية ال Zone Transfer ممكن انها تتم بطريقتين

الطريقة الاولى وهى انه كل مرة يحصل تعديل على ال Master يروح مبلغ ال Slave ويقول ان فى تحديث جديد عنده ويروح ال Master يعمل حاجة كده زى Push او Notify يعنى بيعت ال update اللى عنده لل Slave ، والطريقة الثانية ان ال Slave ذات نفسه هو اللى يسأل ال Server يعنى بيعمل Pull يعنى يروح لل Master ويقول ادينى التحديث اللى عندك وده بيتم بشكل Periodic على فترات زمنية يعنى ، وده هنبص عليه دلوقتى ، اللى هما الخمسة Parameters اللى اتكلمنا عنهم المرة اللى فاتت او بداية الفيديو ده

يبقى كده انت عندك طريقتين علشان تاخد ال records او ال Zone Files من ال Master لل Slave

طيب نرجع بقى لموضوعنا ، احنا دلوقتى فى ملف ال configuration الرئيسى بتاع ال Master اللى هو named.conf ، وكده احنا عرفنا ال Master ان الطرف ده هو اللى مسموح ليه انه يعمل Transfer ، فى برضو عندنا Parameter تانى ، ممكن نعرفه اسمه notify ، وده مع كل مرة انت تعدل فيها رقم الداتا file او بمعنى اخر كل مرة تعدل فيها ال Serial Number عند ال Master ، فال Master هيروح ي Notify ال Slave يقولى خد منى التحديث الجديد ده ، يعنى الشكل بتاعت ال Zone بتاعتك عند ال Master هيكون كده

```
zone "ahmed.com" IN {  
    type master;  
    file "/var/named/ahmed.forward";  
    allow-transfer { 192.168.43.76; };  
    notify yes;  
};
```

ال yes دى بقى معناها ، انى كل مرة ك Master يتعدل فيها ال Serial بتاعى هروح ابلغ ال Slave ، ده كده الجزء الاول على جهاز ال Master ، كده معناه انى فعلت ال Push او ال Notify

ناقصلى بقى ال Slave ، لازم اقول لل Slave فين ال Master بتاعك

تعالى بقى على جهاز ال slave ، وعند ال Zone بتاعتك وهتقولى فين ال masters بتوعك ، بالشكل ده

```
zone "ahmed.com" IN {  
    type slave;  
    file "/var/named/slaves/ahmed.forward";  
    masters { 192.168.43.166; };  
};
```

طبعا متنساش تتأكد ان ملفات ال service بتاعت named تكون مملوكة لل user والجروب اللي هما named

كده انت بقى هتروح لملف ال data بتاع ال zone اللي هو فى المسار ده على جهاز ال Master

**vim /var/named/chroot/var/named/ahmed.forward**

وتقوله ان انت عندك Name Server تانى يعنى عندك DNS تانى ، واسمه مثلا ns1.ahmed.com. وال IP Address بتاعه كذا ، وتكتب بقى ال IP بتاع ال Slave او ايا كان ال IP اللي انت هتكتبه ، علشان مثلا لما تيجى تعمل dig على ال Master DNS وتقوله فين ال IP بتاع الجهاز اللي شايل الموقع اللي اسمه ns1.timon.com. يقولك اتفضل اهو

يعنى خلى بالك مش لازم تكتب ال IP بتاع ال Slave ، اتمنى انك تراجع على النقطة دى كويس فشخ

وبكده الملف بعد التعديل هيكون كده

**\$TTL 1D**

**@ IN SOA ns0.ahmed.com. admin.ahmed.com. (**

**0 ; serial**

**1D ; refresh**

**1H ; retry**

**1W ; expire**

**3H ) ; minimum**

**NS ns0.ahmed.com.**

**NS ns1.ahmed.com.**

**ns0 A 201.201.0.4**

**ns1 A 192.168.43.76**

**www A 201.201.0.5**

يبقى انت كده فى ال Zone Files لازم تعرف فين ال Zones بتوعك يعنى فين  
ال domains بتوعك واى ال IP بتاعتهم ، اوعى تنسى الخطوة دى

بعدها بقى اعمل restart لل named-chroot

**systemctl restart named-chroot**

وتعالى بقى اعمل

**systemctl status named-chroot**

هتلاقى فى الناتج سطر بالشكل ده

**zone ahmed.com/IN: sending notifies (serial 0)**

بيقولك sending notifies ، يعنى بيقولك انه بيحاول يعمل notification دلوقتى  
او بيحاول انه بيعت notification دلوقتى

تعالى بقى نروح لجهاز ال Slave هو كمان واعمل restart لل named-chroot  
وشوف بقى بعدها ال status بتاعت named-chroot ، هتلاقى فى الناتج الكام  
سطر دول



**Aug 09 12:48:49 client.dns.com named[3746]: transfer of 'ahmed.com/IN' from 192.168.43.166#53: connected ...8765**

**Aug 09 12:48:49 client.dns.com named[3746]: zone ahmed.com/IN: transferred serial 0**

**Aug 09 12:48:49 client.dns.com named[3746]: transfer of 'timon.com/IN' from 192.168.43.166#53: Transfer c...sec)**

هنا بقى بيقولك ان قدر يعمل Zone Transfer من السيرفر اللى ال IP بتاعه  
كذا على البورت واخر سطر بيقولك كمان ان ال Transfer Completed

كده الكلام ده معناه ان الملف اللى هو ahmed.forward اللى موجود على  
جهاز ال Master Server المفروض انه يكون انتقل على جهاز ال Slave فى  
المسار ده

**[root@client ~]# ls /var/named/chroot/var/named/slaves/  
ahmed.forward**

اهو بالفعل الملف انتقل فعلا لوحده ، بدون ما انا ما اكتبه على جهاز ال Slave  
من اول وجديد

طبعا الملف ده اللى هو ahmed.forward لو تفتحته على جهاز ال slave هتلاقيه عبارة عن binary file ، وهنا بقى فى حاجة عايز اقولك عليها وهى ان الاصدارات الجديدة فى bind لما بتعمل Zone Transfer ، فالملف اللى انت بتعمله zone transfer ده هيتنقل من جهاز ال Master لجهاز ال Slave على شكل binary file

طيب اى بقى يعم الاشكالية اللى احنا فيها دى ، بص الملف لما بيتنقل بالشكل ده اللى هو بيبكون binary file ، بيديك ميزة صغيرة جدا اول حاجة وهى ان عملية ال Zone Transfer بتكون سريعة جدا ، فانت مثلا لو بتتكلم على Production Environment وعندك 100 Zones ، فانت كده بتجهد ال service دى

فانت بدل ما تقعد تعذب نفسك ، الافضل انك تسبب ملفات ال Zones دى تنقل بشكل binary زى ما هى ، والحل التانى وهو اذا كنت انت عايز تشوفه ك Plain Text فانت هتقول لل Master وانت بتعمل Zone Transfer ده ابقى اعمله Plain Text

طب اى بقى الحل الافضل ؟؟ طيب بص عندك كده فى سيناريو ممكن يخليك تشد فى شعرك ، انت دلوقتى عندك ال Master شغال زى الفل وال Slave برضو شغال زى الفل وعملية ال Zone Transfer شغالة ومفيهاش مشكلة

وهوب بقى المكنة اللى عليها ال Master Server هنجت ووقفت خالص لاي سبب بقى ، زى مثلا ممكن يحصل Failure فى الهاردوير عندك

فانت بقى علشان تريح نفسك ، اولاً خلى فى بالك ان ال DNS او bind عموماً ، لما بيعمل ال Zone Transfer ، بيعملوا Load فى ال Memory ، ومعنى كده ان عملية القراءة والكتابة بتكون سريعة جداً ، وعادة يعنى فى معظم ال Environments بيكون عندك اقل من 100 Zone ، طيب انت ليه بقى تحط نفسك فى ال risk ؟

وبالتالى الحل الافضل هنا اننا خليها Plain Text علشان لو ال Master وقع تقدر انت وانت على جهاز ال Slave تاخد ال Zones دى Copy وتبدأ بقى انك تعمل rebuild لل Master من اول وجديد بكل سهولة

كده انت هتيجى على جهاز ال Slave Server ، وتعدل فى ملف ال named.conf وتضيف ال Parameter ده

**vim /var/named/chroot/etc/named.conf**

```
options {  
    listen-on port 53 { 127.0.0.1; 192.168.43.76; };  
    listen-on-v6 port 53 { ::1; };  
    directory      "/var/named";  
    dump-file       "/var/named/data/cache_dump.db";  
    statistics-file "/var/named/data/named_stats.txt";  
    memstatistics-file "/var/named/data/named_mem_stats.txt";  
    allow-query     { localhost; 192.168.43.0/24; };  
    allow-query-cache {localhost; 192.168.43.0/24; };  
    masterfile-format text;
```

يعنى انت هنا بتقوله ان ال format بتاعك اللى هياجى من ال Master خليهولى

Plain Text

**masterfile-format text;**

وبعدها بقى اعمل restart لل named-chroot وانت على جهاز ال Slave كل ده

**systemctl restart named-chroot**

وبعدها بقى روح شوف الملف اللى انتقل من عند ال master هل بقى Plain

text ولا زى ما هو binary

**cat /var/named/chroot/var/named/slaves/ahmed.forward**

هتلاقيه انه بقى Plain Text والحمد لله

طيب فى حاجة تانية عايز اقولك عليها وهى انى وانا على جهاز ال Master لو انا بقى عدلت حاجة ، هل بقى لازم اعدل برضو عند ال Slave ؟ اكيد طبعا لأ

لما تيجى تعدل بعد كده ، كل التعديل اللى هتعمله هيكون من عند ال Master نفسه

يعنى مثلا تعالى على جهاز ال Master وليكن مثلا اننا عايزين نضيف record جديد فى ملف ال zones بتاعنا

**vim /var/named/chroot/var/named/ahmed.forward**

يعنى مثلا ممكن يكون عندى record جديد اسمه mail و mail ده بقى هو عبارى عن subdomain من ال Name Server اللى هو timon.com بس mail ده موجود على سيرفر ال IP بتاعه كذا

فانا بقى هضيفه بالشكل ده ، ومتنساش تغير ال serial بدل ما هى ب zero  
خليها بواحد

**\$TTL 1D**

**@ IN SOA ns0.ahmed.com. admin.ahmed.com. (**

**1 ; serial**

**1D ; refresh**

**1H ; retry**

**1W ; expire**

**3H ) ; minimum**

**NS ns0.ahmed.com.**

**NS ns1.ahmed.com.**

**ns0 A 201.201.0.4**

**ns1 A 192.168.43.76**

**www A 201.201.0.5**

**mail A 192.168.43.165**

وبعدها بقى هتعمل restart لل named-chroot

روح بقى على جهاز ال slave ، وشوف كد الملف بتاع ال Zones هتلاقي ان  
التحديث اللى حصل على ال master اوتوماتيك اتنقل لل slave

**cat /var/named/chroot/var/named/slaves/ahmed.forward**

```
[root@client ~]# cat /var/named/chroot/var/named/slaves/ahmed.forward
$ORIGIN .
$TTL 86400      ; 1 day
ahmed.com      IN SOA     ns0.ahmed.com. admin.ahmed.com. (
                1          ; serial
                86400      ; refresh (1 day)
                3600       ; retry (1 hour)
                604800     ; expire (1 week)
                10800      ; minimum (3 hours)
                )
                NS  ns0.ahmed.com.
                NS  ns1.ahmed.com.
$ORIGIN ahmed.com.
mail           A    201.201.0.8
ns0            A    201.201.0.4
ns1            A    192.168.43.76
www            A    201.201.0.5
```

طیب ولو ملقتش ان الملف ده اتعدل ، یبقی جرب تمسحه وانت علی ال  
Slave وتعمل restart لل named-chroot علی جهاز ال Slave برضو

دلوقتى بقى ال best practice ليك ، لو انت بتتكلم على Enterprise Network كبيرة ، وعندك مثلا بتاع 3000 مستخدم ، فانت المفروض عندك لما تستخدم ال DHCP ، انت طبعا بتقوله ال range بتاعك هيكون من فين لفين بالظبط ، وعلشان بقى توزع ال Load على السيرفرين دول ، هتعمل اى بقى ، هتروح انت عند ال configuration بتاع ال DHCP وتروح تقول لل range الاول من الاليهات ان ال Master Server بتاعكم هو السيرفر رقم واحد وال slave server هو السيرفر رقم 2 ، وتيجى لل range التانى العكس يعنى ال Master Server هو السيرفر رقم 2 وال Slave Server هو السيرفر رقم 1 وبكده انت ضمنت ان ال Load هيتوزع على الاتنين ، وبكده انت مش محتاج اى High Availability او حتى اى Extra Tools تشغلها

طيب فى حاجة تانية عايز اقولك عليها ، وهى افرض ان انا عندي Client مثلا وال Client ده عايز resolve موقع google.com ، طبعا ال client هيبص على ال configuration اللي عنده هيشوف مين ال master dns يعنى مين ال DNS الاساسى بتاعك اللي هو مثلا ممكن يكون 8.8.8.8 وال slave dns ممكن يكون مثلا 8.8.4.4

يبقى كده جهاز ال Client هيبعت ال request لل DNS الاول ، وطبعا لو ال DNS الاول ده مش reachable يبقى اكيد هيتنقل للتانى ، وهكذا بقى



طبعا ال client زى ما انت عارف لما بيعمل communicate مع السيرفر بيعمل  
communicate على بورت 53 UDP

انما بقى لما السيرفر بي communicate مع السيرفر التانى علشان يعمل  
عملية ال Zone Transfer بي communicate على بورت 53 بس TCP ، فطبعا لو  
انت عامل enable لل firewall على اى مكنة فيهم ، فانت لازم تسمح بالبورت  
ده ، وخلي بالك ان الكاش بتاع ال DNS مش بيتنقل ، لان الطبيعى بتاع  
الكاش انه بيكون فى ال memory

تعالى بقى ننقل على حاجة تانية ، دلوقتى بقى انا عندى ال Master Server  
موجود وال Slave Server موجود والاتنين شغالين تمام ، طيب احنا اصلا  
عرفنا اننا عندنا Parameter اسمه serial ، وده كل وظيفته انه لو حصل اى  
تحديث على ال Master ، فيبدأ بقى ال Master يبلغ ال Slave انه فى تحديث  
حصل ، فكداه ال slave يقارن ال serial اللى عنده بال serial اللى عند ال  
Master ويشوف اى التغييرات اللى حصلت ، ويقولك بقى انه عادة الناس  
بيحاول انهم يخلوا ال value بتاعت ال serial number تكون مكافأة  
لليوم بتاعك ، يعنى مثلا لو احنا النهارده فى 2018 واحنا فى شهر 8 والنهارده  
يوم 10 يعنى ال serial بتاعك بيكون كده

## **20180810 serial;**

يعنى ال serial هو عبارة عن السنة والشهر واليوم ، وفى ناس كده بتحب  
تضيف filed تانى وتحط الساعة والدقيقة ، بس موضوع انك تحط الساعة  
والدقيقة ده مش شئ كويس او ملوش لازمة، لان انت غالبا يعنى مش كل  
ساعة هتروح تعدل فى ملف ال data بتاع ال bind ، وده طبعا لا يمنعك انك  
تستخدم اى رقم

طيب كده ال serial وعرفناه ، اومال بقى اى بقية ال Parameters دى

**1D ; refresh**  
**1H ; retry**  
**1W ; expire**  
**3H ) ; minimum**

ببساطة شديدة لو روجت لجهاز ال slave وشوفت الملف ده

**cat /var/named/chroot/var/named/slaves/timon.forward**

هتلاقى ال Parameters دى بالتفصيل اهى

**86400 ; refresh (1 day)**  
**3600 ; retry (1 hour)**  
**604800 ; expire (1 week)**  
**10800 ; minimum (3 hours)**

طيب احنا قولنا ان فى ال Serial ، ال Master ذات نفسه هو اللى هيروح ي  
notify ال slave بال update اللى حصل عنده ، انما بقى فى ال Parameters  
التانية هيروح ال slave من نفسه كده يسأل ال Master والفترة دى بقى  
بتتحدد بناءا على ال refresh value ، هنا مثلا ال value بتاعت ال refresh كل  
يوم

يبقى كده ال refresh هو الوقت اللى Slave Server هيستناه قبل ما يروح  
يسأل ال Master Server اى التحديث اللى عندك

بعد كده بقى ال retry ، هنا بقى افرض ان ال Slave Server لما راح يسأل ال  
Master Server لقى ان ال master مش شغال او down ، فهو هنا بقى هيعمل  
retry بعد قد اى بقى ؟  
طبعا هيعمل retry بعد يوم زى ما متحدد عندنا هنا

انما بقى ال expire هو الوقت اللي انا ها declare ان كل ال data files او ال Zones اللي كانت متاخدة من ال Master بقت خلاص expired عند ال slave server وليكن فرضا بعد اسبوع واحد

آخر Parameter عندنا وهو ال minimum ، وده معناه مثلا ان لو مثلا حد جه وسأل ال DNS على record وليكن مثلا www.yahoo.com فيروح ال DNS يرد عليه ويقول ان ال IP Address بتاع ال record ده او الموقع ده هو كذا 165.684.18.8 ويروح ال DNS يقوله بص يعم ، خلى الناتج ده فى الكاش عندك لمدة 3 ساعات مثلا طيب كده ال DNS بيقول للى بيسأله انه على الاقل ميسألش تانى الا بعد 3 ساعات ، طب او مال بقى على الاكثر هي اى بقى ؟ على الاكثر بقى هي ال value بتاعت ال Time To Live

**\$TTL 86400; 1 day**

كده احنا خلصنا ان ال DNS بتاعنا بيشتغل ك Forward Lookup وبقى عندنا كمان Slave Server بيعمل Zone Transfer

المرّة القادمة ان شاء الله هنتكلم على ال reverse lookup بالاضافة لل views  
وال ACL وبالإضافة برضواني هقول ان السيرفر اللي عليه ال key الفلاني ده  
هو ده بس اللي مسموح ليه بعملية ال Zone Transfer

# 17-BIND CONT 5

ده اخر فيديو فى موضوع ال DNS ، النهارده بقى عندنا موضوعين مهمين جدا ، الموضوع الاول وهو ازاي انك ت Implement ال DNS Views والموضوع التاني وهو ازاي انك ت Implement ال Transaction Signature او زى ما بنسميها ال KSI

تعالى بقى نتكلم على ال DNS Views ، طبعا احنا المرة اللي فاتت كان عندنا اتنين سيرفر ، واحد اللي هو ال Master DNS والتاني هو ال Slave DNS وكنت على ال Master Server كنا بنحدد عليه ال Zones وكنا بنقوله اننا مثلا عندنا Zone اسمها ahmed.com وعندي برضو شوية hosts او شوية subdomain جوه ال zone دى زى مثلا www.ahmed.com

وبعد كده بقى روحنا عملنا ال Slave Server ونقلنا كل ال Zones من على ال Master Server ووديناها لل Slave ، بمعنى اصح اني مكنتش محتاج اكتب كل ال records او ال Zones دى من تاني ، ده كل اللي احنا عملناه وكان مجرد حاجة بسيطة جدا وبدائية كمان

اي بقى اللى احنا عايزين نعمله النهارده ؟ بص تعالى بقى نصعب الدنيا شوية  
ونتعامل مع real world scenarios ، دلوقتى لو انت شغال فى شركة ، فانت  
بتفصل الشبكة بتاعتك لجزئين وممكن 3 اجزاء كمان واحيانا اكر من كده  
كمان ، ازاي بقى ؟؟ بص يا سيدى انت دلوقتى الشبكة عندك بتكون مقسمة  
لاجزاء ، مثلا بيكون عندك ال DMZ وال Internal Network وهكذا بقى ، فانا  
مثلا بكون محتاج اعزل او انى اعمل اكر من view عندى ، بحيث ان ال user  
لو جى من بره الشبكة بتاعتى يكون ليه Access على ال subdomain ده بس  
**www.ahmed.com**

9

**mail.ahmed.com**

فانت بقى الشبكة بتاعتك ، بتكون واصله بجزين ، اول جزء وهو ال Guest  
Network والجزء التانى وهو ال Local Network ، طبعا فى الواقع الدنيا بتكون  
اعقد من كده بس ده مجرد سيناريو مبسط

فانت بكل بساطة عايز الناس اللى هما جايين عن طريق ال Public Net وليس  
عن طريق ال Guest Network ولا ال Local Network ، انت بقى عايز الناس  
اللى جايين من بره خالص دول ييصوا بس على ال 2 hosts دول

اللى هما www و mail ، فانت مثلا عايز ت configure ال DNS وتقوله ان انت عايز تعمل View 3

تقوله بقى ان ال View الاولى لو الراجل جاي عن طريق ال Internal Network فانت هتوريه كل ال Hosts اللي عندي ، سواء بقى كانت www او mail او حتى data base

وال View الثانية او ال rule الثانية ان لو الراجل جاي عن طريق ال Guest Network فانت يا DNS هتوريه ال www ووريه كمان ال Portal بتاعك ووريه كمان ال Guest Video Confrence وكمان ال Access بتاع ال Projector ، طبعا متنساش ان كل device بيكون ليها اسم وليها IP

وال View الثالثة بقى لو اى حاجة غير اللي فاتوا فانت هتورى الراجل اللي جى عن طريق ال Public Network هتوريه ال www وال mail

ده بقى كله باختصار شديد اللي احنا عايزين نعمله دلوقتى ، بالمناسبة ال Views بيسموها كده DNS Split View او Split Horizon ، فكه الراجل اللي جى من بره هيشوف records معينة ، والراجل اللي جى من ال Guest او من ال Internal Network هيشوف Records ثانية خالص



يعنى الفكرة كلها ، فى ان الراجل اللى جى من ال Public Network هيكتب فى ال browser عنده `www.ahmed.com` او مثلا `mail.ahmed.com` بس ، وهيروح لجهاز ليه IP مختلف ، لان ده اللى متحددله بس ، اما بقى لو هو داخل ال Internal Network وكتب فى المتصفح بتاعه `www.ahmed.com` فهو هيروح لجهاز تانى خالص وليه IP تانى خالص ، غير الجهاز اللى هيوصل ليه الشخص اللى جى من ال Public Network

يعنى الاتنين بيكتبوا نفس الاسم اللى هو `www.ahmed.com` ويروحوا لنفس ال DNS Server اللى عندك فى الشركة ، بس اللى جى من ال Public Net هيروح لمكنة ، واللى جى من ال Internal Network هيروح لمكنة تانية خالص

طبعا مع الاخذ فى الاعتبار ان مفيش حد يقدر يمنعك انك تقدر انك تبعث الاتنين على نفس المكنة ، بس طبعا انت كده خسرت ال function بتاعت ال DNS لان عادة ال Split View DNS انت بتعملها علشان تعزل المستخدمين عن بعض

بالنسبة بقى لل Implementation ، او التطبيق يعنى ، فهو سهل جدا هنروح بقى على جهاز ال Master Server ، وهنفتح ملف ال `named.conf`

**`vim /var/named/chroot/etc/named.conf`**

طبعا احنا كنا معرفين فيه zone اسمها ahmed.com ، وكمان قولته على المكان اللي هيكون فيه الملف اللي هيكون فيه ال record بتاعتى او الداتا بمعنى اخر

**file "/var/named/ahmed.forward";**

تعالى بقى نعرف ال views بتاعتنا ، هتقولى وهو انا هحفظ ال configuration بيتكتب ازاي كمان ؟ هقولك طبعا لأ مفيش عندنا حاجة اسمها حفظ

انت هتلاقي عندك اصلا sample file موجود فى المسار ده

**/usr/share/doc/bind-9.9.4/sample/etc/named.conf**

روح بقى خذ من ملف ال sample ده ال configuration اللي انت عايزه ، واعمله Paste فى المكان اللي انت عايزه برضو

**view "localhost\_resolver"**

**{**

**/\* This view sets up named to be a localhost resolver ( caching only nameserver ).**

**\* If all you want is a caching-only nameserver, then you need only define this view:**

**\*/**

**match-clients { localhost; };**

**recursion yes;**

```

# all views must contain the root hints zone:
zone "." IN {
    type hint;
    file "/var/named/named.ca";
};

/* these are zones that contain definitions for all the localhost
   * names and addresses, as recommended in RFC1912 - these
names should
   * not leak to the other nameservers:
   */
include "/etc/named.rfc1912.zones";
};

```

روح بقى الزقه فى ملف ال configuration الرئيسى بتاع ال Master Server

تعالى بقى سيب الملف ده دلوقتى ، وهنشرح شوية حاجات كده ، اولاً مع ال BIND لما تيجى تعمله implementation فانت عندك حل من اثنين ، الاول وهو انك تعرف ال BIND بتاعك ده with Views ، او يا اما without views ومينفعش تعمل mix ، بكل بساطة اللي احنا كتبناه ده معناه ان انت لو جيت مثلاً فى ملف ال named.conf وكان عندك zone وجيت عرفت view واحدة فانت مينفعش تيجى فى جزء تانى من الملف وتيجى تعرف zone وتسيبها عريانة متكونش جوه اى view

الكلام من تانى ، مينفعش تروح عامل Zone وتحطها فى View وبعدين تروح تعمل zone تانية ومتحطهاش فى view ، الكلام ده عك ، لان انت اصلا لما تيجى ت restart ال service هيطلعلك errors ، فانت بقى لو معملتش views خالص يبقى خلاص خير وبركة ، انما بقى لو حطيت zone فى view يبقى لازم تحط الباقيين فى view برضو

دى كده اول حاجة اتفقنا عليها

الحاجة الثانية بقى ، انت فى ملف ال configuration عندك كان فيه section فى الاول خالص اسمه options ، وكنت بتحط فيه كل ال options بتاعتك ، دلوقتى بقى ايا كان ال option اللى انت حطيته فوق ، اى بقى option انت هتخطه فى ال view فهو هي overwrite ال global option واطن انت عارف حاجة زى دى

تعالى بقى نرجع لملف ال named.conf ، دلوقتى بقى هسمى ال view بتاعتى مثلا باسم Internal ، بعد كده بقى ال view دى هت match انهى clients بالظبط

فانا مثلا ممكن اقوله ان ال view دى هت Match ال clients اللى جايين من الشبكة اللى هى 201.201.0.1/24 ومتنساش ال ; وكمان المسافة اللى فى الاخر

يبقى كده اى client هياجى من ال source ده هيعمله match يعنى هيسمحله

خلى بالك ان انت عندك ال Zone اللى انت كنت عاملها المرة اللى فاتت اللى هى ahmed.com ، فانت بقى هتخليها جوه ال view اللى انت بتعملها دى

اه بالمناسبة فاكتر ال Zone " . دى ، طب فاكتر الملف بتاعها اللى هو

**vim /var/named/chroot/var/named/named.ca**

الملف ده بقى يا برنس ، فيه معلومات ال root servers كلهم

حط بقى فى اعتبارك وخذ القاعدة الثالثة بالنسبة لل Views ، وهى ان اى view هتعملها لازم يكون فيها definition لل zone بتاعت ال root servers حتى لو عندك 500 view والا بقى لو ال Zone دى اللى هى ahmed.com متعرفش توصل لل root servers فال DNS مش هيعرف يعمل resolve اصلا

يعنى مثلا انت لو عملت match لل clients اللى جاية من ال Network اللى هى 201.201.0.1 ما كده كده ال Clients دول لازم يكونوا عارفين ال root servers ، والا فانت ال DNS بتاعك مش هيعرف يعمل resolving علشان كده كل view لازم يكون فيها definition لل zone بتاعت ال root server

نرجع بقى للملف بتاعتنا ، دلوقتى انت كان عندك فى الملف ال zone دى  
لوحدھا

```
zone "." IN {  
    type hint;  
    file "named.ca";  
};
```

فانت هتمسحھا بقى ، لان انت اصلا معرفھا جوه ال view اللى انت هتعملھا

يبقى انت كده الشكل النهائى بتاع ال view بتاعتك اللى اسمھا internal  
هيكون كده

```
view "internal"  
{  
    match-clients      { localhost; 201.201.0.1/24; };  
    recursion yes;  
  
    # all views must contain the root hints zone:  
    zone "." IN {  
        type hint;  
        file "/var/named/named.ca";
```

```
};
```

```
/* these are zones that contain definitions for all the localhost  
 * names and addresses, as recommended in RFC1912 - these  
names should  
 * not leak to the other nameservers:  
 */  
include "/etc/named.rfc1912.zones";
```

```
zone "timon.com" IN {  
    type master;  
    file "/var/named/ahmed.forward";  
    allow-transfer { 192.168.43.76; };  
    notify yes;  
};  
  
};
```

ولو موضوع كتابة ال Zone اللى هى ال . dot الخاصة بال root servers ، لو  
موضوع كتابتها كل شوية متعب بالنسبالك ، فانت ممكن تعمل ملف خارجى  
وليكن مثلا

**vim named.roots**

وتحت جواه ال zone دى

```
zone "." IN {  
    type hint;  
    file "/var/named/named.ca";  
};
```

وبعدها بقى عمله include فى اى view انت هتعملها ، وبكده انت ممكن تكون وفرت على نفسك

الحاجة الثانية اللى البشمةهندس بيحب يعملها وهى متعلقة بجزء ال logging طبعا هو اتكلم عن موضوع ال logging ده وازاى نعمل enable لل logging ، بيتكلم برضو انه جزء ال logging ممكن ان انت تحطه فى ملف لوحده وتعمله include برضو ، ابقى راجع برضو موضوع ال logging ده برضو

المهم بقى ، دلوقتى اعمل restart لل named-chroot

**systemctl restart named-chroot**

هتلاقه بيقولك error ، وبيقولك ان الملف اللى هو

**/etc/named.rfc1912.zones**

لازم انك تعمل comment للسطر ده

**include "/etc/named.rfc1912.zones";**

لانه global ، ولانه موجود منه نسخة فى ال view اللى انت عملتها



وبعدها بقى اعمل restart لل named-chroot ، هتلاقيها اشتغلت معاك ، بس موضوع تغيير ال IP ده مش اساسى يعنى ، الفكرة كلها كانت فى السطر ده اللى هو متكرر

طيب علشان بقى نتأكد ان عملية ال resolving شغالة كويس ، استخدم dig

**dig @201.201.0.5 www.ahmed.com**

هتلاقيها شغالة كويس وزى الفل

تعالى بقى نعمل view تانية ونشوف ازاى هنعمل manipulation للمعلومات اللى طلعتنا من استخدام dig

افتح تانى ملف ال named.conf على جهاز ال Master

**vim /var/named/chroot/etc/named.conf**

هنعمل بقى view تانية ونسميها external مثلا ، وهيكون فيها مثلا نفس المعلومات ، بس المرة دى هغير اسم الملف ده

```
file "/var/named/external-ahmed.forward"
```

هضيفه بس كلمة external

وبعدين بقى هروح للمسار ده

```
cd /var/named/chroot/var/named/
```

وبعدها بقى هتعمل نسخة من نفس الملف السابق اللى هو ده  
ahmed.forward بس هتسميه بالاسم ده external-ahmed.forward

```
cp timon.forward external-ahmed.com
```

وافتح بقى الملف ده

```
vim external-ahmed.com
```

وغير مثلا ال IP Address بتاع www وخليه مثلا 184.44.18.49 اى IP خلاص  
وبعدين بقى احفظ الكلام ده  
يعنى ال view بتاعتك الشكل النهائى ليها هيكون كده

```
view "external"
{
    match-clients      { 201.201.0.1/24; };
    recursion yes;

    # all views must contain the root hints zone:
    zone "." IN {
        type hint;
        file "/var/named/named.ca";
    };

    /* these are zones that contain definitions for all the localhost
       * names and addresses, as recommended in RFC1912 - these
names should
       * not leak to the other nameservers:
       */
    include "/etc/named.rfc1912.zones";

    zone "timon.com" IN {
        type master;
        file "/var/named/external-timon.forward";
        allow-transfer { 201.201.0.2; };
        notify yes;
    };

};
```

وبعدها بقى اعمل restart لل named-chroot ، وجرب بقى بعدها انك تعمل dig هتلاقيه انه يسمح لل clients اللي انت حددتهاله

فى معلومة تانية وهى ان ال bind dns بي support حاجة اسمها ال GeoIP Data Base ، ودى عبارة عن data base كبيرة حوالين العالم فيها معلومات كل مدينة فى كل دولة

هتسال طب انا هستفيد من كده اى ؟؟ هستفيد انى ممكن اقول لل DNS بتاعى ان لو ال user جى من دولة زى مصر مثلا فانت هتوريه hosts معينة بايبهات معينة

ولو مثلا جى من مدينة تانية او دولة تانية وريه hosts تانية ، معنى كده انى ممكن اعمل matching بناءا على ال city اللي ال user جى منها

فانت مثلا ممكن تيجى فى ال view بتاعتك وتحدد ل dns هو هي match انهى مدينة بالظبط بناءا على الايبهات

ممكن تروح لل man page بتاعت named.conf عن طريق

**man 5 named.conf**

من الحاجات المهمة جدا برضو وانت شغال مع ال named ، ان انت لازم  
تخبي ال version number بتاعت ال named ، لان ال DNS واحد من اهم ال  
Infrastructure services الموجودة

بمعنى ادق ان لو ال bind حصله hack فانت كده بقيت فى السلامة ، روجت  
فى ابونكلة زى ما تيمون بيقول 🤪🤪🤪

فانت بقى ممكن تغير ال version بتاعت ال named او ال bind يعنى ، وعلشان  
تغير ال version فانت ممكن تقوله فى ال options ال parameter ده

## version "za3bola DNS"

بالشكل ده

```
options {  
    listen-on port 53 { 127.0.0.1; 201.201.0.1; };  
    listen-on-v6 port 53 { ::1; };  
    directory      "/var/named";  
    dump-file       "/var/named/data/cache_dump.db";  
    statistics-file "/var/named/data/named_stats.txt";  
    memstatistics-file "/var/named/data/named_mem_stats.txt";  
    allow-query     { localhost; 192.168.43.0/24; };  
    allow-query-cache {localhost; 192.168.43.0/24; };  
    version "za3bola dns";  
}
```

وبكده ای حد هیحاول انه ي attack على vulnerability معينة ، فیهشوف ال version مختلف تماما

**وبعدها بقى اعمل restart لل named-chroot**

تعالی بقى دلوقتى ممكن تستخدم dig علشان تتأكدہ ان ال version بتاعت ال bind بقت za3bola زى ما انت ما سميتها

**dig @201.201.0.5 -c CH -t txt version.bind**

**-c ===== for class**

**-t ===== for text**

هتلاقى الناتج بالشكل ده

```
;version.bind.          CH  TXT

;; ANSWER SECTION:
version.bind.          0    CH  TXT  "za3bola dns"

;; AUTHORITY SECTION:
version.bind.          0    CH  NS   version.bind.
```

وبالتالى انت لازم لازم انك تخبى ال version بتاعك بتاع ال bind ، وده من  
ضمن اساسيات ال security

عارف مثلا انت لو جيت تشوف ال version بتاع google هتلاقيه مخبى هو  
كمان ال version

**dig @8.8.8.8 -c CH -t txt version.bind**

ان شاء بكرة هنتكلم على ال TSIG اللى هى ال Transaction Signature ، وازاي  
نعمل zone transfer مع ال TSIG اللى هى تقريبا ناس من ال system admins  
بيقولوا عليها انها رخصة

ليه بقى ؟؟ تعالى بقى نوضح الدنيا

دلوقتى انا عندى master server وعندى كمان slave server ، وعندى على ال  
master server عندى view اسمها internal وفيها zone اسمها ahmed.com  
وعندى برضو على ال Master Server عندى view تانية اسمها external وفيها  
zone تانية اسمها برضو ahmed.com

دلوقتى بقى انا لما اجى اقول لل Slave Server اللى عندى لما اجى اقله انى  
عايز اعمل zone transfer من ال Master من ال zone اللى اسمها  
timon.com ، فهو بقى هي match انهى واحدة فيهم ؟ يعنى هي match اللى  
هي موجودة فى ال view اللى اسمها internal ولا ال view الثانية اللى اسمها  
external ، كده انت لبست يا برنس

فاحنا بقى المرة الجاية ان شاء الله هناخد ال TSIG ، وازاى استخدم ال TSIG  
فى انها تفرقلى بين ال zone اللى موجودة فى ال view الاولى وبين ال zone  
اللى موجودة فى ال view الثانية ، ودى واحدة من اكبر المواضيع بتاعت  
ال DNS اللى الناس بتهرب منها

**لحد هنا وكده احنا خلصنا معظم ال Basics بتاعت ال DNS**

**متنساش بقى تراجع الملاحظات اللى موجودة فى الصفحة رقم 4 و 5 و 6**



# انتهى الجزء الثالث